

বালিকার এই কাণ্ড দেখিয়া পাইকদ্বয় একে অন্যের মুখের পানে সন্নিহনে চাহিতে লাগিল। হাবির মা দৌড়িয়া আসিয়া সরল ভাবে সরস্বতীর কার্যের প্রতিবাদ করিতে লাগিল।

এক জন পাইক বলিল;—“এ বালা শইয়া আমরা কি করিব? তুমি ছেলে মানুষ, তোমার বালা নেব না।”

তখন ব্রহ্মময়ী বলিলেন;—“আমি বলছি তোমরা এ নিয়ে যাও। বিক্রী করিলে ষোল টাকার বেশী হবে। আমার মেয়ের হাতের বালা, আমি তো দিতে পারি।”

হাবির মা, বার বার ব্রহ্মময়ীর কথা ও কার্যের প্রতিবাদ করিতে লাগিল। কিন্তু ব্রহ্মময়ী তাহা শুনিলেন না।

পাইকগণ ব্রহ্মময়ীর কথা শুনিয়াও ইতস্ততঃ করিতে লাগিল। এমন সময়ে হাবির মার কুটীরের সম্মুখের পথ দিয়া একটা যুবক অস্বারোহণে যাইতেছিলেন। তাঁহার চক্ষু হাবির মার গৃহ প্রাঙ্গণে নিপতিত হইল। তাঁহাকে দেখিতে পাইয়া পাইকদ্বয় অবনতশিরে অভিবাদন করিল। তিনি অশ্রুর গতি সংবত করিয়া একটু দাঁড়াইলেন। এক জন

পাইক তাঁহার অশ্রুর গলা ধারণ করিয়া তাঁহাকে পূর্ববর্তী ঘটনার যথাযথ বিবরণ জ্ঞাপন করিল। যুবক অশ্রু হইতে অবতরণ করিয়া গৃহ প্রাঙ্গণে গিয়া দাঁড়াইলেন।

যুবকটা দেখিতে সুশ্রী, ও বুদ্ধিমান, বয়স বিংশতি বর্ষ হইবে। তাঁহার মুখশ্রীতে কোমলতা ও বীৰ্যের সম সমাবেশ রহিয়াছে।

যুবকটাকে দেখিতে পাইয়া ব্রহ্মময়ী একটু সরিয়া গেলেন। সরস্বতী হাবির মার নিকটে সরিয়া দাঁড়াইল।

যুবকটা ধীরে ধীরে সরস্বতীর নিকট গিয়া তাহার বালা গাছি তাহার হাতে পরাইয়া দিলেন।

হাবির মার দিকে চাহিয়া অভ্যাগত যুবক বলিলেন;—“বাছা, তুমি কেঁদ না। যত দিন ইচ্ছা তত দিন তুমি এ বাড়ীতে থেক, তোমার জমার টাকা আমি দিব।”

এই বলিয়া যুবকটা সরস্বতীর দিকে অভিনিবেশ সহকারে দৃষ্টি নিক্ষেপ করিতে করিতে অস্বারোহণে আপনার গন্তব্য স্থানে যাত্রা করিলেন। পাইকদ্বয় পুনরায় তাঁহাকে নতশিরে অভিবাদন করিয়া তাঁহার পশ্চাৎ পশ্চাৎ চলিল।

আলোক শাধা ।

[(Photophobia.)]

ইংরাজিতে ফটোফোবিয়া নামে এক প্রকার রোগের উল্লেখ দেখা যায়, উহার

লক্ষণ ও বিবরণ বড় কৌতুক্যবহ। কি কারণে এই রোগ জন্মে, চিকিৎসা

সকেরা আজি পর্যন্তও তাহা সম্যক
রূপে নির্ণয় করিতে সমর্থ হইলেন নাই;
কেহ কেহ বিশেষ অনুসন্ধান করিয়া
ইহার কতকগুলি কারণ নির্ধারণ করিয়া
দিয়াছেন। আমাদের দেশেও এই
রোগ প্রায়ই ঘটিয়া থাকে এবং আজি
কালি অনেক গৃহস্থের জীলোক ও
বিদ্যালয়ের বালককে ফটোকোবিয়া
কর্তৃক আক্রান্ত হইতে দেখা যাইতেছে।
সংস্কৃত চিকিৎসা শাস্ত্রে এই রোগের
ঐক্য সংজ্ঞা বা লক্ষণ দেখিতে পাই নাই,
আধুনিক ইংরাজি শিক্ষিত বঙ্গীয় চিকিৎ-
সকেরা ইহাকে “আলোকভীতি” নামে
আখ্যাত করিয়া থাকেন। পরীগ্রামের
বৃদ্ধা জীলোকেরা এই রোগের “আলোক
ধাঁধা” নাম দিয়াছেন; আমাদের
বিবেচনার শেষোক্ত নামটাই প্রাপ্ত
এবং সর্বত্র প্রচলিত হওয়া উচিত।
উড়িয়াফলে কাজলা নামে এক প্রকার
চক্ষুরোগের লক্ষণ শুনা যায়, তাহা
কতকাংশে আলোক ধাঁধার সমান।
ফটোকোবিয়া অতি সামান্য কা-
ণে এবং অতি ক্ষুদ্র সময়ের মধ্যে ঘটিতে পারে,
সুতরাং ইহার বিবরণ কিছু পূর্ণ হইতে
জানিয়া রাখিতে পারিলে বিপদ হইতে
পরিমাণ পাইবার কিছু ভরসা থাকে।

লক্ষণ দেখিয়া ফটোকোবিয়া রোগ
চিনিয়া লইতে হয়। এই রোগ একে
বারে সম্পূর্ণ আকারে দেখা দেয় না,
রোগ হইবার অব্যবহিত কাল পূর্ব হইতে
কতকগুলি লক্ষণ দৃষ্ট হইয়া থাকে, সেই

লক্ষণ বাহ্য রোগের আগমনে যে বিশেষ
নাই তাহা বুঝিয়া লইতে হইবে।
আলোক ধাঁধা হইবার একটু আগে
চক্ষুর ক্ষুদ্র ঝিল্লি মধ্যে এক প্রকার চঞ্চ-
লতা জন্মে, তাহাকে ইংরাজিতে ‘Morbid
Sensibility’ কহিয়া থাকে।
অনেক ক্ষণ চেয়ারে বসিয়া
পা খুলাইয়া রাখিলে পদতলে যেমন
ঝিনি ঝিনি ধরে, চক্ষুর নিম্নদেশে সেই
ক্ষণ ঝিনি ঝিনি ঘরিয়া থাকে। তাহার
পরে উর্দ্ধ দেশে অল্প পরিমাণে বাধা
জন্মে এবং সম্মুখস্থ বস্তুকে হরিয়া বর্ণ
বলিয়া বোধ হয়। এই অবস্থায় দূরের
বস্তুকে গাঢ় কৃষ্ণবর্ণ দেখায়। কিছু
কাল অতিবাহিত হইলে দূরের এবং
নিকটের সকল বস্তুকেই কৃষ্ণবর্ণের বলিয়া
বোধ হয় এবং সমগ্র বিশ্বমণ্ডলকেই
যেন অসারস্যা বজ্রাণী বলিয়া ভ্রম জন্মে।
সূর্যের কিরণ ভাল লাগে না, আগুনের
তাপ পায় লাগিলে যন্ত্রণা অনুভব হয়
এবং মানসিক পরিশ্রমে আদৌ ইচ্ছা হয় না,
কেবল অক্ষরময় গৃহে নির্জনে বসিয়া
থাকিতে আত্মলাভ জন্মে। অধিক কথা
শুনিলে বা বহিলে শরীরের উষ্ণতা হয়
এবং মজীত শুনিতে ইচ্ছা জন্মে।
চিকিৎসকেরা বলেন এই অবস্থায় বা-
স্তব শ্রবণ করা বিধেয় এবং গ্রন্থাদি
পাঠ সম্পূর্ণ নিষিদ্ধ।

ইহার কিছু পরেই আলোক ধাঁধা
রোগ পূর্ণতা প্রাপ্ত হয়। আলোক
দেখিলেই মনে আশঙ্কা জন্মে এবং চিত্তের

বিকৃতি উৎপাদিত হইয়া মস্তিষ্কে জীর্ণ করিয়া ফেলে। ঠিক এই অবস্থার নাম “আলোকভীতি”। হাইড্রোকোবিয়া রোগী জল দেখিলেই যেমন কাতর হয় এবং আশঙ্কায় দৌড়িয়া পলাইবার চেষ্টা করে, আলোকভীতি রোগগ্রস্ত ব্যক্তিও আলোক দেখিলে তেমনি ভয় পাইয়া থাকে। বাস্তবিক এই সময়ে ইহাদের চক্ষুতে অধিক পরিমাণে আলোক লাগিলে মনন-চর একেবারে অন্ধ হইয়া যায় অর্থাৎ তাহাদের আর কোন কার্যকারিণী শক্তি থাকে না। বিলাতের একজন প্রসিদ্ধ চিকিৎসক বলিয়াছেন, এক মিনিটের কিঞ্চিৎ অধিক কাল আলোক লাগাইয়া একজন বলবান্ যুবক রোগীর চক্ষু অন্ধ হইয়া গিয়াছিল।

আমাদের দেশের জী লোকেরা শিশুদিগের চক্ষে যে কাঁজল দেন, তাহা চিকিৎসকদিগের বিবেচনায় ভাল বলিয়া বোধ হয়। আমাদের পাড়ারগায়ের জী-লোকেরা এ প্রথাটি অধিক পরিমাণে

প্রচলন করিয়াছেন। প্রথাটি মন্দ নহে, কিন্তু ৫৬ বর্ষের অধিক বয়স্ক বালককে কাঁজল দিবার রীতি নাই। যুবক এবং যুবতীদিগের মধ্যে মধ্যে কাঁজল লওয়া ভাল। উক্ত পশ্চিম অঞ্চলের মুসলমান-দিগের মধ্যে প্রায়ই জীলোকদিগকে কাঁজল পরিতে দেখা যায়। মুসলমান শাস্ত্রে এই কাঁজলের যথেষ্ট প্রশংসা আছে। বিশ্ব-বিদ্যালয়ের যে সকল পাঠার্থী যুবক মধ্যে মধ্যে চক্ষুরোগে আক্রান্ত হন, তাহাদের পক্ষে এই কাঁজল ব্যবহার করা ভাল বলিয়াই বোধ হয়। চন্দ্রমা ব্যবহার করিয়া চক্ষুকে ক্ষীণ ও অকর্ষণ্য করা অপেক্ষা কাঁজল ব্যবহার করা ভাল। অধিকতর মানসিক পরিশ্রমে কখন কখন আলোক ভীতি জন্মিতে দেখা যায় এবং শিরো-গোণগ্রস্ত ব্যক্তি এতদ্বারা অনেক সময়ে আক্রান্ত হইয়া থাকেন। বাঙ্গালা দেশের মধ্যে পূর্ব বঙ্গে এই রোগ অধিক পরিমাণে দেখা দিয়া থাকে।

বঙ্গমহিলা সমাজের বর্ষ জন্মোৎসব।

১৮৮০ সালের ১লা আগষ্ট বঙ্গমহিলা সমাজের জন্ম হয়, গত ১লা আগষ্ট ইহার সাংবৎসরিক জন্মোৎসব সমারোহে সম্পন্ন হইয়াছে। এই সমাজটী বঙ্গীয় মহিলাদিগের উন্নতি সাধনোদ্দেশে সংস্থাপিত হইয়াছে এবং ইহার কার্য

সকল প্রদানতঃ তাহাদিগের দ্বারা ই নিরূপিত হইতেছে। জীলোকদিগের জ্ঞান, ধর্ম, প্রবন্ধ রচনা ও চিন্তাশক্তি বর্দ্ধনার্থ ইহার কার্য ভিন্ন ভিন্ন বিভাগে বিভক্ত হইয়াছে এবং প্রায় এক এক সপ্তাহে এক এক বিভাগের অধিবেশন

হইয়া থাকে। সভা একটি পুস্তকালয় প্রতিষ্ঠা করিয়াছেন। ইহার একটি নিজস্ব গৃহ নিত্য আবশ্যক হওয়াতে সভাগণ তজ্জন্য অর্থ সংগ্রহে প্রবৃত্ত হইয়াছেন, আমরা আশা করি অচিরে তাঁহাদিগের চেষ্টা ফলবতী হইবে এবং একটি স্থায়ী গৃহ প্রাপ্ত হইয়া সভা তাহার কার্য আরও সুন্দররূপে ও উৎসাহ সহকারে সম্পাদন করিতে সমর্থ হইবেন।

গত জ্যোৎসবের সংক্ষিপ্ত বিবরণ সাময়িক প্রসঙ্গ স্তম্ভে প্রকটিত হইয়াছে। আমরা পাঠিকগণের চিত্ত বিনোদনার্থ সভাস্থলে যে নূতন অভিনয় প্রদর্শিত ও নূতন সঙ্গীতে গীতও পঠিত হইয়াছিল তাহা নিয়ে প্রকাশ করিলাম।

কথোপকথন অভিনয়।

(সভা ভূমিতলে আসীনা, সম্মুখে বালিকা।)

সভা।

কেন আজি তোরা বোনে বোনে মিলে,
ভাসায়ে পরাণ হরষ হিরোলে
গাহিতিস্ সুখ-সঙ্গীত সকলে,
কি কুনিলি নব আশার কথা ?
বালিকা।

প্রিয় সভা ! আজ তব জন্ম দিনে
হরষ-লহরী খেলিতেছে প্রাণে,
তব জ্যোৎসবে মিলি বোনে বোনে
সারা বরষের ভুলেছি ব্যথা।

সভা।

জন্ম দিন মম এল কিরে হায় ?
কিবা ক্রতপদে আয়ুশ্চক্র ধায়,
দেখিতে দেখিতে বরষ ফুরায়,
পূরিছে না শুধু প্রাণের আশ !

বালিকা।

কেন প্রিয় সভা শুভ জ্যোৎসবে
ম্লিয়মাণ হয়ে ভূমে পড়ি রবে,
আজি কেন চোখে অশ্রুদয় হবে ?
আজি যে হাসিবে অথের হাস।

সভা। (দণ্ডায়মান হইয়া)

যে মহৎ ব্রত সাধিবার তরে
লভিলু জনম, জুগে যাই মরে,
সে ব্রতের বিধি ছয়বর্ষ ধরে,
পালিতে সম্যক্ নারিলু হায় !

বালিকা।

তাই ত লো হায় ! যিক্ আমাদের
ব্রত দীক্ষা নিয়ে নারি পালিবারে,
আলস্যোতে থাকি নির্জীব অন্তরে
কোথা দিয়া আয়ু চলিয়া যায় ! !

আশার প্রবেশ।

আশা।

উৎসব সঙ্গীতে আজ কেন, কেন মিশাইছ
বিষাদের তান ?

আমি আশা আগিরাছি, সাধনা আমি
দিয়া জুড়াইতে প্রাণ।

আমি সভা, আমি তোরে, হাতে ধরে নিয়ে যাব,
দাঁড়া স্নেহে পথে,
জীবনের লক্ষ্য আমি, বাধা শত তৈলি পায়
চল মোর সাথে।

অই যে দেখিছ আজ মিলিয়াছে শত বোন
 প্রাক্কল পরাণ,
 পিঞ্জরের পাখী ছিল, আজি স্বাধীনতা হুখে
 গাহিতেছে গান ।
 উহাদের ভাই সব হরষ-পূরিত প্রাণে
 দেখিছেন চেয়ে,
 জ্ঞান ধর্মো সাক্ষী করে, আরো হুও অগ্রসর
 আশা গীত গেয়ে ॥

(নকলের প্রস্থান ।)

সঙ্গীত ।

আজিলো নূতন বরষে
 পরাণ পূরিয়া হরষে,
 কঠে কঠে মিলায়ে সবে, মঙ্গল সঙ্গীত গাওরে ।
 নূতন বরষে আজিরে,
 নব বেশে সবে সাজিরে
 নূতন আশার কাহিনী নিরাশ জনে শুনাওরে ।
 কারেও না কিছু বলিয়া,
 পুরাতন গেছে চলিয়া,
 নবীন বরষ দেখনা দাঁড়ায় রয়েছে ছায়ায়;
 লৈশব মাধুরী বয়ানে,
 হাসি ফুটিতেছে নয়ানে,
 কত আশা খেল পরাণে, ওর মুখ সবে
 চাওরে ।

বর্ষ সঙ্গীত ।

আপনার বেগে, আপনার মনে,
 কোথায় বরষ চলিয়া যায়,
 অপূর্ণ বাসনা রহিল কাহার
 দেখিতে বারেক ফিরি না চায় ।
 কার নয়নের ফুৎাল না জল,
 শুকাল না কার প্রাণের ক্ষত ;

কাহার হৃদয় নিশীথে দিবাস
 জ্বলিছে ভীষণ চিতার মত ;
 কাহার কঠোর মুকুতার মালা
 ছিঁড়িয়া পড়িল শতধা হয়ে,
 ক'র যদি শোভা বিকট কুহুম
 শুকাইয়া গেল হৃদয় ছুয়ে ;
 দেখিবারে তাহা সুহৃদের ভরে
 থামিল না ওর অন্তের পথে,
 অই যায় চলে অই যায় যায়
 সৌর ছাতিময় ক্রতগ রথে ।
 বরষের পর বরষ যাইছে,
 বিদায়ের কালে চরণে ভার
 কত প্রাণ ভাঙ্গি, কত আঁধি দিয়া,
 পড়িছে ভরস মুকুতা-ভার ।
 আপনার ভাবে আপনার মনে
 অশ্রুসিক্ত পদে চলিয়া যায়,
 শোনে না কাহারো রোমন্বয়ের
 কান্নো মুখ পানে ফিরি না চায় ।
 স্রিয়মাণ প্রাণ, আশা ভর করি
 বরষ প্রভাতে দাঁড়ায় উঠে,
 নবীন উষায় হৃদয় কাননে
 আবার নবীন কুহুম ফুটে ।
 জীবন বেলায় আবার খেলায়
 করনার মুছ লহরী-মালা,
 ভুলে যাই শত বিবাদ বেদন
 শত নিরাশার দারুণ জ্বালা ।
 একটি প্রভাত হুখে ফেটে যায়,
 আশার মুছল সুরভি বার,
 একদিন রাখে শ্রান্তি ভুলাইয়া,
 একদিন পাখী সঙ্গীত গায় ।
 আবার আবার ঘুরিয়া কিরিয়া

তেমনি শতেক নিরাশা আসে,
তেমনি করিয়া ঘন অন্ধকার
হৃদয় গগন আবার গ্রাসে।
উঠিয়া, পড়িয়া, থামিয়া, নাচিয়া,
পায়ে জড়াইয়া কণ্টক রাশি,
জীবনের পথে চলি অবিয়াম
কখন বা কাঁদি, কখন হাসি।
আপনার বেগে, আপনার মনে
আবার বরষ চলিয়া যায়,
কে পড়িল পথে, কে উঠি চলিল
দেখিতে বারেক ফিরি না চায়।

কেহ কি দেখেনা?—কেহ কি চাহেনা
ছায়া ছরবল নরের পানে?
তবে কেন প্রতি নূতন বরষে
ফোটে নব ফুল হৃদয় বনে?
তবে কেন আজ শিরায় শিরায়
উৎসাহের স্রোত আবার বহে?

তবে আশারানী কেন কাশে কাশে
শতেক অমিয়া বচন কহে?
গত বরষের দুঃখ অশ্রু লয়ে
পুরাণ বরষ গিয়াছে যাক,
ছাদশ ঘাসের বিষাদের মাগ
উহারি বুকেতে লুকান থাক।
কৃপাহস্ত কার স্বকৃত আলোকে
দেখিতেছি আছে জড়ায়ে নবে,
অই হাত ধরে উঠি পড়ে, পড়ে,
কেন আর ভয় পাই গো তবে।
উঠিয়া, পড়িয়া ভাগিয়া গড়িয়া
বরষে বরষে বাড়ুক বল,
ফুটুক না পায়ে দুটা তুচ্ছ কাঁটা
বহুক না কেন নয়ন জল।
নূতন উদ্যমে, নূতন আনন্দে
আজিতো গাহিব আশার গান,
নূতন বরষে আজি নবত্রেতে
আবার দীক্ষিত করিব প্রাণ।

প্রাচীন আখ্যায়িকাগণ।

৫।—বাক্।

(পূর্ব প্রকাশিতের পর।)

“আমি স্বয়ং এই ব্রহ্ম পদার্থের বিষয়
শিক্ষা দিতেছি, (শ্রবণ কর)। আমিই
দেবগণ ও মনুষ্যাগণ কর্তৃক সেবিত।
আমিই সমস্ত কামনা করিয়া থাকি।
যাহাকে আমি রক্ষা করিতে বাঞ্ছা করি,
তাহাকে অষ্টা, ঋষি (ইন্দ্রিয়ের অতিরিক্ত

বিষয়দর্শী), সর্বোৎকৃষ্ট ও সুন্দর জ্ঞান-
সমৃদ্ধ করিয়া দি। ৫।

“সহমেব স্বয়মিদং বদামি জুষ্ট-
নৈবেদিকৃত মানুযেভিঃ।
যং কাময়ে তত্ত্বমুগ্ধং কৃণোমি তম্
ব্রহ্মাণং তমৃষিতং স্রমেধাম” ১৫৥

“ব্রাহ্মণকুলের বেড়া ও হিংসকের
বধের কারণ আমি ক্রোধের ধহুতে জ্যা
(ছিল) সংযোগ করিয়াছিলাম। আমিই
ভক্ত-জনের উপকারার্থ বিপক্ষ-পক্ষের
সহিত সংগ্রাম করিয়াছি এবং অস্ত-
ধামিনী বলিয়া, স্বর্গে ও পৃথিবীতে প্রতিষ্ঠা
হইয়াছি ৩।

‘অহং স্বয়ম্ এব ইদং’ বক্ত ব্রহ্মাশ্বকং,
‘বদামি’ উপদিশামি; ‘দেবেভিঃ’ দেবৈঃ
ইন্দ্রাদিভিঃ অপি, ‘জুষ্টং’ সেবিতং ‘উত’
অপি ‘মানুষ্যেভিঃ’ মানুষ্যৈঃ অপি ‘জুষ্টং’
ঈদৃগ্বেদ্যাদিক। ‘অহং’ ‘কাময়ে’। ‘যং’
পুরুষং ‘রক্ষিতুম্’ অহং বাঞ্ছামি, ‘তং তং’
পুরুষং ‘উগ্রং ক্রোধেমি’ নর্কেভ্যঃ অধিকং
করোমি। ‘তম্’ এব ‘ব্রহ্মাণং’ স্রষ্টারং
করোমি, ‘তম্’ এব ‘ঋষিম্’ অতীন্দ্রিয়ার্থ
দর্শনং করোমি, ‘তম্’ এব ‘সুমেধাং’
শোভনপ্রজ্ঞকং করোমি। ৫।

“অহং ক্রদায় ধহুরাতনোমি ব্রহ্মদ্বিবে
শরবে হস্ত বা উ।
অহং জনায় সমদঙ, ক্রণোমাহন্যাবা-
পৃথিবী আ বিবেশ ৥৬৥”

পুরা ত্রিপুর-বিজয়-সময়ে ‘ক্রদায়’
ক্রদণ্য (যষ্ঠার্থে চতুর্থী) মহাদেবস্যা ‘ধহুঃ’
চাপম্ ‘অহং’ ‘আতনোমি’ জয়াততং
করোমি: কিমর্থং?—‘ব্রহ্মদ্বিবে’
ব্রাহ্মণানাং দ্বৈষ্টারং, ‘শরবে’ শরং
হিংসকং ত্রিপুরনিবাসিনম্ অসুরং
‘হস্ত বৈ’ হস্তং হিংসিতুং * * *
‘উ’ শব্দঃ পুরকঃ। ‘অহং’ এব ‘সমদং’
সমানং আদ্যস্তাশ্রিত্যিতি সমং সংগ্রামঃ,
‘জনায়’ তোভজনার্থং শক্রভিঃ সহ
সংগ্রামং ‘অহং’ এব ‘ক্রণোমি’ করোমি।
তথা ‘দ্যাবাপৃথিবী’ দিবক পৃথিবীক

“এই ভুলোকের উপরিস্থিত আকাশকে
আমি উৎপাদন করি। সমুদ্রের ও জলের
মধ্যে আমার পিতা অস্ত্রুণ ঋষি রহিয়া-
ছেন। এই প্রকার গুণশালিনী বলিয়া,
আমি নিখিল অবনীমণ্ডলে প্রবেশ করিয়া,
বিবিধ বস্তুতে পরিব্যাপ্ত হইয়া আছি;
এবং কারণ স্বরূপ ও মায়াবয় আমার দেহ
দ্বারা সৃষ্টস্থানে অবস্থিত স্বর্গলোককে
আমি স্পর্শ করিয়া রহিয়াছি ৭।

অস্ত্রধামিতয়া, ‘অহং’ এব ‘আ বিবেশ’
প্রতিষ্ঠবতী। ৬।

“অহং সূবে পিতরমস্য মর্ক্ণমম
যোনিরপ্সন্তঃ সমুদ্রে।
ততো বি তিষ্ঠে ভুবনানু বিধোতা-
মন্যাং বয়ং পোপ্পুশামি” ৭।

দ্যৌঃ পিত্তেতে ঋতেঃ—পিতা দ্যৌঃ।
‘পিতরং’ দিবং, ‘অহং’ ‘সূবে’ প্রসূবে—
জনয়ামি; আয়ন আকাশ সমুদ্রঃ—ইতি
ঋতেঃ। কুত্রোতি তদাহ।—‘অস্য’
পরশ্রানঃ, ‘মর্ক্ণম্’ মর্ক্ণপরি, কারণভূতে
হি তস্মিন বিষয়াদি কার্যজাতং সর্বং
বর্জ্যতে, তদ্বৎ পট ইব। ‘মম’ চ ‘যোনিঃ’
কারণং, ‘সমুদ্রে’ সমুদ্রবস্তি অস্মাৎ ভূত-
জাতানি ইতি সমুদ্রঃপরমায়া, তস্মিন্,—
‘অপসু’ ব্যাপনশীলাসু রীতিভিঃ, ‘অপ্সঃ’
মধ্যে, যং ব্রহ্মচৈতন্যং, তং মম কারণ-
মিত্যর্থঃ। বতঃ ঈদৃভূতা অহং অস্মি,
‘ততঃ’ হেতোঃ, ‘বিদ্যা’ বিদ্যানি—সর্বাণি,
‘ভুবানানি’ ভূতজাতানি, ‘অহু’ এবিশ্যা,
‘বি তিষ্ঠে’ বিবিধং ব্যাপ্য তিষ্ঠামি * * *
‘উত’ অপি, চ, ‘কমুং দ্যাং’ বিপ্রকৃষ্ট-
দেশে অবস্থিতং স্বর্গলোকং, উপলক্ষণ-
মেতৎ; এতদুপলক্ষিতং ক্রুৎসং বিকার-
জাতং, ‘বয়ং না’ কারণভূতেন মায়াদ্ব্যকেন

“বায়ু, বজ্রপ প্লেচ্ছাক্রমে সঞ্চারিত হয়, সেটরূপ সমগ্র ভুবনের প্রসবকর্জী আমি স্বয়ং নিজ ইচ্ছানুসারে ভাবৎ কার্যে প্রবৃত্ত হই। আমি এই আকাশের ও এই পৃথিবীর পরেও বিদ্যমান আছি। আমি বিষয়-নির্লিপ্তা ও ব্রহ্ম-রূপিনী। আমার স্বীয় মাহাত্ম্য-বলে এই সমস্তই সমুৎপন্ন হইয়াছে । ৮।

মদীয়েন দেহেন, ‘উপস্পৃশামি’। যদ্বা ‘অস্যা’ ভুলোক্যা, ‘মূর্ধ্বান্’ মূর্ধ্বাপরি, ‘অহং’ ‘পিতরং’ আকাশং, ‘সুবে’—‘সমুদ্রে’ জলধৌ, ‘অপুং’ উল্লেখ্য, ‘অস্তঃ’ মধ্যে, ‘মম’ ‘যোনি’ কারণভূতঃ অস্ত্রাধ্যঃ ঋষিঃ বর্ততে; যদ্বা ‘সমুদ্রে’ অস্ত্ররীক্ষে, ‘অপসু’ অস্ত্রেষু দেবশরীরেষু, ‘মম’ ‘যোনিং’ কারণভূতং ব্রহ্মচৈতন্যং বর্ততে, ‘ততঃ’ ‘অহং’ কারণাঙ্গিকা সতী, ‘বিশ্বা’ বিশ্বানি সর্কানি, ‘ভুবনানি’ ভূত-জাতানি; ব্যাপ্তোমি, অনং সমানং । ৭।

“বহুমেব বাত ইব প্রবাম্যারভমাণা

ভুবনানি বিশ্বা ।

পরো দিবা এনা পৃথিব্যোত্যবতী মহিনা

সম্ভব ॥ ৮ ॥”

‘বিশ্বা’ বিশ্বানি সর্কানি, ‘ভুবনানি’ ভূতজাতানি কার্য্যানি, ‘আরভমাণা’ কারণস্বরূপেণোৎপাদয়ন্তী, ‘অহম্’ এব পরেণ অন্বিষ্টিতা, স্বয়ম্ এব ‘প্রবামি’ প্রবর্তে, ‘বাত ইব’ যথা বাতঃ পরেণা-প্রেরিতঃ মনু স্বেচ্ছয়ৈব প্রবাসি, তদ্বৎ । উক্তং সর্কং নিগময়তি । ‘পরো দিবা’ * * দিব আকাশস্য পরস্তাৎ, ‘এনা পৃথিব্যা’ অস্যাঃ পৃথিব্যাঃ পরং পরস্তাৎ, (দ্বাৰাপৃথিব্যোরূপাদানলক্ষণং) এতদ্ব্যপ-

এই সকল মন্ত্রের পাঠক অতিশয় বহু-সংখ্যক ছিল ও আছে, প্রস্তাবেয় প্রথমার্কে পূৰ্ব্ব-বারেই তাহা উল্লিখিত হইয়াছে। বিষয়ের পবিত্রতা, মতের উৎকর্ষ, ভাবের গাভীৰ্য্য স্মরণ করিলেই মনে হয়, চিরযুগই ইহার পাঠক ও শ্রোতা বহুল পরিমাণে বিদ্যমান থাকিবে। কেবল যে শঙ্করাচার্য্যই এই সকল মন্ত্র অবলম্বন পূৰ্ব্বক স্বীয় মত প্রচার করিয়া যান, এমন নয়। তাঁহার জন্মের বহুকাল পূৰ্ব্বের রচিত উপনিষৎ-শাস্ত্র সমুদয়েও উক্ত ধর্ম মতের সুস্পষ্ট চিহ্ন পরিলক্ষিত হয়। উপনিষদে হিন্দুজাতির বুদ্ধি-বিকাশের সুস্পষ্ট পরিচয় পাওয়া গিয়া থাকে। এই উপনিষৎ শাস্ত্রকে আশ্রয়-স্বরূপ গ্রহণ করিয়া “দর্শন” গ্রন্থাবলি উৎপন্ন হইয়াছে। সেগুলির নাম—সাংখ্য ও পাতঞ্জল, ন্যায় ও বৈশেষিক, মীমাংসা ও বেদান্ত। এই শ্রেণীকৃত শাস্ত্রকেই শঙ্করদেব আবার অবৈত-বাদ-পক্ষে ব্যাখ্যা করিয়াছেন। এই দর্শন সকলের ভাব ও মত পুরাণে, কাব্যে, উপপুরাণে, গাথায়, এমন কি, স্থল-বিশেষে নাটকেও পরিব্যাপ্ত হইয়া পড়িয়াছে। সুতরাং ধর্মিতে গেলে, বাক্ দেবীর মতই, এই সকল পুস্তক-ভূমি। এতদ্ভিন্ন মার্কণ্ডেয়পুরাণের

লক্ষিতাৎ, সর্কঃ বিকারজাতাৎ পরস্তাৎ বর্তমানাসদ্বাদাসীন

কূটস্থব্রহ্মচৈতন্যরূপাহং

‘মহিনা’ মহিমা, ‘এত্যবতী’ ‘সম্ভব’

* * সর্কং জগদায়ন্যাহং সম্ভ তাস্মি । ৮।

চণ্ডী-মাহাত্ম্য প্রকরণটীতো আদ্যোপাস্থ্যে
রাকের বিরচিত ঋক্ আটটির ভাবার্থে
লিখিত, তাহা নির্দেশ করাই নিম্নয়োজন।

একশ্রেণী ভাবান্তরিত মন্ত্রভাগ-ঘটিত
হই চারিটি বিষয় বুঝাইয়া দেওয়া
আবশ্যক বোধ হইতেছে। যথা,—

(১) চতুর্থ মন্ত্রে যে ‘মিত্র’ শব্দের
প্রসঙ্গ দৃষ্ট হইতেছে, তাহাতে ঈশ্বরের
বিষয় জানিতে অভিলাষী ব্যক্তিনাক্ষকেই
লক্ষ্য করা, ‘বাক্‌দেবীর’ অভিপ্রেত। *

(২) মায়ণাচার্য্য মহোদয়ের মতে ষষ্ঠ
মন্ত্রে উল্লিখিত ব্রাহ্মণ-কুলের দেষ্টার
নাম—ত্রিপুর। এ বিষয়টী আমাদের ভাদ্রশ
বিশ্বাস্য বোধ না হওয়াতে, ত্রিপুর শব্দ
অনুবাদ মধ্যে দেওয়া হইল না।

(৩) সপ্তম মন্ত্রের একাংশের অর্থ
তিন প্রকার দেখা বাইতেছে। বিশদ
অর্থই এ স্থলে পরিগৃহীত হইয়াছে।

মন্ত্রগুলি দার্শনিক মত ও আধ্যাত্মিক
ভাবে পরিপূর্ণ। ধর্ম-তত্ত্বকে স্বেকপ
প্রাঞ্জল করিয়া দিলে সাধারণের
বোধগম্য হইবার সম্ভাবনা, তাহার চেষ্টা
পাইয়াছি। এ পর্য্যন্ত যে যে সীমন্তিনীর
বৃত্তান্ত মুদ্রিত হইল, বাক্‌দেবীর জীবনের
ঘটনা তৎসমস্ত অপেক্ষা উৎকৃষ্ট,
সুতরাং সমধিক শিক্ষণীয়; অতএব
ইহা নারীজাতির আদর্শ-স্বরূপ সর্বোত্তম
পদার্থ। কেবল নারীজাতির কেন,
ইহাতে পুরুষদিগেরও চিত্তনীয় ও
শিক্ষাপ্রদ অনেক বিষয় নিহিত আছে।

* গত বারের বাগাবোধিনী পত্রিকা দ্রষ্টব্য।

বিশ্ববারা হইতেও ইহাঁর চরিত্রের ও
মতের শ্রেষ্ঠতা অধিক, এ কথা আমরা
নির্দেশ করিয়া না দিলেও, সকলেই
সুন্দররূপে প্রতীতি করিতে পারিবেন,
তদ্বিষয়ে অণুমাত্রও সংশয় নাই।

৬।—দেবজামি প্রভৃতি।

ইহাঁরা ইন্দ্র ঋষির মাতৃগণ এবং ইহাঁরা
ইন্দ্রমাতৃগণ নামেই পরিচিত। মায়ণ
মহোদয়ও ভাষা মধ্যে ইহাঁদের ঐ
নামের বিষয় উল্লেখ করিয়া গিয়াছেন।
ইন্দ্র ঋষির জনক বহু দার পরিগৃহ
করিয়াছিলেন। ইহাঁরা কয়েকটী
মপত্নী একত্র মিলিত হইয়া, একটী মন্ত্র
রচনা করিতেই, ইহাঁদের পরস্পরের এক
অসাধারণ একতার ভাব স্পষ্ট অনুভূত
হইতেছে। সচরাচর আমাদের বঙ্গদেশে
মপত্নীদের পরস্পরের মনের যে একা
ধাকে না, তাহার প্রধান কারণ উচ্চ-
বিষয়ক সুশিক্ষার অভাব। দেবজামি
প্রভৃতির সম্ভাব যে সুদৃঢ় অচল ভূলা
অটল ছিল, তাহার অদ্বিতীয় কারণ—
মহৎ সং ইচ্ছা। বঙ্গীয় ভগ্নীগণ!
জানিবেন, সংশিক্ষা এমনই বল
ধারণ করে যে, তাহার প্রভাবে মানুষের
হৃদয় চিরশত্রুও পরাস্ত হইয়া যায়।

ইহাঁরা সকলে একত্র সম্মিলিত হইয়া
একটী মন্ত্র রচনা করেন। তাহা ঋগ্বেদ-
সংহিতার ৮ অষ্টম মণ্ডলের ৮ অষ্টম অনু-
বাকের ১১ একাদশ সূক্তের প্রথম ঋক্।
এইটী আবার সামবেদের গেয় গানের
১৫ পঞ্চদশ প্রপাঠকের ৩২ দ্বাত্রিংশ।

হইল ঋষি উহার প্রকাশক এবং সেই হেতুই তাঁহার আখ্যায়িকায় উহার নাম 'ঋষী নাম' অর্থাৎ ঋষি হইল কর্তৃক প্রচারিত গান হইয়াছে। ইন্দ্রমাতৃবর্ণের বিরচিত ঋকটীর যজ্ঞপুত্র প্রচার হইয়াছিল, দেবজামি প্রভৃতির প্রণীত মন্ত্রের প্রচারও তদপেক্ষা ন্যূন ছিল বলিয়া বোধ হয় না। কেন না, ঋগ্বেদ-সংহিতা ও সামবেদ-সংহিতা এই উভয় স্থলেই ইহাদের প্রকৃতি মন্ত্রের সমাদর পরিদৃষ্ট হইতেছে।

অতঃপর দেবজামি প্রভৃতির বিরচিত মন্ত্রের অনুবাদ এ স্থলেই প্রকৃতি হইতেছে,—

“নিজ কাব্যান্তিলাঘিনী ইন্দ্রমাতৃ-বর্ণ জ্ঞানাদি দ্বারা ইন্দ্রকে লাভ করিয়াছেন; যজ্ঞে প্রাণতৃপ্ত সেই ইন্দ্র দেবতার উপাসনার প্রবৃত্ত হইয়াছেন; এবং তাঁহা হইতে জীবীয-ধন-প্রাপ্তিরও অধিকারিনী হইতেছেন।”*

বড় কেও কেটা নয় ।

(পূর্বপ্রকাশিতের পর।)

বায়ুর গতি এই বাষ্পোদগম প্রক্রিয়ার বিশেষ সাহায্য করিয়া থাকে। বাতাস যদি স্থির থাকে, তাহা হইলে সে নিজের উত্তাপের পরিমাণ অনুসারে বতদূর গারে আমাকে লইয়া যাইবে। তাহার পর আর লইয়া যাইতে পারিবে না। সুতরাং যেখানকার বায়ু স্থির, সেখানকার বাষ্পোদগম বন্ধ হইবে। কিন্তু যদি বায়ু চলিতে থাকে, তাহা হইলে জলের উপরিস্থিত বাতাস আমাকে লইয়া সরিয়া যাইবে, তাহার পরবর্তী বাতাস আবার আমাকে লইয়া সরিয়া যাইবে, এইরূপে ক্রমাগত বাষ্পোদগম চলিতে থাকিবে। এই জন্য সেখানে বেগে বায়ু বহিতে থাকে,

সেখানে ভিজ কাপড় শুকাইয়া দিলে অপেক্ষাকৃত শীঘ্র শুকাইয়া যায়। বর্ষাকালে শীত কাপড় শুকাইয়া না এই জন্য যে বর্ষাকালের বায়ু আমাদের একেবারে পূর্ণ থাকে বলিলেও চলে। সুতরাং কাপড় হইতে আর আমাকে

*“ঐচ্ছয়তীরগজাব ইন্দ্রমাতৃপুংসতে।
বদ্যানাসঃ সুবীৰ্য্যম ॥”

[ঋগ্বেদ সংহিতা, ৮মঙ্কল, ৮অনুবাক, ১১তম, ১৪ক:]

‘ঐচ্ছয়তীঃ’ গচ্ছত্যাঃ, স্বত্যাতিভিঃ ইত্যং প্রাপ্তবস্ত্যঃ, ‘অপহুবাঃ’ অপঃ কৰ্ম্মাদিঃ, আত্মন ইচ্ছত্যাঃ, ইন্দ্রমাতরঃ অন্য স্তস্তস্যা কৃষ্টাঃ, ‘জাতঃ’ প্রাণতৃপ্তঃ, তম্ ‘ইন্দ্রম্’ উপাসতে’ পরিচরন্তি। ‘সুবীৰ্য্যঃ’ শোভনবীৰ্য্যোপেতঃ ধনং চ। ‘বদ্যানাসঃ’ তস্যাং ইন্দ্রাৎ সন্তজবত্যৌ ভবন্তি।

লইতে পারে না। ইহাকেই বায়ুর বাষ্পপূর্ণাবস্থা (point of saturation) বলে। পূর্বে যাহা বলিয়াছি তাহা দ্বারা বুঝিতে পারিতেছ যে বায়ুর উত্তাপ-মুসারে এই বাষ্পপূর্ণাবস্থার ইতর বিশেষ হয়। কেন না, বায়ুর উত্তাপ যত অধিক হইবে, তত অধিক পরিমাণে সে আমাকে লইতে পারিবে। বায়ু যখন আমাদের আশেপাশে একেবারে পূর্ণ থাকে, তখন যে জিনিস তাহা অপেক্ষা একটু অধিক ঠাণ্ডা, তাহার সংস্পর্শে আসিলেই আমি ঐ ঠাণ্ডা জিনিসের উপর শিশিরের ন্যায় জমিয়া বাই। এই জন্য বায়ুর বাষ্পপূর্ণাবস্থাকে তাহার (Dew-point) শিশিরাবস্থাও বলে।

আমার একটা বিশেষ ক্ষমতা আছে। আমি কেবল বৃষ্টি শিশির প্রভৃতির কারণ নহি; আমি না থাকিলে ঝড় হইত না। আমি কেমন করিয়া ঝড়ের কারণ হই, তাহা এইবার বুঝাইতে চেষ্টা করিব। ভারমিতি (Barometer) নামে এক প্রকার যন্ত্র আছে তোমরা জান। এই বামাবোধিনীতেই পূর্বে তাহার বিষয় প্রকাশিত হইয়াছে। ঐ যন্ত্রের সাহায্যে বায়ুর ভার বা চাপের পরিমাণ ঠিক করা যায়। বায়ুর এই ভার বা চাপ কখনও অধিক হয়, কখনও অল্প হয়। এই চাপের ইতর বিশেষ হইতেই বায়ুপ্রবাহ, ঝড় প্রভৃতির উৎপত্তি হইয়া থাকে। এই চাপের ভারভ্রমের দুইটা কারণ আছে;—(১) বায়ুর উত্তাপ,

(২) আমি (জলীয় বাষ্প)। পূর্বেই বলিয়াছি বাতাস গরম হইলে হালকা হয় ও উপরে উঠিয়া যায়। সুতরাং কোনও বিস্তীর্ণ প্রদেশ যখন সূর্যোত্তাপে উত্তপ্ত হয়, তখন সেখানকার বাতাস গরম হইয়া উপরে উঠিয়া যায়। কাজেই অন্যান্য স্থানের বায়ুর অপেক্ষা সেখানকার বায়ুর ভার কমিয়া যায়।

এই ত গেল এক কারণের কথা। তার পর আছি আমি। বাতাস আমা অপেক্ষা অনেক গুণ অধিক ভারি। পণ্ডিতেরা পরীক্ষা করিয়া দেখিয়াছেন যে বায়ুর তাপাংশ যখন ৫০, তখনকার অবস্থায় বাষ্পবিহীন বায়ু আমার চেয়ে ১৩৩ গুণ ভারি। কাজেই আমি বাতাসের সঙ্গে যত মিশিতে থাকিব, বাতাসের ভার তত কমিতে থাকিবে। সেখানকার বাতাসে আমি অধিক পরিমাণে বিরাজ করি, সেখানকার বাতাসের ভার সেই জন্য চারিদিকের বাতাসের ভার অপেক্ষা কম হয়। আমি যদি জমিয়া বৃষ্টি হইয়া পড়িয়া যাই, তাহা হইলে এই প্রভেদের সহজেই সামঞ্জস্য হইয়া যায়। নতুবা বায়ু মহা আফালনে দিগ্বিদিক আলোড়িত করিয়া এই সামঞ্জস্য সাধন করিয়া লয়। কারণ তরল পদার্থের দশাই এই যে তাহার চতুর্দিকের চাপ সমান রাখিতে চেষ্টা করে।

কি কারণে যে আকাশের কোন কোন অংশে আমার পরিমাণ হঠাৎ অধিক বা অল্প হইয়া যায়, তাহা

পণ্ডিতেরা অদ্যাপি নিরুপণ করিতে পারেন নাই। তবে তাঁহারা এই পর্য্যায় বুঝিয়াছেন যে তদ্বারা বায়ুর গতি উৎপন্ন হইয়া থাকে। যখন আমাদের অবস্থানের পরিবর্তন আকস্মিক ও বহুদূরব্যাপী হয়, তখনই ঝড় বৃষ্টি প্রভৃতি হইয়া থাকে। কিন্তু এই পরিবর্তন অপেক্ষাকৃত মৃদু-গতিতে হইলেও জলহাওয়ার উপর তাহার প্রভাব প্রকাশিত হয়।

আমি ঝড়ের কারণ বলিয়া আমার উপর রাগ করিও না। আমি পরমেশ্বরের ভূতা বহিষ্ঠ নয়। তিনি যাহা করিতে আমাদের নিযুক্ত করিয়াছেন, তাহা আমরা করিতেই হইব। আমি ভাল মন্দ জানি না। কিন্তু এটা বোধ হয় তোমরা সহজে বুঝিতে পার যে ঝড়ে দেশের বায়ু পরিষ্কার করিয়া দেয়। মঙ্গলময় পরমেশ্বরের আদেশে ইহার দ্বারা আরও হয় ত অনেক উপকার হয়। মানুষ জানে না বলিয়া ‘সর্কনাশ হইল’, ‘সর্কনাশ হইল’, বলিয়া গোল করিয়া বেড়ায়। আমি ত বলি যেখানে বুঝিতে পারা যায় না, সেখানে একেবারে ঈশ্বরের উপর অবিশ্বাস না করিয়া, ‘বুঝি না’ বলিয়া নীরবে তাঁহার উপর নির্ভর করিয়া থাকাই যথার্থ জ্ঞানীর কার্য।

ঝড়ের কারণ বলিয়া তোমরা আমার উপর বিরক্ত হইলে তোমাদিগকে অত্যন্ত কৃত্রিম বলিব, কেননা তাহা হইলে আমি এই বুঝিব যে তোমরা

আমার দ্বারা নানারূপে উপকৃত হইয়াও একটা মাত্র কারণে চটিয়া গেলে। দেখ আমি বৃষ্টি ঢালিয়া তোমাদের পৃথিবীকে শস্যশালিনী করিতেছি এবং এইরূপে তোমাদের আহার বোগাইয়া প্রাণরক্ষা করিতেছি। তা ছাড়া আমার দ্বারা আরও অনেক প্রকারে তোমাদের প্রাণ রক্ষার উপায় হইতেছে। নতুবা তোমরা এতদিন কোথায় থাকিতে তাহার ঠিকানা নাই। (১) বাতাস একেবারে বাষ্পবিহীন হইলে যত শীতল হইত, আমি আছি বলিয়া তত শীতল হইতে পায় না। (২) আমি অদৃশ্য ভাবে থাকিয়া পল্লবের ন্যায় তোমাদিগকে সূর্য্যের প্রথর উত্তাপ হইতে রক্ষা করিতেছি, নতুবা সূর্য্যের তাপ অসহ্য হইত। (৩) আবার আমিই রাজিতে অনেক সময় মেঘের আকারে তোমাদের দুষ্টিপথের পথিক হইয়া পৃথিবী যাতাতে শীত শীত তাহার দেহস্থ উত্তাপ অনন্ত আকাশে ছাড়িয়া দিতে না পারে তাহার উপায় বিধান করি। আমি যদি কিছুকালের জন্য না থাকি, তাহা হইলে তোমরা দিবসে দগ্ধ হইয়া যাইবে ও রাজিতে শীতে জমাট হইয়া থাকিবে; মেঘও জমিবে না, বৃষ্টিও হইবে না, মদনদীও প্রবাহিত হইবে না, এক কথাই পৃথিবী আর জীবজন্তুর বাসের যোগা থাকিবে না।

কেমন, আর আমার উপর রাগ করিবে?

সজীব ফটোগ্রাফিক।

(২৪৬ সংখ্যা, ৭৮ পৃষ্ঠার পর)

পাঠিকাদের মনে সহজেই এই প্রশ্ন উদয় হইতে পারে যে যদি চক্ষের ভিতর বাহিরের দৃশ্যাবলীর একটি উল্টা ছবি প্রতিফলিত হয়, তবে আমরা সকল পদার্থ উল্টা দেখি না কেন?—প্রশ্নটি অতি শুকুতর;—এই প্রশ্নটি লইয়া বিজ্ঞানবিৎ পণ্ডিতদিগের মধ্যে অনেক গবেষণা ও বাদানুবাদ হইতেছে;—কিন্তু আজিও কেহ কোন অসামান্য সিদ্ধান্তে উপনীত হইতে পারেন নাই। কেহ বলিয়া থাকেন যে, আমরা যাবতীয় পদার্থ যে সোজা দেখি, তাহা আমাদের চক্ষের এক প্রকার স্বাভাবিক শিফা ও অভিাসের ফল। স্পর্শশক্তি প্রভৃতি অন্যান্য ইন্দ্রিয়ের সাহায্যে সকল পদার্থের যথার্থ অবস্থা নিরূপণ করিয়া বাস্তবিক হইতে দেখিয়া আসিতেছি সুতরাং চক্ষের এক প্রকার অভিাস হইয়া গিয়াছে। কাহারও কাহারও মত অন্য প্রকার; তাঁহারা বলেন যে, আমরা অগতের ছোট বড় যাবতীয় পদার্থই উল্টা দেখি; সুতরাং তুলনার স্থল না থাকা বশতঃ উল্টা সোজার ভাবনামাত্র করিতে পারি না। বিপরীত ভাবাপন্ন দুটি গুণ না থাকিলে একটির ধারণা হয় না। কোন গুণ ধারণা করিতে হইলে তৎসঙ্গে সঙ্গে

তাহার অভাব অথবা তদ্বিপরীত কোন গুণের ধারণা করিতে হয়। 'ভাল' বলিলেই তৎসঙ্গে তদ্বিপরীত 'মন্দও' ধারণা হয়; 'আলোক' বলিলেই তাহার অভাব 'অন্ধকারও' ধারণা হয়। ভেমনি 'সোজা' বলিলে কোন উল্টা বস্তুর সহিত তুলনা করিয়া বলি; অথবা 'উল্টা' বলিলে কোন সোজা বস্তুর সহিত তুলনা করিয়া বলি। কিন্তু যাবতীয় পদার্থ যদি উল্টা দেখি, তবে আর তুলনার স্থল থাকে না, সুতরাং আর উল্টার ধারণা হয় না। একটি দৃষ্টান্ত দিলে বিষয়টি আরও সহজ হইবে;—মনে কর, একটি বৃক্ষকে সোজা বলি কখন? যখন তাহার মূল পৃথিবীতে এবং অগ্রভাগ উর্দ্ধে আকাশে;—এস্থলে পৃথিবী এবং আকাশের অবস্থার সহিত তুলনা করিয়া বৃক্ষটিকে সোজা বলিলাম। আবার যদি তাহার মূল উর্দ্ধে আকাশের দিকে হয় এবং অগ্রভাগ পৃথিবীর দিকে হয় তবে বলিব বৃক্ষটি উল্টা;—এস্থলেও পৃথিবী ও আকাশের সহিত তুলনা করিয়া বলিলাম; কিন্তু যদি আকাশ, পৃথিবী, ও যাবতীয় পদার্থই উল্টা হয়, তবে আর তুলনার স্থল কোথায় পাইব? সমুদায় পদার্থই উল্টা দেখি,

তুলনার স্থল পাই না—অতরাং উল্টা
কি না বুঝিতে পারি না।

আবার কেহ কেহ বলেন যে, রেটিনার
প্রতিফলিত প্রতিমূর্তির সহিত, আমাদের
অনুভূতির সাফল্য সম্বন্ধ নাই;
রেটিনায় প্রতিমূর্তি দৃক্শাস্ত্রকে
উত্তেজিত কর, সেট উত্তেজনা মস্তিষ্কে
উৎপন্ন হইয়া ক্রিয়াদংশে একপ্রকার
আণবিক স্পন্দন উৎপাদন করে—এই
স্পন্দনেই দর্শনের অনুভূতি হয়।

ফটোগ্রাফি যন্ত্রে দূরত্বের পরিমাণানু-
সারে বসাকার কাচ খণ্ডকে সম্মুখে ও
পশ্চাতে সরাইতে হয়; অর্থাৎ দূরের
ও নিকটের পদার্থ এক সময়ে ভালরূপে
প্রতিফলিত হয় না;—দূরের বস্তু স্পষ্ট
হইলে নিকটের গুলি অস্পষ্ট হইবে
অথবা নিকটের গুলি স্পষ্ট হইলে
দূরের গুলি অস্পষ্ট হইবে। তবে
আমরা চক্ষের এক অবস্থায় দূরের ও
নিকটের বস্তু কিরূপে দেখি?—বস্তুতঃ
আমরা চক্ষের এক অবস্থায় দূরের ও
নিকটের বস্তু দেখিতে পাই না;
দূরত্বের পরিমাণানুসারে ক্রিপ্টালাইনের
অবস্থান্তর ঘটয়া থাকে। ইহা বুঝিতে
হইলে বসাকার কাচের বিবরণ কিছু
জানা আবশ্যিক। পূর্বে বলা হইয়াছে
যে ফটোগ্রাফি যন্ত্রের সম্মুখস্থ পদার্থ
সকলের প্রতিফলিত আলোক রশ্মি
সমূহ বসাকার কাচকে ভেদ করিয়া
বক্রগামী হইয়া এক বিন্দুতে মিলিত
হয়; এবং এই অধিশ্রয়ণ বিন্দুতে

পূর্বেক্ত পদার্থ সমূহের একটি উল্টা
ছবি প্রতিফলিত করে। কিন্তু এখানে
জানা আবশ্যিক যে, পদার্থ সমূহের
দূরত্বের পরিমাণানুসারে বসাকার কাচ
হইতে অধিশ্রয়ণ বিন্দুর দূরত্বের হ্রাস
হয়; অর্থাৎ খুব দূরের বস্তু হইলে
অধিশ্রয়ণ বিন্দু নিকটে হইবে এবং
নিকটের বস্তু হইলে অধিশ্রয়ণ বিন্দু
দূরে হইবে; এই জন্যই দূরের ছবি
তুলিতে হইলে (লেন্স) কাচকে পশ্চাতে
সরাইতে হয় এবং নিকটের ছবি
তুলিতে হইলে লেন্সকে সম্মুখে বাড়াইতে
হয়। তবেই বুঝা যাইতেছে যে
আমাদের চক্ষে দূরের পদার্থের
অধিশ্রয়ণ বিন্দু নিকটে হইবে এবং
নিকটের পদার্থের দূরে হইবে। কিন্তু
আমরা ফটোগ্রাফি যন্ত্রের ন্যায় চক্ষের
ক্রিপ্টালাইনকে সম্মুখে ও পশ্চাতে
সরাই না অথচ দূরের ও নিকটের বস্তু
দেখিতে পাই কিরূপে? এখানে
বসাকার কাচ সম্বন্ধে আরও কিছু
জানা আবশ্যিক—হ্যাক্সতার (convexity)
পরিমাণানুসারে অধিশ্রয়ণ বিন্দুর
দূরত্বের হ্রাস হয়; অর্থাৎ অধিক
হ্যাক্স হইলে তাহার অধিশ্রয়ণ বিন্দু
(Focus) নিকটে হইবে এবং হ্যাক্সতা
অল্প হইলে অধিশ্রয়ণ বিন্দু দূরে
হইবে। তবেই দেখিতে পাওয়া
যাইতেছে যে, ফটোগ্রাফি যন্ত্রের লেন্সের
ন্যায়, চক্ষের ক্রিপ্টালাইনকে সম্মুখে
ও পশ্চাতে না সরাইয়াও তাহার কার্য

অন্য উপায়ে হইতে পারে; অর্থাৎ যদি কোন উপায়ে ক্রিষ্টাণাইনের স্নায়ুতার হাস ও বৃদ্ধি করিতে পারা যায়, তাহা হইলে ইহা হয়। পূর্বে যে নিলিয়ারী বন্ধনীর * কথা বলা হইয়াছে তাহার পেশী সকল ক্রিষ্টাণাইনে চাপ দিয়া দূরের পরিমাণ অনুসারে তাহাকে আবশ্যক মত স্নায়ু করিয়া দেয়। এক অবস্থায় দূরের ও নিকটের বস্তু দেখিতে পাওয়া যায় না, তাহার এক

মহজ পরীক্ষা করিতে পারা যায়; একখানি তারনির্মিত ঘন জাল চক্ষের খুব নিকটে ধরিয়া তাহার ভিতর দিয়া ক্রিষ্টাণে দূরে কোন পুস্তকের অক্ষর পাঠ করিলে দেখিতে পাইবে যে, যখন অক্ষরগুলি স্পষ্ট দেখি, তখন জাল অস্পষ্ট দেখায়—আবার যখন জাল স্পষ্ট দেখি, তখন অক্ষরগুলি অস্পষ্ট দেখায়।

মরিসস-কোয়ারেন্টিন স্টেশন।

১ম প্রস্তাব।

বামাবোধিনীর পাঠিকাগণের মধ্যে বোধ হয়, অনেকেই কোয়ারেন্টিন স্টেশনের (Quarantine station) নাম পর্যন্ত শুনে নাই। কোয়ারেন্টিন শব্দটা লাতিন ভাষা হইতে উৎপন্ন হইয়াছে। ইহার মৌলিক অর্থ চলিশ। কোন জাহাজে সংক্রামক পীড়া থাকিলে, আরোহিগণকে চলিশ দিবস পর্যন্ত সেই জাহাজেই থাকিতে হয়; তাহারাই তীর্থের কাকের ন্যায় স্থলের দিকে চাহিয়া থাকেন; স্থলে নামিতে পান না। এমন কি, অপর জাহাজের লোকদিগের সহিত কথাপকথন করিবার অধিকার থাকে না। এই নিয়ম, সর্বত্র সকল প্রকার সংক্রামক রোগে প্রচলিত নাই। কোয়া-

রেন্টিন স্টেশনের কথা লিখিবার পূর্বে মরিসস-সম্বন্ধে দু'চারিটা কথা বলা একান্ত আবশ্যক।

মরিসস একটা ক্ষুদ্র দ্বীপ। ইহার দৈর্ঘ্য উনিশ ক্রোশ ও বিস্তার এগার ক্রোশ। ইহা বোম্বাইয়ের চলিশ ডিগ্রি অর্থাৎ ১২০০ ক্রোশ দক্ষিণ-পশ্চিমে ভারত মহাসাগর-বক্ষে অবস্থিত। কলিকাতা বিশ্ব বৈদ্য ২২ ডিগ্রি বা ৬৬০ ক্রোশ উত্তর এবং মরিসস ৬৬০ ক্রোশ দক্ষিণ। কলিকাতা হইতে মরিসস পর্যন্ত জলপথ ১২৫০ ক্রোশ দীর্ঘ।

বাল্পীয় পোতে, কলিকাতা হইতে মরিসস বাইতে ১৪ হইতে ১৮ দিন লাগে। মেল ঈমারে আরো অল্প সময়ের মধ্যে

* বামাবোধিনীর ২৪১ সংখ্যা ৩২৬ পৃষ্ঠার প্রতিকৃতিতে (৮) দেখুন।

যাওয়া যায়। পাইলের জাহাজে ৩০ হইতে ৭০ দিবস লাগে।

মরিসসের জলবায়ু ভারতবর্ষের মত। শীত-গ্রীষ্মও প্রায় একরূপ। কিন্তু আমাদের দেশে যখন গ্রীষ্ম, সেখানে তখন শীত। আম, কাঁটাল, নারিকেল, জুবাক, তাল, তেঁতুল, কুল, বেল প্রভৃতি বৃক্ষ স্থানে স্থানে দেখিতে পাওয়া যায়। ধানের চাষ হয় না, বলিলেই চলে। চাষের মধ্যে ইক্ষুর চাষই প্রধান। এখানে ৭।৮ টা চিনির কল আছে। এই সকল কল হইতে প্রায় তিন কোটি টাকার চিনি প্রতি বৎসর প্রস্তুত হইয়া বিদেশে যায়। প্রায় ১ কোটি টাকার চিনি ভারতবর্ষে, প্রধানতঃ বোম্বাই নগরে; ১ কোটি টাকার অষ্ট্রেলিয়া প্রভৃতি দ্বীপ-পুঞ্জে; এবং আর এক কোটি টাকার চিনি ইউরোপে প্রতি বৎসর যায়। সচরাচর দ্বীপ যেমন প্রস্তরময় হইয়া থাকে, মরিসসও সেইরূপ। এখানে অনেক ক্ষুদ্র ক্ষুদ্র পর্বত আছে। ইহাদের সর্বোচ্চ শৃঙ্গ ২৫০০ ফিট। পোর্ট লুই মরিসসের রাজধানী ও বন্দর। এই স্থল "পল ও ভার্জিনিয়া নামক" উপন্যাসের রঙ্গভূমি। লোকে বলিয়া থাকে, উক্ত নায়কনায়িকার সমাধিস্থল অদ্যাপি একটি পর্বতোপরি বর্তমান আছে। আশাদের দেখিবার ইচ্ছা ছিল, সমগ্রাভাব-বশতঃ ঘটিয়া উঠে নাই। এখানে দুইটি পর্বতে আমরা আরোহণ করি। একটির উচ্চতা ১০০০ ফিট; অপরটি ১৫০০ ফিট উচ্চ। প্রথম পর্বতে উঠিবার জন্য একটি

সর্পাকৃতি পথ আছে। এইপথে রাস্তা স্থলে মোড় ফিরিতে হয়। এই পর্বতের উপর হইতে দীপের তিন দিক আপনুত্র দেখিতে পাওয়া যায়। উঠিবার পথে বৃক্ষ নাই, ছায়া নাই। আমরা বেলা দুইটার সময় উঠিতে আরম্ভ করি, বেলা ৩। টার সময় শিখরদেশে উপস্থিত হই। পথে সকলেরই অতিশয় প্রাণ্ডি বোধ হয়। এমন কি, আমাদের মধ্যে এক জনকে পথিমধ্যে ৩।৫ বার শয়ন করিয়া বিশ্রাম করিতে হইয়াছিল। এই পর্বতের উপর এক সিগন্যাল, টেশন বা বাতীঘর আছে। তথায় দুই জন ইউরোপীয় কর্মচারী আছেন। তাঁহাদের কার্য, নমুনের চারি দিকে দৃষ্টি রাখা। কোন জাহাজ আসিলে, পোর্ট আফিসে তাহা সংবাদ দিয়া থাকেন। এই স্থান হইতে দূরবীক্ষণের সাহায্যে প্রায় ৫০ কোশ পর্যন্ত দেখা যায়। কর্মচারিগণের জন্য একটি কাঠনির্মিত গৃহ আছে। এখানে সময় সময় শীতের অতিশয় প্রাণ্ডি বোধ হয়। এস্থানের বায়ু নির্মল ও স্বাস্থ্যকর।

দ্বিতীয় পর্বতে উঠিবার পথ ক্রমশঃ উচ্চ। পথের দুই পার্শ্বে বৃক্ষ থাকায় উঠিবার ক্লান্তি তত অল্পভব করিতে পারি নাই। ইহার উপর হইতে স্বর্ণা মুহু মন্দ ভাবে কল কল শব্দে প্রবাহিত হইতেছে। আমরা যখন এই পর্বতে আরোহণ করি, সে সময় অতিশয় ক্লান্ত ও তৃষ্ণাতুর ছিলাম। সুতরাং ইহার বাহ্য ও আভ্যন্তরিক

সৌন্দর্য্যে যুগপৎ হৃদয় আকৃষ্ট হইল।
সুস্থ মলিল পান করিয়া পিপাসা শান্তি
করিলাম। শিখর হইতে আমাদের
দৃষ্টি চারি দিকে নিপতিত হইল। ক্ষুদ্র
দ্বীপটি, বৃহৎ তরণীর ন্যায় সমুদ্র-বক্ষে
ভাসমান রহিয়াছে। যে দিকে চাও, সমুদ্র—
ফেনিগ, নীল, অনন্ত-বিস্তার—মধ্যাহ্ন-
রশ্মি-কর-স্পর্শে জলিতেছে। উপরে অনন্ত
আকাশ, আর নিম্নে অনন্ত সিঁধ। এই স্থান
হইতে রাজধানী, অট্টালিকা, কাঠনির্মিত
গৃহ, ক্ষুদ্র পর্বতশ্রেণী, বন, উপবন
প্রভৃতি অতি রমণীয় দেখায়। বিশ্বাসী
ভগবন্তের পক্ষে এই পর্বত নাগনার
প্রশস্ত ফেড়। প্রকৃতির অনন্ত সৌন্দর্য্য

রশ্মির মধ্যে তিনি, সেই সৌন্দর্য্যের
সার মহাদেবের ধ্যান করিয়া মনের
আশা অব্যাহত চরিতার্থ করিতে পারেন।
উল্লিখিত দুইটী পাহাড় ভিন্ন আর
একটী ক্ষুদ্র পাহাড়ে আমরা আরোহণ
করিয়াছিলাম। তাহার উচ্চতা প্রায়
৫৮০ ফিট। ইহার উপর একটী ক্ষুদ্র
দুর্গ আছে। একগণে তথায় কোন সৈন্য
থাকে না বটে, কিন্তু কতিপয় কৰ্মচারী
থাকেন। দ্বীপের যে কোন অংশে
আগুন লাগিলে, সংখ্যানুসারে ত্রোপ-
ধ্বনি দ্বারা লোকদিগকে সাবধান
থাকিতে বলাই, ইহাদের কার্য্য।

কার্টেটস ডফরিন্ ফণ্ড।

যহদিন হইতে দেশহিতৈষী ব্যক্তিগণ
এ দেশের নারীগণের হিতার্থ অনেক
উপায় চিন্তা করিতেছেন, কিন্তু উপযুক্ত
অর্থবল ও সহায়তার অভাবে তাহা
কার্য্যে পরিণত করিতে পারিতেছেন না।
ভূতকালে আমাদের বর্তমান রাজ-
প্রতিনিধি-পত্নী ভারতে পদার্পণ করিয়া
ভারতরমণীদের একটি মহৎ অভাব
মোচনে প্রবৃত্ত হইয়াছেন। ইনি যেরূপ
বিশ্বহিতৈষিনী, সেইরূপ উচ্চপদস্থা,
ইহার বদ্ধ ও অধ্যবসায় ও অসামান্য
সুতরাং ইহা দ্বারা যে অবলম্বিত কার্য্য
সুসিদ্ধ হইবে, ইহা অবশ্যই আশা করা
যায়।

কার্টেটস ডফরিনের উদ্যোগে
সম্প্রতি জাতীয় সভা নামে একটি নূতন
সভা সংস্থাপিত হইয়াছে। ইহার ৩ টী
উদ্দেশ্য—(১) চিকিৎসা শিক্ষাদান অর্থাৎ
ভারতীয় রমণীগণকে ডাক্তার, হাঁস-
পাতালের সহকারী নर्स বা রোগীর
শুশ্রূষাকারিণী ও দ্বিতীয় রূপে প্রস্তুত
করা হইবে।

(২) চিকিৎসাপ্রাধায্য প্রদান। ইহার
জন্য কয়েকটি বিশেষ উপায় নির্দ্ধারিত
হইতেছে;—(ক) জীলোক ও শিশু-
গণের চিকিৎসার্থ জীলোকের কর্তৃত্বা-
ধীনে ঔষধালয় ও একটি হাঁসপাতাল
স্থাপন। (খ) বর্তমান হাঁসপাতাল ও

ঔষধালয় সকলে জীলোকের তত্ত্বাবধানে জীবিতাগ স্থাপন। (গ) হাঁসপাতালের বর্তমান জীবিতাগে জীচিকিৎসক ও পরিচারিকার ব্যবস্থা। (ঘ) বিশেষ ফণ্ড বা অর্থ সংগ্রহ হইলে জীলোকদিগের জন্য স্বতন্ত্র হাঁসপাতাল স্থাপন।

(৩) হাঁসপাতাল ও গৃহস্থের বাটীর জীলোক ও শিশুদিগের জন্য শিক্ষিতা নার্স বা শুশ্রূষাকারিণী ও দাত্ত্রী যোগান।

স্বয়ং রাজপ্রতিনিধি এই জাতীয় সভার পরিপোষক, কাউন্সেল ডফরিন ইহার নেভী প্রেসিডেন্ট বা সভাপতি, ভারতবর্ষের কয়েক প্রেসিডেন্সীর গবর্ণর সহকারী পরিপোষক ও তাঁহাদিগের পত্নীগণ সহকারী পরিপোষিকা পদ গ্রহণ করিয়াছেন।

এই সভার সভ্যগণ ৩ শ্রেণীতে বিভক্ত হইবেন:—(১) আজীবন কোম্পিলর, (২) আজীবন সভ্য, (৩) সাধারণ সভ্য। ইংরাজ ও ভারতবর্ষীয় সকলেরই সভ্য হইবার সমান অধিকার। বাঁহারা ৫০০০ বা তদধিক মুদ্রা দান করিবেন, তাঁহারা প্রথম শ্রেণীর, বাঁহারা ৫০০ বা তদধিক মুদ্রা দান করিবেন, তাঁহারা দ্বিতীয় শ্রেণীর সভ্য হইবেন। প্রবেশ দক্ষিণা ১০ টাকা ও বার্ষিক দাতব্য ৫ টাকা দিলে সাধারণ সভ্য হওয়া যায়। খুব অল্প দানও যথাযথরূপে স্বীকৃত হইবে।

চাদা বা দাতব্য দ্বারা যে অর্থ সংগৃহীত হইবে, তাহা কাউন্সেল ডফরিন ফণ্ড নামে অভিহিত হইবে। ইহা বেরল

ব্যাঙ্কে গচ্ছিত থাকিবে। ইহার ব্যয়াদি কার্য্য একটা মূল কমিটী ও কতকগুলি শাখা কমিটী দ্বারা নির্বাহিত হইবে।

মূল কমিটী সভার কার্য্যনির্বাহক সমিতি, ইহা অল্পসংখ্যক সভ্য দ্বারা সংগঠিত হইবে এবং কাউন্সেল ডফরিনের সভাপতিত্বের অধীনে কার্য্যনির্বাহ করিবে। সাধারণ সভ্যগণের প্রবেশ দক্ষিণা এই মূল কমিটীতে প্রদত্ত হইবে, অন্য প্রকার দাতব্য দাতাদিগের ইচ্ছানুসারে শাখা কমিটী সকলে প্রদত্ত হইতে পারিবে।

প্রত্যেক প্রদেশে এই সভার শাখা সভা প্রতিষ্ঠিত হয় এবং সেই শাখা সভাসকল মূল সভার সহিত এক বোলে কার্য্য করেন, ইহাই অভিপ্রেত। শাখা সভাসকল আপনাদিগের কার্য্যপ্রণালী নির্দ্ধারণ ও স্থানীয় সর্বাঙ্গকার কার্য্য সম্পাদন বিষয়ে সম্পূর্ণ স্বাধীন থাকিবেন। তাঁহারা মূল কমিটীর স্থানীয় প্রতিনিধি স্বরূপ হইয়া সভার উদ্দেশ্য সাধনে সহকারিতা করিবেন। যে উদ্দেশ্য জাতীয় সভা স্থাপিত হইতেছে, তদনুরূপ উদ্দেশ্য সাধনার্থ যদি অন্য কোন সভা থাকে, তাহা ইহার অঙ্গীভূত হয়, ইহা বাঞ্ছনীয়। অঙ্গীভূত সভাসকল ইচ্ছা করিলে সম্পূর্ণ স্বাধীন থাকিতে পারিবেন, কেবল তাঁহাদিগের কার্য্য-বিবরণাদি মূল সভার প্রেরণ করেন এবং সাধারণ উদ্দেশ্য সাধনে পরামর্শ দান ও সহায়তা করেন, ইহা প্রার্থনীয়। মূল

সভা সমর সময় অঙ্গীভূত সভাসকলকে
অর্থ সাহায্য দান করিতে পারিবেন।

আত্মীয় সভার বার্ষিক সাধারণ অধি-
বেশন শীতকালে কলিকাতাতে হইবে,
শাখা ও অঙ্গীভূত সভা সকলের প্রতিনি-
ধিগণ উপস্থিত থাকেন প্রার্থনীয়।

এই সভার উদ্দেশ্য সকল সংসাদানার্থ
ইহার কণ্ড হইতে শিক্ষার্থী স্ত্রীলোক-
দিগকে ছাত্রীভুক্তি দেওয়া হইবে, স্ত্রী-
লোকদিগকে চিকিৎসা শিক্ষাদানার্থ
স্থাপিত বিদ্যালয় সকলে সাহায্য করা
হইবে এবং ইউরোপ ও আমেরিকা
হইতে উপযুক্ত বেতন দিয়া বহুসংখ্যক
অশিক্ষিতা স্ত্রী-ডাক্তার আনয়ন করা
হইবে। কালক্রমে স্ত্রীচিকিৎসা বিদ্যালয়
সকল হইতে উপযুক্ত শিক্ষয়িত্রী প্রস্তুত
হইবে এবং এই সকল বিদ্যালয় অনেক
প্রকার অভাব পূর্ণ করিতে পারিবে।

গবর্ণমেন্ট ও গবর্ণমেন্টের অধীনস্থ
ডাক্তারগণের সদিচ্ছা ও সহায়তার উপর
এই সভা বিশেষ নির্ভর করিবেন এবং
এই সভার কর্মচারী সকল গবর্ণমেন্টের
চিকিৎসা-কর্মচারীদিগের সহিত মিলিয়া
ও আবশ্যিকস্থলে তাঁহাদিগের অধীন
হইয়া কার্য করিতে বাধ্য হইবেন।

কাউন্টেন্স ডফরিণ কণ্ড ও আত্মীয়
সভার মহৎ উদ্দেশ্য ও কার্যপ্রণালী
সাধারণের জ্ঞয়কর করিয়া দিবার জন্য
কাউন্টেন্সের ইচ্ছানুসারে সভার সম্পাদক
দেশীয় পত্রিকা-সম্পাদকগণকে বিশেষ
অভ্যর্থনা করিয়াছেন, ইহা অতি সুবুদ্ধির
কার্য হইয়াছে। এই উপায়ে দেশস্থ
সর্বসাধারণে অচিরে সভার হিতকর
উদ্দেশ্য জানিতে পারিবেন এবং ইহার
সাহায্যার্থ অগ্রসর হইবেন, ইহা আমরা
অবশ্যই আশা করিতে পারি। স্বয়ং
মহারানী বিক্টোরিয়া ভারতের দুঃখিনী
কন্যাগণের দুঃখবন্ধার কথা শুনিয়া অনেক
বার চুখ প্রকাশ করিয়াছেন এবং
ভাষিতে স্ত্রীচিকিৎসক পাঠাইবার জন্য
তিনি বিশেষ উৎসাহ ও আশ্রয় প্রকাশ
করিয়াছেন। বর্তমান অহুতানে তিনি
যে একান্ত প্রীত হইবেন তাহার সন্দেহ
নাই। মহারানী হইতে দেশের ধনী
দরিদ্র সকলে একান্তঃকরণে কাউন্টেন্স
ডফরিণের সংস্থাপিত কণ্ডের সিদ্ধিকামনা
ও তাহার সহায়তা করিলে আর ভাবনা
কি? আমরা মনঃসম্মত পরমেশ্বরের
নিকট প্রার্থনা করি, এই মহল কাব্যে
তিনি তাঁহার আশীর্বাদ বর্ষণ করুন।

আশাবতীর উপাখ্যান।

(২০৪ সংখ্যা ৮৪ পৃষ্ঠার পর)

আশাবতী প্রাতঃকালে দান পূজা
করিয়া আশ্রমস্থ সাধুবৃন্দকে প্রণাম
করিলেন। যোগিবরের নিকট উপস্থিত

হইয়া হৃৎকণ্ঠে প্রণাম পূর্বক পদধূলি
মন্তকে গ্রহণ করতঃ বলিলেন—“প্রভো!
পূর্বে আমি সাধুদিগের পদধূলি

মাহাত্মা কিছু বুঝিচাম না। এখন দেখিতেছি আমার ন্যায় পাপীয়সীর পক্ষে ইহা মুহূৰ্ত্ত। সময় সময় আমার মন অবসন্ন হইয়া পড়ে, এমন কি, ভগবানের নামস্মরণেও উৎসাহ থাকে না, প্রাণের মধ্যে ঘোর জড়তা, এই এক শোচনীয় অবস্থা—হাসিও নাই, রোদনও নাই, অথচ গভীর অন্তর্দাহ—এই অবস্থায় সময়ে সময়ে আত্মহত্যা করিতে প্রবৃত্তি হয়, কেবল পাপভয়ে নিবৃত্ত থাকি। এই অন্তর্জ্বালা কিছুতেই নিবারণ করিতে পারি নাই, কিন্তু যখনই আগনার অথবা পূজনীয় বাবাজীর চরণধূলি গ্রহণ করিয়াছি, তখনই সকল জ্বালা যন্ত্রণা দূরীভূত হইয়া ধর্মের প্রশান্ত ভাব এবং আনন্দোচ্ছ্বাস অনুভব করিয়াছি। প্রভো!—আর কাহারও চরণধূলি লইলে কি এক্ষণ উপকার হয়?”

যোগী। মা আশাবতী! তোমার কথা শুনিয়া বড় সুখী হইলাম। ভূমি যে ভক্তগণ-রজের মাহাত্ম্য অনুভব করিয়াছ, ইহাতে বোধ হইতেছে তোমার যোগশিক্ষার সময় নিকটবর্তী হইয়াছে। যতদিন অহঙ্কার প্রবল থাকে, ততদিন মাধুদিগের চরণধূলির প্রতি ক্তি হয় না। বাহার নিকটবর্তী হইলে স্বয়মনিহিত ধর্মভাব গুলি প্রস্ফুটিত হয়, আপনা হইতে ভগবানের নাম বসনার উচ্চারিত হয়, এবং পাপমতি সকল গচ্ছিত হইয়া পলায়ন

করে, তিনিই সাধু। তাহার পদধূলি লইলেই উপকার। কেবল সাধুর পদধূলি বলিয়া নহে, মনুষ্যাণ্যেরই পদধূলির অনেক বল। সকলেই পামেথরকে সর্বব্যাপী বলিয়া থাকে, প্রত্যেক নরনারীতে সেই দীননাথ দীনবন্ধু প্রভু বিরাজ করিতেছেন। সুতরাং প্রত্যেক নরনারী এক একটি দেবমন্দির। বাহার অন্তরে দেবভক্তি আছে, সে দেবমন্দির দেখিলেই ভূমিষ্ঠ হইয়া নমস্কার প্রণাম করিয়া থাকে, একবার প্রণাম করিলে আর সে লোভ ছাড়িতে পারে না। আশাবতী! এই প্রণামের মাহাত্ম্য না বুঝিলে কেহই গুরুলাভ করিতে পারে না। সুতরাং তাহার ধর্ম জীবনও আরম্ভ হয় না।

আশাবতী। পিতঃ! গুরু না পাইলে কি ধর্মলাভ করা যায় না।

যোগী। না, মা! গুরু না পাইলে ধর্মলাভ হয় না। কথ শিথিতে গুরুর প্রয়োজন; অন্ধ, ভূগোল, জ্যোতিষ, শিথিতে গুরুর প্রয়োজন; কবি, বা বাণিজ্য শিথিতে গুরুর প্রয়োজন; বন্ধন প্রভৃতি গৃহকার্য্য শিথিতে গুরুর প্রয়োজন; কেবল ধর্ম শিথিতে গুরুর প্রয়োজন নাই, ইহার পর আশ্চর্যের কথা আর নাই। যদি বল ধর্ম আমার মধ্যেই আছে, তাহা আমার কাহার নিকট শিক্ষা করিব? তবে কথ প্রভৃতি যমস্ত শিক্ষণীয় বিষয়ত পড়িয়া আছে, শিখিলেই হয়, তজ্জন্য অন্যের

খোঁসামোদ করা হয় কেন? বন জঙ্গলে
পাহাড়ে এনিতে রোগের ঔষধ আছে,
তাঁরা শিথিলার জন্য কবিরাত্তের শিষ্য
হও কেন? যাহার জল পিপাসা হয়,
সে ব্যক্তি কোদাল, খুঁটা লইয়া কূপ
অথবা পুকুরিণী খনন করিতে প্রবৃত্ত
হয় না। যেখানে জলাশয় আছে,
সেখানে জলপাত্র লইয়া জল গ্রহণ
করে। তজ্জপ সেই জ্ঞানরূপ ভগবান
পরম গুরুশক্তি রূপে সর্বভূতে বিরাজ
করিতেছেন। যেখানে যেরূপ প্রকাশ
পাইয়াছেন, সে স্থান হইতে সেইরূপ
শিক্ষালাভ করিয়া থাকি। যেখানে
প্রেমভক্তি বিশ্বাস পবিত্রতা রূপ
ধর্মরূপে প্রকাশ পাইতেছেন, সে স্থান
হইতে তাহা গ্রহণ করিতে হইবে।
ধর্ম একটা প্রণালী নহে, মত নহে,
দল অথবা সম্প্রদায় নহে। স্বয়ং
ভগবানই ধর্ম। সেই পরাশক্তি ভগবতী
বিশ্বজননী স্বয়ং ধর্ম। ধর্ম বাক্য নহে—
শক্তি। ধর্ম মত নহে, কিন্তু সন্তোগের
বস্তু। যিনি এই পরাশক্তিকে দেখাইয়া
দেন, অন্তরে জানাইয়া দেন, তিনিই
গুরু। যিনি যে বিষয়ের শিক্ষা দেন,
তিনি সেই বিষয়ের গুরু। সকলের
পদানত হইয়া পদধূলি লইতে লইতে
অহঙ্কার নষ্ট হইয়া হৃদয় বিনীত হয়।
হৃদয় এরূপ বিনীত না হইলে গুরু-
দর্শন হয় না।

আশাবতী। নিজে নিজে ঈশ্বরের
নাম লইলে কি ধর্ম হয় না?

ঘোণী। হবেনা কেন? পুকুরিণী
কাটয়া জলপান ক করার মত। পিপাসায়
প্রাণ যায়, নিকটে পুকুরিণী, তাহাতে
জলপান না করিয়া পুকুরিণী খনন
করিয়া জলপান করিলে যেরূপ সুবন্ধির
কাণ্ড হয় তজ্জপ। বিশেষতঃ ঈশ্বরের
নাম অক্ষর নহে, স্বয়ং ঈশ্বরই নাম।
তিনি শক্তি, নামও শক্তি। আমি যে
নাম করি, তাহাতে যদি শক্তি না থাকে,
নামস্পর্শমাত্র যদি প্রেমভক্তি পবিত্রতা
প্রাণে ভোগ না করি, তবে তাহা ঈশ্বরের
নাম নহে, করেকটা অক্ষর। এবিষয়ে
একটা পৌরাণিক আখ্যানিকা বলি
শ্রবণ কর। এক ব্রাহ্মণ বেদব্যাসের
নিকট উপস্থিত হইয়া অনেক স্তবজতি
করিলেন। ব্যাস বলিলেন, হে বিপ্র!
তুমি কি জন্য আমার নিকট দৈন্য
প্রকাশ করিতেছ, আমি তোমার কি
উপকার করিব? ব্রাহ্মণ বলিলেন, হে
পরশরের পুত্র! তোমার অসাধ্য কিছুই
নাই, আমি তোমার শরণাগত, আমার
উপকার কর। আমাকে এমন কিছু
শিখাইয়া দাও, যে আমি যথেষ্ট গমনাগমন
করিতে পারি। ব্রাহ্মণের এই দৈন্যোক্তি
শ্রবণপূর্বক মহর্ষি রুক্ষ দ্বৈপায়ন, বিলম্বিত্রে
কিছু লিখিয়া দিয়া বলিলেন, হে দ্বিজ!
এই বিলম্বিত্রে বাহা লিখিয়া দিলাম, তাহা
দেখিওনা, ইহা হস্তে রাখিয়া যথা ইচ্ছা
গমন করিতে পারিবে। এই পত্র হস্তে
থাকিতে তোমার শৈব বিহারে কেহই
বাধা দিতে পারিবে না। ব্রাহ্মণ সেই

পত্র লইয়া পরমানন্দে সর্বত্র গমনাগমন
করিতে লাগিলেন। কখন ইন্দ্রলোকে,
কখন চন্দ্রলোকে, কৈলাসে, বৈকুণ্ঠে,
মনের সাধে ভ্রমণ করিতে করিতে,
একদিন দেখিলেন পত্রটা শুধাইয়া
গিয়াছে। মনে করিলেন পত্রটা শুধ
হইল, কখন চূর্ণ হইয়া যাইবে অতএব
ইহাতে যাগ লেখা আছে তহা একটা
নূতন পত্রে লিখিয়া লই। পত্রটা খুলিয়া
দেখেন তাহাতে লেখা আছে, “ওঁ রামঃ”
আবার ব্যাসের হস্তাক্ষরও ভাল নহে,
হিজিবিজি, ইহা দেখিয়া ব্রাহ্মণ হাস্য
করিয়া বলিলেন, ও হরি এই সঙ্কেত।
ওঁ রামঃ!!! লেখারও শ্রী দেখ। দূর হউক,
শুধু পত্রটা রাখিয়া আর লাভ কি! আমার
হস্তাক্ষর অতি সুন্দর, মুক্তার মত, ইহা
বলিয়া একটা বিদ্যুৎ পত্রে দিব্য অক্ষরে ওঁ
রামঃ লিখিলেন। শুধু পত্র কোথায়
উড়িয়া গিয়াছে! ব্রাহ্মণ, স্বহস্ত-লিখিত
পত্রটা হস্তে লইয়া মনে করিলেন মন
চল একবার কাশী যাই। ওঃ এ কি,
উঠিনা কেন? অনেক চেষ্টা করিলেন, সমস্ত
বিকল হইল, কাশী যাওয়া হইল না।
তখন ঘৃণা লজ্জা দুঃখে অবসন্ন হইয়া
চারিদিক অন্ধকার দেখিলেন। আব
কোন উপায় না দেখিয়া পুনঃ ব্যাসের
নিকট উপস্থিত হইয়া সমস্ত বিষয় বর্ণন
করিলেন। ব্যাস কহিলেন, হে বিপ্র!
তোমার অবিশ্বাস তোমাকে নষ্ট করি-
য়াছে। আমি তোমাকে বলিয়াছিলাম
যে, এই পত্রের মধ্যে কি আছে তাহা

দেখিও না। আমি বহুকাল শুকসেবা
পূর্বক তাঁহার কৃপা লাভ করি। সেই
শুকদত্ত শক্তি জন্মে ধারণ করিতে করিতে
সেই শক্তি আমার দেবতারূপে প্রকাশিত
হইয়াছেন। তাঁহারই কৃপায় ও বরে
আমি তাহা সঞ্চারণ করিতে পারি।
এজন্য আমার লিখিত নামে সেই শক্তি
বর্তমান ছিল। সেই শক্তি প্রভাবেই
তুমি যথেষ্ট ভ্রমণ করিয়াছ। ওঁ রামঃ
এই কটা অক্ষরের কোন মূল্য নাই, এজন্য
তোমার হস্তাক্ষর তোমার মনোবাঞ্ছা
পূর্ণ করিতে পারে নাই। ব্রাহ্মণ অনেক
রোদন করিলেন, কিন্তু ব্যাস অবিশ্বাসী
ব্যক্তিকে সময় হয় নাই বলিয়া আর শক্তি
সঞ্চারণ করিলেন না।

আশাবতী! প্রভো! সময় হয় নাই
ইহার তাৎপর্য কি?

যোগী। কুব্ধ করা শস্য রোপণ
করিয়া, শস্য পক হওয়া পর্যন্ত অপেক্ষা
করে। পক্ষী ডিম প্রসব করিয়া তা
দিতে থাকে। সময় না হইলে ডিম ফুটায়
না। অসময়ে ডিম ফুটালে ডিম কেঁচে
যায়। সেইরূপ বাহার জন্মে ধর্মের
জন্য আকুলতা হয় নাই, স্রীর অহঙ্কার
নষ্ট হয় নাই তাহাকে ধর্মের উপদেশ
দিলে তাহাতে উপকার না হইয়া
অপকার হয়।

আশাবতী। প্রভো! দাসীর অনেক
মনোমালিন্য দূর হইল। আপনাকে
প্রণাম করি, আমার এই অধম মস্তকে
চরণ দিন।

নূতন সংবাদ।

১। আমরা সুনীয়া আফ্রাদিত হংলাম মহারানী বিকটোরিয়া কাউন্টেন্স ডফরিণ ফণ্ডের পরিপোষিকা হইয়াছেন।

২। মাজাজের মাহুরার এক স্ত্রীলোক বাপের বাড়ী বাইতেছিল, পথিমধ্যে ৪ জন

দহা তাহার অলঙ্কার হরণের চেষ্টা করে। রমনী তাহাদিগের অস্ত্রেই তাহাদিগের দুই জনকে হত করে, অপর দুইজন পলাইয়া যায়।

পুস্তক প্রাপ্তি ও সমালোচনা।

১। জীবনের সন্ধ্যাবহার—শ্রীনীলকমল মুখোপাধ্যায় দ্বারা বঙ্গভাষায় প্রকাশিত, মূল্য ১ টাকা। ইহা তিব্বতদেশে প্রাপ্ত একখানি সংস্কৃত নীতি গ্রন্থের ইংরাজী অনুবাদের অনুবাদ। পুস্তকখানি জীবনের নানাবিধ কর্তব্য সম্বন্ধীয় উপদেশে পূর্ণ, ইহাতে একটি কথাও অসার পাইলাম না। এক্ষণে সারগর্ত উপদেশ নীতিগ্রন্থ অতি বিরল। বাঙ্গালা অনুবাদ ও মুদ্রা-কথাপি কার্য্যও অতি সুন্দর হইয়াছে। যুবকদিগের পক্ষে ইহা বিশেষ পাঠ্য।

২। সারধর্ম বা তত্ত্বসার—বগুড়া আধ্যাত্মিক বিদ্যালয় হইতে প্রচারিত। এই আধ্যাত্মিক বিদ্যালয়টি গোপনে গোপনে যে মহৎ কার্য্য সম্পন্ন করিয়াছেন, আমরা তাহার প্রশংসা করিয়া শেষ করিতে পারি না। ইহার ছাত্র বা শিক্ষকগণ দুই বৎসরে যে সকল প্রবন্ধ লিখিয়া পাঠ করিয়াছিলেন, তাহারই অধিকাংশ লইয়া দুই শত পৃষ্ঠা পরিমিত এই পুস্তকখানি প্রস্তুত হইয়াছে। প্রবন্ধ সকল চিন্তাপূর্ণ, নীতি ও ধর্মসম্বন্ধীয় অতি প্রয়োজনীয়

বিষয় সকল অবলম্বনে লিখিত এবং গভীর ও উদার ধর্ম ভাবোত্তেজক। অধিক আফ্রাদের বিষয় এই শ্রীমতী অন্নপূর্ণা চট্টোপাধ্যায় প্রবন্ধগুলির প্রায় তৃতীয়াংশ রচনা ও অবশিষ্ট গুলি সংশোধন করিয়াছেন। গ্রন্থখানির সহস্র খণ্ড বিনামূল্যে বিতরিত হইতেছে। আধ্যাত্মিক বিদ্যালয়টি স্থায়ী চউক এবং ধর্ম্মানুরাগী মহোদয়গণ ইহার সর্বাঙ্গীণ সহায়তা করুন ইহা আমাদের একান্ত প্রার্থনা।

৩। আমরা কৃতজ্ঞতা সহকারে নিম্ন-লিখিত কয়েকখানি পুস্তকের প্রাপ্তিস্বীকার করিতেছে, আগামী বায়ে ইহাদের সম্বন্ধে বক্তব্য প্রকাশ করিব :—

(১) বাবু অক্ষয়কুমার দত্তের জীবনবৃত্তান্ত, শ্রীমহেন্দ্রনাথ রায় প্রণীত, মূল্য ১০ আনা।

(২) নবলীলা (উপন্যাস) শ্রীদেবী প্রদত্ত রায়চৌধুরী প্রণীত, মূল্য ১০ আনা।

(৩) রাজপুর রিপণ পুস্তকালয়ের মণ্ডম ও অষ্টম সাংবৎসরিক কার্য্যবিবরণ।

বামাবোধিনী পত্রিকা।

THE
BAMABODHINI PATRIKA.

“কন্যাশ্রমং মাতুলনীয়া শিল্পশীঘ্রাতিযত্নতঃ।”

কন্যাকে পালন করিবেক ও যত্নের সহিত শিক্ষা দিবেক।

২৪৯
সংখ্যা।

আশ্বিন ১২৯২—অক্টোবর ১৮৮৫।

{ ৩য় কয়।
২য় ভাগ।

সাময়িক প্রসঙ্গ।

কাউন্টেস ডফরিণ ফণ্ড—ইতি-
মধ্যে এই ফণ্ডে ২০ হাজারের অধিক
টাকা সংগৃহীত হইয়াছে। উদয়পুর ও
কাশ্মীরের মহারাজা প্রত্যেকে ৫০০০,
আলওয়ারের মহারাজা ৪০০০, ধারের
রাজা ১৫০০ (এতদ্ভিন্ন বার্ষিক ১০০০
করিয়া ৩ বৎসর ভাতবৃত্তি দিবেন), টি, সি,
হোপ ১০০০, লর্ড ও লেডী ডফরিণ, লেডী
আর্চিসন, হরনাম সিং, ও কর্ণেল মির্চো
ইলিয়ট প্রত্যেকে ৫০০ টাকা দান করিয়া-
ছেন। এই ফণ্ডে কচ্ছের মহারাজা ৫০০০
ও ভূপালের বেগম ২০০০ টাকা দান
স্বাক্ষর করিয়াছেন।

বন্যা—অগ্রিদাহ, হৃর্তিক ও ভূমি-
কম্প এবার বঙ্গদেশের অনেক স্থানের
সর্বনাশ করিয়াছে, বর্ষার শেষে আবার

ভয়ানক বন্যা হইয়া অনিষ্টের বাহা বাকী
ছিল, শেষ করিল। রূপ নারায়ণ ও
দামোদর উথলিয়া উঠিয়া মেদিনীপুর ও
বর্ধমান জেলার অনেক স্থান ভাসাইয়া
লইয়া গিয়াছে, শত সহস্র লোকের ঘর
বাড়ী, গোরু বাছুর বিনষ্ট হইয়াছে, ধান্য-
ক্ষেত্র শাশানভূমির আকার ধারণ
করিয়াছে। ছগলী, মদীয়া, মুর্শিদাবাদ,
ঢাকা, পূর্ণিমা, ত্রিহত প্রভৃতি জেলারও
অনেক স্থানের ছরবস্তা হইয়াছে। পূর্ব
বাংলা রেলওয়ের ট্রেন প্রায় বন্ধ। চীন-
রাজ্যেও কান্টন নদী উচ্ছসিত হইয়া
এইরূপ ছর্ঘটনা ঘটাইয়াছে। তথায়
অসংখ্য লোক নিরাশ্রয়। হিতৈষী নর-
নারীগণ এ সময় বিপন্নদিগকে সাহায্য
করিয়া অর্থের সার্থকতা করুন।

প্রদর্শনী—আগামী শীতকালে লক্ষ্মী নগরে একটা শিল্প প্রদর্শনী হইবে, গবর্ণ-মেন্ট তদর্থে ৫০০০ টাকা দিয়াছেন। চুঁচুড়ায় একটা কৃষি প্রদর্শনী খুলিবার জন্য তত্ত্ব্য প্রধান লোকেরা চেষ্টা করিতেছেন, তাহাতে গোক বাছুর ও কৃষিকার্য্য সম্বন্ধীয় যন্ত্রাদি প্রদর্শিত হইবে। কৃষিকার্য্যের উৎসাহ দানার্থ বঙ্গদেশের প্রত্যেক নগর ও গণ্ডগ্রামে এইরূপ অনুষ্ঠান হওয়া আবশ্যিক।

পুনা টেমিং কলেজ—স্ত্রীলোকদিগের জন্য এই উচ্চশ্রেণীর বিদ্যালয়টা হইয়া মহারাষ্ট্রে স্ত্রী শিক্ষার যথেষ্ট উন্নতি হইতেছে। ইহা হইতে শিক্ষয়িত্রী সকল প্রস্তুত হইতেছেন এবং ইহার সঙ্গে একটা বালিকা বিদ্যালয় সংযুক্ত আছে। সম্প্রতি এই বিদ্যালয়ের বার্ষিক পারিতোষিক বিতরণ কার্য্য সমারোহে সম্পন্ন হইয়াছে। এই উপলক্ষে বালিকারা যে সঙ্গীত ও ব্যায়াম প্রদর্শন করে, তাহাতে সমাগত ব্যক্তিগণ অতিশয় চমৎকৃত হইয়াছিলেন।

বোম্বাই গবর্ণর—রে সাহেব লর্ড রিগনের ধাতুর লোক। ইনি দেশীদিগের প্রতি সদয় হৃদয় এবং তাহাদিগের হিতকর কার্য্যে স্বতঃ পরিতঃ উৎসাহ দিয়া থাকেন। বোম্বাইয়ের আর্থগারী বিভাগের সংস্কারার্থ ইনি বিশেষ মনোযোগী হইয়াছেন। ইহার সহ-ধর্ম্মিণীও দেশহিতকর কার্য্যের অনেক সহায়তা করিতেছেন।

মাদকতা—এ দেশে সুরাপানের অনিষ্টকারিতার প্রতি অনেকের দৃষ্টি পড়িয়াছে, কিন্তু গাঁজা প্রভৃতির গোপনে গোপনে কত শ্রীযুক্তি হইতেছে, কেহ অনুসন্ধান করেন না। এক রামপুর হইতে বৎসরে ৬ হাজার মণ গাঁজা উৎপন্ন হইয়া থাকে, সমুদয় বঙ্গদেশে ইহার পরিমাণ কত কে বলিবে! লক্ষ লক্ষ মণ গাঁজা বঙ্গবাসীর শরীরে প্রবিষ্ট হইয়া কি অনর্থ উৎপন্ন করিতেছে। পাগলা গারোদের অধিবাসীদিগের অধিকাংশই গাঁজার কল।

ইংরাজ পাগল—ইংরাজদিগকে আমরা ধীরবুদ্ধি বিবেচনা করি, কিন্তু ইহাদের মধ্যে ক্ষেপার সংখ্যা কম নহে। ইংলণ্ডের বাতুলার সকলে ৮০০০ পাগল বাস করিতেছে, এ ছাড়া গুপ্ত পাগল অনেক আছে। গত বৎসরে ১১৭৩ জন বুদ্ধি হইয়াছে।

পার্লমেন্টে দেশীয় সভ্য—পার্লমেন্ট মহাসভায় সভ্য মনোনীত হইবার জন্য একা বাবু লালমোহন ঘোষ প্রার্থী নন, আর একটা বাঙ্গালী যুবও এ জন্য চেষ্টা করিতেছেন। বোম্বাইবাসী ছই ব্যক্তিও আপনাদিগের ভাগ্য পরীক্ষার্থ বিলাত গিয়াছেন। ইহাদের এক জন ইন্দুপ্রকাশ পত্রের সুযোগা সম্পাদক, আর একজন দাদাজী নৌরজী নাম এক ধনীতা পারদী।

মহারাণীর বক্তৃতা—পার্লমেন্ট বক্তৃতা সময়ে মহারাণী যে বক্তৃতা করিয়া

ছেন, তাহাতে এ দেশীয় লোকদিগের রাজত্বের বিশেষ প্রশংসা করিয়াছেন।

রুশ সীমানা—রুশিয়া ও আফগানিস্তানের সীমা সম্বন্ধে যে গোলযোগ চলিতেছিল, তাহার সীমাংশা হইয়াছে। রুশিয়া পাঁচদে পাইয়া অবশ্য লাভবান হইয়াছেন, জুজফিকার কাবুলের আমীরকে দেওয়া হইয়াছে। একটা মহাযুদ্ধ অন্তে অন্তে নিবারণিত হইল, ইটাই সুসংবাদ।

ভারতবর্ষীয় বজেট—বর্তমান স্টেট সেক্রেটারী লর্ড চর্চিল লর্ড রিপনের শাসনের নিন্দা করিয়া যদিও ভারতবাসীদিগের ক্ষমতায় আঘাত করিয়াছেন, কিন্তু তিনি ভারতবর্ষীয় বজেট সম্বন্ধে বক্তৃতা করিবার সময়ে একটা আশার কথা বলিয়া আমাদিগের কৃতজ্ঞতা ভাজন হইয়াছেন। তাহার বিশ্বাস ভারতে অর্থব্যয় ও শাসন বিষয়ে অনেক বিশৃঙ্খলা হয়। আগামী বর্ষে ইহার অসুসন্ধানার্থ তিনি

এক কমিসন স্থাপনের প্রস্তাব করিবেন। গত বর্ষে ইনি ভারত ভ্রমণ করিয়া গিয়াছেন, তাহা হইতে সুফল ফলিবার আশা করা যায়।

যুবক যুবতীদিগের চরিত্রোন্নতি সাধন—বর্তমান সময়ে এ বিষয়ে ইংলণ্ড ও ভারতবর্ষে বিশেষ চেষ্টা হইতেছে দেখিয়া আমরা পরমাক্ষান্বিত হইয়াছি। ইংলণ্ডে ১৬ বৎসর পর্যন্ত বালিকারা নাবালাক বলিয়া গণ্য হইয়াছে; তাহাদিগকে কেহ কুপণে লইবার চেষ্টা করিলে গুরুদণ্ড পাইবে। যুক্তিযুক্ত ও পেলয়েলা গেজেটের কর্তৃপক্ষ পতিত বালিকাদিগের উদ্ধারার্থ অনেক প্রকারে চেষ্টা করিতেছেন। ইংরাজ যুবকদিগের চরিত্রের উৎকর্ষ সাধনার্থ কাণ্টনবরীর বিশপ এক সভা স্থাপন করিয়াছেন, যোহান্নাইরেও চরিত্রোন্নতি বিধানার্থ একটা নূতন সভা প্রতিষ্ঠিত হইয়াছে।

প্রাচীন আর্য্যমণীগণ।

উপনিষদের কাল।

বেদশাস্ত্র আর্য্যজ্ঞাতের আশীর্বাদ প্রাপ্ত হইল, তাহার মন্দির নাই। তদপেক্ষাও যেটা হিন্দুজ্ঞাতের ধর্মোন্নতি ও জ্ঞান বীজের পরিচয় দেয়, তাহা উপনিষদ। মেই প্রেইবিদ্যা উপনিষদ এষ্টে যদি

কোন কোন ব্রাহ্মোহার বিবরণ প্রদর্শন করিতে পারা যায়, তবে তাহা নিঃসন্দেহ বিলক্ষণ গুরুতর ও মহা গৌরবজনক বিষয় বলিতে হইবে। অতএব সেই বৃত্তান্তের অনুশীলনে মনোনিবেশ করা গেল।

৭।—মৈত্রেয়ী।

যাজ্ঞবল্ক্য মুনি, গুরু-যজুর্বেদ-সংহিতা-কার। তিনি বৃহদারণ্যক-উপনিষদেরও রচয়িতা। এই উপনিষদের মধ্যে মৈত্রেয়ীর কথা যেক্রপ প্রাপ্ত হওয়া গিয়াছে, ক্রমশঃ তাহা বিবৃত হইতেছে। মৈত্রেয়ী যাজ্ঞবল্ক্য ঋষির ভাৰ্য্যা। কাত্যায়নী নামী তাঁহার এক মপত্নী ছিলেন। মৈত্রেয়ীর কোন সম্ভান-সম্বন্ধি হইয়াছিল কি না জানা যায় নাই। কাত্যায়নীর সহিত কোন কালে কোন উপলক্ষে তাঁহার কলহ বিসম্বাদ বা মনোবাদ উপস্থিত হয় নাই। না হইবারই বিষয়। যেহেতু তিনি উচ্চবিদ্যার পারগামিনী ছিলেন। উভয় জ্ঞান মধ্যে যাজ্ঞবল্ক্যের কথার প্রতি স্বেচ্ছ-মমতা অধিক ছিল, স্পষ্ট বুঝিবার সুযোগ নাই। তবে কোন সূত্রে বাহ্য কিছু বোধগম্য হয়,—পশ্চাৎ-লিখিত বৃত্তান্তে তাহা পরিষ্কৃত হইবে।

একদা যাজ্ঞবল্ক্য দুই বনিতাকে সম্বোধন করিয়া কহিলেন, আমার যাবতীয় বিষয়-বিত্তের তোমরা উভয়ে অংশ করিয়া লও। কারণ, “আমার শেষাবস্থা উপস্থিত। এ সময়ে কাননে গিয়া ঈশ্বরান্নাধনায় আমার জীবন বাপন করা কৰ্তব্য বোধ হইতেছে।” কাত্যায়নী ইহার প্রত্যুত্তর স্বরূপ কোন বাক্যই প্রয়োগ করেন নাই। কিন্তু মৈত্রেয়ী, বিত্ত গ্রহণের প্রস্তাব প্রতিগোচর

করিবামাত্র ভক্তাকে হাহা হাহা বলিয়া-ছিলেন, এবং তত্বত্বের যাজ্ঞবল্ক্যও বাহ্য বলেন, বোধস্বলভ হইবে বলিয়া, তৎসমস্তই বৃহদারণ্যক উপনিষদের চতুর্থ অধ্যায়ের ব্রাহ্মণ* হইতে পরস্পরের কথোপকথন প্রণালী-ক্রমেই লিপিবদ্ধ করা গাইতেছে। এ বারে কেবল মৈত্রেয়ীর বাক্য গুলিরই মূল সংস্কৃত টীকায় প্রদত্ত হইল।

মৈত্রেয়ী।—হে ভগবন্! এই ধরণী যদি ধন-দ্বারা পরিপূর্ণ হইয়া আমার অন্নভ হর, তাহাতে কি আমি অমরত্ব লাভ করিব?

যাজ্ঞবল্ক্য।—না। ধনবান লোকের জীবন সদৃশ তোমার জীবন হইবে। অর্থে অমর হওয়ার আশা নাই।

মৈত্রেয়ী।—যাহাতে আমার অমর হইবার সম্ভাবনা নাই, তাহা লইয়া আমার কি হইবে? যদ্বারা অমরত্ব লাভ করিতে পারি, একরূপ ব্রহ্মজ্ঞান অর্পণ আমার উপদেশ করুন।†

যাজ্ঞবল্ক্য।—মৈত্রেয়ী! তুমি একে তো আমার প্রিয়, তাহার উপর আমার প্রিয়তম পরমেশ্বরের কথা জিজ্ঞাসা দ্বারা

* ব্রাহ্মণ উপনিষদের বিভাগ বিশেষ।

† “সাহোবাচ মৈত্রেয়ী, যদ্যুৎ ইরজগো সৰ্বা পৃথিবী বিত্তেন পূৰ্ণা স্যাৎ, কিমহং তেনাবৃত্তা স্যাগ্ৰিতি।

‡ “সাহোবাচ মৈত্রেয়ী, যেনাহং নাহুতা স্যাৎ, কিমহং তেন কৃপ্যাৎ। যদেব ভগবান্ বেদ, তদেব বে ক্রীতীতি ॥ ৩ ॥

ও তাঁহার বিষয় পরিজ্ঞাত হইতে অভিলাম করিয়া, আমার প্রিয়তর হইলে। তুমি আমাকে যে প্রশ্ন করিলে, তাহার প্রকৃত উত্তর দিতেছি। আবিষ্ট মনে শুন ও হৃদয়ঙ্গম কর। কোন স্ত্রীই স্বামীর ইচ্ছানুসারে তাঁহার প্রিয়পাত্র হইবার বাসনা রাখে না; কিন্তু আত্মার কামনানুসারে ভর্তার প্রীতিভাজন হয়। বনিতার বাঞ্ছানুসারে কোন স্বামীই জায়ার প্রিয় হয় না, কিন্তু আত্মার ইচ্ছামত স্বামী পত্নীর প্রীতির আশ্রয় হইয়া উঠে। নিজের আত্মার অভিমতানুযায়ী তনয়কে মেহ করে, অপিত তনয়ের মত লইয়া কেহ তাহার প্রতি মমতাবান্ হয় না। এইরূপ অর্থ ও বেদ-বিদ্যার ইচ্ছানুসারে কেহ কদাপি উহার বশীভূত হয় না, প্রভূত আত্মার অভিমতানুসারেই তাহা সম্পন্ন হইয়া থাকে। অতএব সেই কামনাব্যঞ্জক আত্মা—দর্শন, মনন, শ্রবণ ও ধারণার উপযুক্ত। মৈত্রেয়ী! আমাদের অন্তরে (এই আত্মার মধ্যে) যে লোক সেই মহৎ আত্মাকে দেখিতে পার, সেই লোক সমস্তই জানিল, দেখিল, শুনিল মনন করিল এবং ধারণা করিল।

“এক বস্তু বিদিত হইলে, অন্য বস্তু কি প্রকারে বিজ্ঞাত হয়? পরমাত্মা ব্যতিরেকে আর কিছুই সম্ভব নাই। যদিই কিছু থাকে, তাহা পরিজ্ঞাত হইবার নহ। ফলতঃ অন্য কিছুমাত্রও নাই, পরমাত্মাই সর্বস্ব। অতএব আত্মা

পরিজ্ঞাত হইলেই, তাবৎ পরিজ্ঞাত হইয়া থাকে।

“আহত হৃদুতির এবং বীণার শব্দ শ্রবণে যেমন হৃদুতি আঘাতের ও বীণা-তাড়নের শব্দও শ্রুত হওয়া গিয়া থাকে, তদ্রূপ পরমাত্মা জ্ঞাত হইলে, সকলই জ্ঞাত হওয়া যায়।

“সাগর সকল সলিলের কেবল আশ্রয়-স্থল; স্বক্ স্পর্শের একমাত্র আধার-স্বরূপ; রসনা রস-সমুদায়ের আস্থাদ-কারিণী; নাগিকাই সমস্ত গন্ধ-গ্রহণের আরতন; যদি নাসিকা না থাকিত, তাহা হইলে, স্রাণেন্দ্রিয়ের কার্য চলিত না। কর্ণই শব্দের আশ্রয়-ভূমি। চিত্ত যাবতীয় বাসনার নিলয়; হৃদয় তাবৎ বিদ্যার আলয়-স্বরূপ, হস্তই, নিখিল কর্মের আশ্রয়, মারুত—সমগ্র নৈসর্গিক বস্তুর আগার-ভূত, বাঁক্যই শ্রুতির অবলম্বন-স্থান; বাঁক্য না থাকিলে বেদ থাকিতে পারিত না। এই পদার্থসমূহের আশ্রয় ওলিরও আধার আশ্রয় আছে; সেই আশ্রয়—ব্রহ্ম। মৈত্রেয়ী! তুমি এই ব্রহ্মকেই অবলম্বন পূর্বক জীবিত রহিয়াছ।”

মৈত্রেয়ী।—ভগবন্! আপনি যে মহৎ আত্মার কথা कहিলেন, তাহা কি মোহাভিভূত হইতে পারেন? *

যাজ্ঞবল্ক্য।—না। দেই আত্মা, বিনাশ, স্থিতি ও ভঙ্গ-রহিত। অজ্ঞানতা,

* “সি হোবাচ মৈত্রেয়াজৈব মা ভগবানমুহম প্রেত্য-সংজাতীতি?” ১৭।

আত্মাকে কদাচ স্পর্শ করিতে সমর্থ
নয়।

যাজ্ঞন্য ও মৈত্রেয়ীর আধ্যাত্মিক
তত্ত্বপূরিত রচন-পরস্পরা প্রবণ করিলেই,
মৈত্রেয়ী-কিরূপ বিদ্যাবতী, মেধাবিনী
ও ব্রহ্মপরায়ণা ব্রহ্মবাদিনী ছিলেন,
অনিকল বোধগম্য হইতে থাকে। যে
নারী উল্লিখিত রূপ উচ্চ অঙ্গের ধর্ম-
সংক্রান্ত তত্ত্বজ্ঞানোপদেশ নিবিষ্ট অস্ত্র-
করণে স্তনিত পারেন, তিনি কত কত
গণ্য মান্য পুরুষ অপেক্ষাও ধন্যবাদের
পাত্রী, তাহার ইয়ত্তা করা দুরূহ।

মৈত্রেয়ীর বিদ্যা, বুদ্ধি মিতাশুই বিশাল;
ধর্ম-প্রবৃত্তিও তদনুরূপ। তজ্জন্যই
উপনিষদ-অধো তাঁহার উক্তি বেদ বাক্য-
তুল্য প্রভেদ। কাত্যায়নী ও মৈত্রেয়ী
এই নারী-যুগলের মধ্যে শেখোক্ত রমণী
বে ব্রহ্মবাদিনী হইয়াছিলেন, প্রতিভে
তাঁহার মিদর্শন বহিয়াছে। * মৈত্রেয়ীর
বিষয় ইহার অধিক সংগ্রহ করিতে
পারা যায় নাই।

অতঃপর আগামী মাসে গার্গীর
বিষয় আলোচিত হইবে।

আশাবতীর উপাখ্যান।

(গত প্রকাশিতের পর।)

যোগী। আশাবতি। মা! চল-আজ
ভ্রমণে বাহির হই—(উভয়ের প্রস্থান)
মা! এখানে নিজের উদ্যানটি দেখিতেছ,
ইথাকে রানীর ব্যগ্ধ কহে। আশা!
শিবমন্দিরটি কেমন সুন্দর। পূর্বে এখানে
অনেক গাধু মহাশয় অবস্থিতি করিতেন,
কিন্তু স্থানটি বড় নিষ্কর্ষ হওয়াতে চৌর
দস্যুগণ এখানে দিগন্তে জুয়া খেলিবার
জন্য আড্ডা করিয়া থাকে। সেই উপজ্জবে
এখানে কেহ থাকে না। চল ঐ মহা-
বীরের স্থানে যাই।

আশাবতী। আশা! কি জনর
মূর্ত্তি। এত বড় মহারীর কখনও দেখি-

নাই। অসুর দমনের জন্য বীর হইতুমাত্র
এই দীর্ঘ ভ্রমণক অথচ কোমল স্তন্য
রূপ ধারণ করিয়াছেন।

যোগী। দেখ আশাবতি! ভগবদ্-
ভক্তের প্রতি লোকের কত ভক্তি। হনু-
মান সামান্য ভক্ত নহেন, বুক চিরিয়া
রাম নাম দেখাইয়াছিলেন। শত শত
সহস্র সহস্র লোক ভক্ত হনুমানকে ভক্তি
পূর্বক পূজা করিতেছে। অধিক কি
স্বয়ং ভগবান ভক্তের অধীন। ভক্ত-
বৎসল ভক্তের আবদার ছাড়িতে পারেন
না। মহাশয় নানক বলিয়াছেন, হে
ঠাকুর! তোমার নামের কি মহিমা!

* "তয়োহ মৈত্রেয়ী ব্রহ্মবাদিনী বহুব।"—(শ্রুতি।)

নামে পতিত জন পবিত্র হইয়া জগতে
নমস্যা হয়। তাঁকুর! তেঁহার নামের
শুণ বলিহারি।

আশাবতি! চল আমরা রামগয়ায়
যাই। ফল্গুনদীর তীরে তীরে এই পথ
দিয়া যাই। ফল্গু পাঁচ হইয়া এই ক্ষুদ্র
পাহাড়, উহার নাম রামগয়া। এখানে
রামচন্দ্র পিছুগ্রাস্ত করিয়াছিলেন, এ
জনা উহাকে রামগয়া কহে। পাহাড়ের
এই গোফাতে একটি মাধু থাকিতেন,
তাঁহার নাম দুধারি বাবা। তিনি কেবল
দুধপানে জীবন ধারণ পূরক তপস্যা
করিতেন। এই দেখ ও পারে আশান ঘাটা
এই পাহাড়ের নীচে এই গৃহীতে সীতা
দশরথের হস্তে পিণ্ড দিতেছেন, মৃতিকার
নীচে হইতে এক আনি হস্ত বাধির
হইয়াছে। মা! চল আমরা নুদিংহ
মন্দিরে যাই।

আশাবতী! প্রভো! একি একি
আমার জ্ঞান কেমন করিতেছে। আমি
যেন এখানে ছিলাম। আরও তিনটি
মাধু এখানে থাকিতেন।

সন্ন্যাসী। কি বলিলে মা! তুমি
এখানে ছিলে, কৈ তোমাকে দেখি
নাই। কিন্তু তুমি যে তিন জন মাধুর
কথা বলিতেছ তাঁহারা এখানে ছিলেন।

আশাবতী। মহারাজ! আপনাকে
প্রণাম কহি, আপনাকে আমি এখানে
অনেক বার দর্শন করিয়াছি। আপনার
চরণ সেবা করিয়া কৃতার্থ হইয়াছি।
এ বৃক্ষতলে আমার আশ্রয় ছিল।

এ বৃক্ষের উত্তরের শাখায় আমার একটি
চিহ্ন আছে। সকলে চিহ্ন দর্শন
করিলেন। আশাবতী নুদিংহ দেখিয়া
এই যে এই যে, বলিয়া যেন কত পরিচিত
আত্মীয়-জনের চরণে প্রণাম করিলেন।

সন্ন্যাসী। এ আশ্রমে জীলোক
থাকিবার নিয়ম নাই। বোধ হয়
তোমার জন্ম হইয়াছে। অথবা কোন
সময়ে স্বপ্ন দেখিয়াছিলে, অদ্য তাহা
সত্য ঘটনা হইল।

বোণী। আমারও তাহাই বোধ
হইতেছে। কারণ আশাবতী আর
কখনই গার আসেন না। স্বপ্ন দর্শনই
সত্য হইল। অনেক স্বপ্ন সত্য হয়।

মা! আশাবতি! চল রামশিলায়
যাই। এই দক্ষিণে বিষ্ণু মন্দির রহিল।
অদ্য এখানে বাটব না, তা হলে রাম-
শিলায় বাটয়া হইবে না। দুধারে
কেবল দেওয়ান, এই দেখ বাজিগল
গয়ার পাতল, কাপড়, চরণচিহ্ন
প্রভৃতি জন্ম করিতেছে। এই যে, ক্ষুদ্র
ক্ষুদ্র কয়েকটি মন্দির দেখিতেছ
ইহানিগকে সতীমগুপ কহে। এই ক্ষুদ্র
পুষ্করিণী দক্ষিণ-শালন, এই পিতা
মহেশ্বরের মন্দির। এই গয়ার চক
বাজার। এই হাঁসপাতাল, এই রামশিলা
পাহাড়। এই সিড়ির উপরে যে সুন্দর
মন্দির দেখিতেছ, টিকারির রাণী উহা
প্রতিষ্ঠা করিয়া রাম সীতার মূর্তি স্থাপন
করিয়াছেন। অতিথি-সেবার বন্দোবস্ত
আছে, কিন্তু ঠিক নিয়ম মত চলে

না। এই সিড়ি দিয়া ধীরে ধীরে পাচাড়ে উঠ।

আশাবতী। উঠিতে উঠিতে বড় পা ব্যথা করে। সিড়ি দিয়া পাচাড়ে উঠিতে বড় কষ্ট হয়। এ পাথর খানিকে কি যেন লেথা রহিয়াছে।

যোগী। কলিকাতার বাগবাঁজারের কৃষ্ণরাম বসু এই সিড়ি প্রস্তুত করিয়া দিয়াছেন। তিনিই আপনার নাম খুঁদিয়া রাখিয়াছেন যে, তাঁহার পাচাড়ে উঠিবেন, তাঁহাদের চরণধূলি তাঁহার নামের উপর পড়িবে।

আশাবতী। আহা! ধন্য অম্বরগ! যিনি চরণধূলির মহিমা বুঝিয়াছেন, তিনি সে একরূপ করিবেন তাহার আর আশ্চর্য্য কি? পাচাড়ের উপরের বটবৃক্ষট প্রকাণ্ড। নীচ হইতে একটা ক্ষুদ্র বৃক্ষ বোধ হইতেছিল। প্রস্তর নির্মিত মন্দির ও নাট্যমন্দিরটিও ক্ষুদ্র নহে। এ দিক হইতে গয়া সহরটা বড় সুন্দর দেখাইতেছে। বটতলার পিণ্ড দিতেছে, এখানেও ভিড় কম নহে।

যোগী। মা! আশাবতী! শরীর শীতল হয়েছে? এবার সিড়ি দিয়া নামিব না, পাচাড়ের পথে নামিব। এখানে অনেকক্ষণ থাকিবার প্রয়োজন নাই।

আশাবতী। আমার আর কোন ক্লেশ নাই। আপনার যাহা ভাল বোধ হয় অম্বরগত করুন।

যোগী। চল মা! আমরা পাচাড়ের

পূর্বদিক দিয়া নামি। এই যে প্রস্তর খণ্ডে সিন্দুর মাথা দেখিতেছ, ওখানে একজন সাধু তপস্যা করিতেন।

আশাবতী। আহা! পাচাড়ের নীচে কেমন একটা সুন্দর অট্টালিকা।

যোগী। উহা অট্টালিকা নহে। যে সাধু তপস্যা করিতেন, তাঁহারই আশ্রম।

আশাবতী। আহা! কি সুন্দর, কি মনোহর, কি নির্জন। এ আশ্রমের লোক কোথায়?

যোগী। মা! সে চুংখের কথা জিজ্ঞাসা করিও না। এই সিন্দুর মাথা প্রস্তরের নিকট যিনি তপস্যা করিতেন, তাঁহার তপঃ প্রভাব চারিদিকে প্রচারিত হইল। এক জমিদার মোকদ্দমায় পড়িয়া এই সাধুর শরণাগত হন। সাধু অনেক বিনয় করিয়া বলেন যে, আমি কিছুই জানি না। জমিদার তাহাতে সন্তুষ্ট না হইয়া পুনঃ পুনঃ প্রার্থনা করিতে লাগিলেন। সাধু দয়ালু, আর স্থির থাকিতে পারিলেন না। একটা তুলসী-পত্র জমিদারকে প্রদান করিলেন। দৈববাৎ জমিদার মোকদ্দমায় জয়লাভ করিলেন। এই ঘটনাতেই সাধুর প্রতি তাঁহার প্রগাঢ় ভক্তি উপস্থিত হইল। বহু অর্থ ব্যয় করিয়া এই অট্টালিকায় আশ্রম প্রস্তুত করিয়া দিলেন ও অতিথিসেবার জন্য ঐ অতিথিশালা প্রস্তুত করাইয়া দিলেন। দেবসেবা অতিথিসেবা চলিবার জন্য তালুক লিখিয়া দিলেন। কিছু দিন বড় ধুমধামে আশ্রমের কার্য চণিতে লাগিল।

এ দিকে সাধুর তপস্যা অনেক হ্রাস হইয়া গেল। কিছু দিন পরে অন্য একজন জমিদার সাধুর তালুকের কিছু অংশ বলপূর্বক গ্রহণ করিল। আদালতে মোকদ্দমা উপস্থিত হইল। সাধুর দেব-সেবা, অতিথিদেবা, সাধন, ভজন, সমস্তই বিলুপ্তপ্রায় হইল। বেলা দশঘটিকার সময় দণিগের কাগজপত্র লইয়া কাছারীতে ছাড়ির হইতে লাগিলেন। সাধুকে কাছারীতে দেখিয়া ক্রমে অন্য লোক তাঁহাকে সাক্ষী মান্য করিতে আরম্ভ করিল। ক্রমে ক্রমে সাধুর ধর্ম কর্ম চলিয়া গেল, তিনি একজন পাকা মোকদ্দমাবাজ হইয়া উঠিলেন। বাহা হউক আশাবতী! তপস্যার ফল একেবারে নষ্ট হয় না। এক রাত্রিতে সাধুর মনে হঠাৎ উদয় হইল যে আমি কি করিতেছি? হার হার! আমি কি এই জন্য সংসার ছাড়িয়া আসিয়াছি! ছি ছি, বিক্ বিক্ আমাকে। অরে লোভ! অরে প্রলোভন! আমার সর্বনাশ করিল! দুঃ হ, দুঃ হ। আর না, আর আর না। তোরা আর আমাকে স্পর্শ করিতে পারিবি না। জয় গুরু, জয় গুরু। প্রভো! রক্ষা কর। এই কথা বলিয়া সেই নিশীথসময়ে উজ্জ্বলবে বারানসীর দিকে দৌড়িতে লাগিলেন। এইরূপে অনাহারে অনিদ্রায় দৌড়িতে দৌড়িতে কানীর নিকট "কোন এক গ্রামে গুরুর আশ্রমে উপস্থিত হইলেন। গুরু শিষ্যের এই উন্নতরূপ অবস্থা সম্বন্ধে

পূর্বক দুঃখসন্তপ্ত হৃদয়ে শিষ্যকে ফ্রোঁড়ে গ্রহণ করিয়া গাঢ় আলিঙ্গন করিলেন। বলিলেন বাবা রামদাস! তোমার এরূপ ছরবছর কেন? রামদাস বাবাজী গুরুর সম্মুখে, দ্বিধা আলিঙ্গনে একটু শক্তি লাভ করিয়া কক্ষিৎ হু হু হইয়া স্বীয় অধোগতির সমস্ত বিবরণ বাক্ত করিলেন। গুরু শিষ্যের এ দুর্গতির কথা শুনিয়া বলিলেন "বাবা! তুমি পলায়ন করিয়া এখানে আসিয়া বড় ভাল করিয়াছ। আর সে স্থানে গমন করিও না। এখানেই থাক।" রামদাস বাবাজী কিছুদিন গুরুচরণে অবস্থিতি পূর্বক কক্ষিৎ শক্তি লাভ করিয়া গঙ্গাতীরে একটী নির্জন প্রদেশে তপস্য কবেন। এবার তিনি কৃতকার্য হন। কারণ বহুদিন ইষ্ট দেবতার দর্শন লাভ না হয়; হৃদয় গ্রহি ছিন্ন ও সংশয় নষ্ট হয় না; বিশ্বাস ভক্তি প্রেম পবিত্রতা স্বীয় হৃদয়ের সম্পত্তি হয় না। শান্ত্রেও আছে—

“ভিদ্যতে হৃদয়গ্রহিচ্ছিদ্যতে

সর্বসংশয়াঃ।

দ্বীয়ন্তে চাস্য কর্মাণি তস্মিন্

দৃষ্টে পরাবরেণ।”

একবারও তটদেবের দর্শনলাভ করিলে আর অবিব্রাস সংশয় তাহাকে স্পর্শ করিতে পারে না। ধর্ম আর কিছুই নহে, অরং দৈবরই ধর্ম। যে হৃদয়ে তিনি প্রকাশিত হন, সেই হৃদয়েই ধর্ম বিকশিত হয়। প্রেম, ভক্তি, পবিত্রতা

সত্য, দয়া, ন্যায়, এ সমস্ত ধর্মতত্ত্বের
ফল। ইহারা তরু নহে। পরমেশ্বর
যদি ক্ষম্যে প্রকাশ না হন, এ সকল
প্রকাশ পায় না। অন্যের উপদেশে
অথবা লোকভয়ে, লোকলজ্জায় অথবা
বংশোন্মাদায় যে ধর্মের আচরণ, তাহা
স্থায়ী হয় না। কারণ চলিয়া গেলে
কার্যও চলিয়া যায়। রামদাস বাবাজী
তাহা বিলক্ষণ বুঝিয়াছিলেন, এজন্য
এবার ছুটি চারিটা বাহিরের কার্য
করিয়া প্রেরিত হইলেন না। অনেক
পরিশ্রম করিয়া ক্ষম্যক্ষেত্রে ধর্মতত্ত্ব

প্রতিষ্ঠিত করিলেন। মা! আশাবতী!
যতদিন ঈশ্বর দর্শন না হয় ততদিন
কিছুতেই সাধক নিঃসংশয় নহেন।
তাঁহার পতনেরও বিলক্ষণ সম্ভাবনা।
বিশেষতঃ অহঙ্কার নষ্ট না হইলে পুনঃ
পুনঃ পতন সম্ভাবনা।

আশাবতী! পিতঃ! এই আশ্রমবাসী
সাধুর বিবরণ শ্রবণ করিয়া আমার প্রাণ
কাঁপিতেছে। এমন মহাপুরুষের যখন
একটি চূর্ণিতি হয়, তখন আমার
ন্যায় পাণ্ডিত্যমীর কি গতি! তাহাই
ভাবিতেছি।

(ক্রমশঃ)

ব্রহ্মদেশ বিবরণ।

ব্রহ্মদেশের কোরিণ প্রভৃতি কয়েক
জাতি পর্বতের আশ্রয়ে বাস করে।
সেখানে তাহার ধান্যচাষের উপযুক্ত
সমতল ভূমি পায় না, কিন্তু এই পর্বতময়
স্থানে এক প্রকার ধান্য চাষ দেখি-
য়াছি, তাহা আমি আমাদের দেশে
কখনও দেখি নাই। এ দেশে সমতল
ভূমিতে ধান্য বপন যেমন সহজ, এই সব
পর্বতীয় ভূমিতে সেইরূপ কষ্টসাধ্য।
জলস্রোত পাহাড়ের ঢালে কার্তিক হইতে
চৈত্র পর্যন্ত জলল কাটে, পরে তাহাতে
অজল দিয়া ক্ষেত্র প্রস্তুত করে, ঢালু
নিভাস্ত বেশি না হইলে তাহাতে লাঙ্গল
দেয়, নচেৎ সুস্থি বারা খুঁড়িয়া খুঁড়িয়া

ধান্য বপন করে। ঐ ধান্য আমাদের
দেশের আউশ জাতীরের ন্যায়, বিধাতা
যেন ইহা এই পাহাড়িয়াদিগের জন্য
সৃজন করিয়াছেন। ধান্যের সহিত
প্রায়ই কাপাস বীজ, অরহর, ভুট্টা প্রভৃতির
একটা না একটার বীজ ছড়ান হয়,
এবং ক্ষেত্র মধ্যে বা পার্শ্বে লাউ, কুমড়া,
শিম ইত্যাদি তরকারিরও বীজ পোতা
হয়। ঐ জমিতে তিলও যথেষ্ট জন্মে,
সুতরাং ঐ পাহাড়িয়াদিগের কেবল মাত্র
লবণ ও লেপ্তির অসংস্থান থাকে, কিছু
ধান্য বা জলজাত খয়ের গাতিয়া
উদ্ধারও সুবিধা করিয়া লয়। ধান্য,
দাল ও কুমড়া প্রভৃতি তরকারি সম্ব-

মরের আবশ্যক মত তাহার। মজুত রাখে।

এইরূপ চালু জমি প্রতি বৎসর নতুন করিয়া প্রস্তুত করিতে হয়, পুরাতন জমি পতিত থাকে, পরে আবার তাহাতে অধিক জঙ্গল হইলে আবার কাটিয়া এক বৎসরের জন্য জমি প্রস্তুত করা হয়।

চাঁদের সময় ভিন্ন অপর সময়ে বর্ষারা প্রায় কোন কাজ কর্ম করে না, কেবল চুরট খাইয়া এদিক ওদিক বেড়ায়, নাচ ঘাড়া দেখে। সাধারণতঃ বর্ষারা ঘর ছাড়িয়া যাইতে চাহে না, বিশেষতঃ জ্বালাৎসেরা যদি স্বামী বিদেশে যায় বরং সে স্বামী পরিত্যাগ করিবে, তথাপি স্বামীর সহিত সংজে বিদেশে যাইবে না। বর্ষাদের জীবন প্রায় এক রকমে কাটে, ভবে বাচখেলা, বোড়দৌড় বা ফুজি চাউঙ্গে যাওয়া এই সব উপলক্ষে তাহাদের বড়ই উৎসাহ। আপনাদের গ্রামের লোক বাচে জিতিলে, বড়ই আনন্দিত হইয়া বাবা মজুত করিতে থাকে। বোড় দৌড় হইলে বাহাদের বোড়া তাহার। তো বাজি রাখে, সাধারণতঃ এক একটা আপনার ২ বলিয়া লইয়া মাধ্যমত বাজি রাখিতে জট করে না। ফুজি চাউঙ্গে যাইবারও ভার ধূম। উৎসব উপলক্ষে স্ত্রীপুরুষ উত্তম বেশ ভূষা করিয়া সেখানে যায় এবং ফুজিদিগকে আহ্বানের জন্য সামগ্রী দেয়। উপবাসের দিন উহার। নানা প্রকার খাদ্য সামগ্রী লইয়া

বাস এবং বেলা দুই প্রহর পর্যন্ত আহারাদি যথেষ্ট চলিয়া থাকে। তাহার পর আর কেহ আহার করে না, কেবল আবশ্যক মত জল, পান, সরবত ও চুরট খায়। আহ্বানের সময় মৎস্য মাংস ইত্যাদি অপর দিবসাপেক্ষা কিছু অধিক খাওয়া হয়, তাহাতেও ইহাদের উপবাসের কষ্ট বিশেষ রূপে অনুভূত হয়। বঙ্গদেশের বিধবা সমনীষিগণের নিষ্কুলা একাদশীর কথা বলিলে ইহার। প্রায় শিহরিয়া উঠে, বলে এমনতর অধ্যায় তাহার। বোধ হয় এক দিনও বাচে না। বর্ষারা কখন কখন নানা প্রকার দান সামগ্রী জুসজ্জিত করিয়া বাবাসহ নৃত্য করিতে করিতে ফুজি চাউঙ্গে যায় এবং সেখানে সেই সকল দ্রব্য ফুজিদিগকে দেয়। কখন কখন এরূপও দেখা গিয়াছে যে ফুজিরা তাহাদের জীবনের দ্বারা ঐ দ্রব্যাদি আবার বিক্রয় করে এবং সেই টাকা হইতে আবশ্যিকমত দ্রব্যাদি ক্রয় করে কিম্বা মন্দির নির্মাণ করে।

বর্ষারা বাঙ্গালীর ন্যায় দুই সন্ধ্যা আহার করে, প্রাতে বেলা দশটার এবং অপরাহ্নে ৫টার সময়। দুই বেলায় আহারেই প্রায় বাঙ্গালীর ন্যায় ভাত ও তরকারির ব্যবস্থা দেখা যায়। একটা বড় বারকোষে ভাত ঢালা হয় এবং চারিদিকে চিনাপাঙ্গে তরকারি ও চামচ থাকে। এই সকল জল চৌকিতে বা ঐরাপ অপর কিছু উজ্জ স্থানে রাখে। বর্ষারা স্ত্রীপুরুষে তাহাদের হজাট ছোট ছোট

বিপকে লইয়া একত্রে এক পাতে খায়। তবে সন্তান বড় হইলে ভাই ভগিনী মিলিয়া নিকটে অপর পাতে খায়। ইহারা খাইবার সময় কাঁটা চামচ বা চিনাদের মত কাঁটা ব্যবহার করে না। বাঙ্গালির মত হাতে খায়, তবে তরকারি পাত্রে হইতে উঠাইয়া লইবার সময় চামচ দিয়া লয়, হয়ত কখন কখন চামচ দিয়া ঝোল ইত্যাদি একটু তুলিয়া চুমুক দিয়া আশ্বাদন করিয়া আবার সেই পাত্রে উপর রাখে। খাইবার সময় গেলাস ঘটা প্রভৃতিতে ইহাদের পানীয় জল থাকে না, জল খাইতে হইলে গৃহের একটা উচ্চ স্থানে মাঁচার উপর জলের হাঁড়ি থাকে, তাহা হইতে নারিকেল মালা বা লাউয়ের উকড়ি দ্বারা জল উঠাইয়া চুমুক দিয়া খায় এবং উকড়ি যথাস্থানে রাখে। সাধারণতঃ তরকারি শাক সবজি ও মাংসাই প্রধান আহার। অন্ন লোকেরই ভাগ্যে প্রত্যহ মাংস জুটে। কেহই জীবহত্যা করিয়া মাংস খায় না, তবে মুরগি, গরু, ঘোড়া, হাতি ইত্যাদি মরিলে খাইতে আপত্তি নাই। সকল তরকারি প্রায় ঝোলের মত রাগা হয়, তাহাতে লবঙ্গ ও পিয়াজ বা রসুন যথেষ্ট দিয়া থাকে। বাঙ্গালি গৃহস্থের মত ইহারা দাল প্রত্যহই খায় না। তরকারি সাতলানর প্রথা একেবারেই নাই, তাহাতে একটু তৈলের ছিটা দেওয়া হয় মাজ। যদি কোন দ্রব্য নিত্যন্ত ভাজা খাইতে হয়, তাহা হইলে গ্রামের বাহিরে গ্রাম হইতে বাতাস যে দিকে

বহিতেছে, সেই দিকে ভাজা হয়। ভাজার গন্ধে সকলের বিশেষতঃ শিশুদিগের পোড়া হয় এইটী ইহাদের দৃঢ় সংস্কার। আনরা মফস্বলে গিয়া যখন রন্ধন করি, এই রূপ ভাজা বা রতের গন্ধ বাহির হওয়াতে অনেক সময় বন্দীরা বিরক্তি প্রকাশ করিয়াছে এবং সর্বত্র সেই সময় তাহাদের খাদ্য নাকচ ঢাকিতে দেখা গিয়াছে। বন্দীরা খায় না এমন দ্রব্যই প্রায় দেখা যায় না, তেঁতুল পাতা, আম পাতা, বাঁদের কোঁড় ইহাদের প্রিয় সামগ্রী। সকল তরকারিতে আমরা যেমন ঘৃত দিতে ভাল বাসি, ইহারা সেইরূপ লেপ্সি নামক মৎস্য পচা দিয়া থাকে, নচেৎ তাহাদের মুখে খাইতে অস্বাদ লাগে না। আহার সমাপ্ত হইলে জলের হাঁড়ির কাছে গিয়া উকড়ি দিয়া জলপান করে এবং একটু জল দিয়া বারকোস ও চিনা বাসন সামান্য মত পরিষ্কার করিয়া রাখে। ছোঁসেল পাড়া, বাসনমাজা প্রভৃতিতে ইহাদের বাঙ্গালিদের মত কিছুই সময় লাগে না, সেইজন্য ইহাদের নারীগণ অপর অনেক কণ্ড করিতে সময় পায়। তাহারা দোকান করে, বাজার করে, কাপড় বোনে ইত্যাদি। সাধারণতঃ বন্দীরা জল ছাড়া অন্য কিছু পান করে না, কিন্তু বিলাতি সভ্যতার সঙ্গে সঙ্গে এদেশেও মদ আসিয়াছে। তবে বৌভাগ্যের মধ্যে নারীগণ ইহাতে বিরক্ত, সুতরাং তাহাদের স্বামীরা

বসিতে সুরাপান করিতে পায় না,
আবশ্যক হইলে বাহিরে গিয়া থাইয়া
আইসে, শেষে হয় ত বেহুঁস মাতাল
হইয়া পড়ে। গরিব লোকেরা দৈন্য
মদ বা তাড়ি থাইয়া মেশার সুখ অনুভব
করে।

বঙ্গদেশের মত রেশূণ প্রকৃতি স্থানের
নব্য বন্দার বিলাতি খানার বেশ

আস্বাদন বুঝি আছে। নব্য বাঙ্গালিকে
খানা লুকাইয়া থাইতে কিছু কষ্ট পাইতে
হয়, কিন্তু বন্দীদের জাতিভেদ নাট,
জাতি নাশেরও আশঙ্কা নাই। তাহার
প্রকাশ্য স্থানে বসিরা অনায়াসে খানা
খাইতে পারে। নব্য বন্দার সাহেব-
দের মত আপনাদিগের ঘর সাজাইতেও
চেষ্টা করিতেছে।

(ক্রমশঃ)

চন্দ্র ।

১

হে সুধাংশু, বল দেখি কত দিন পরে,
ভুবন-মোহন রূপে দিলে দরশন ;
বরষার মেঘরাশি এত দিন তরে,
যেখিছিল আবিষ্কারে ও চাঁদ বদন ।

২

বরষার শেষে এবে শরত উদয়ে,
পূর্ণ রূপে পূর্ণ চাঁদ হইছে উদিত ;
কে আছে এমন শশি, ওরূপ হেরিয়ে,
যাহার হৃদয় প্রাণ নহে বিমোহিত ?

৩

সরসী, আরসি হয়ে বৃষের ভিতরে,
ধরিয়াছে চরি তব কিবা মনোহর ;
নৈশ সমীরণ কড় গিয়া ধীর করে,
নাচায় সরসী সহ তব কলেবর ।

৪

তরঙ্গিনী, নিশানাথ, তোমারে হেরিয়ে,
ছড়ায়ে হাসির ছটা ধায় অবিরাম ;

লহরী-লীলায় নাচে প্রফুল্ল হৃদয়ে,
কুল-কুল ববে গাহি তব গুণ-গ্রাম ।

৫

হে শশাঙ্ক, তব রূপে মোহিত হইয়া,
সাগর উথলি উঠি তব পানে ধায়,
ইচ্ছা তার, যায় চলি পৃথিবী ছাড়িয়া,
ছাড়ে না পৃথিবী কিন্তু এই বড় দায় ।

৬

ওই দেখ, তরুচর শাখা-বাহু দিয়া,
ধরিছে জোছনা তব, পত্র সমুদয়
মাঝিছে জোছনা অঙ্গে, আনন্দে মাতিয়া
পি য়ছে তোমার সুধা—প্রফুল্ল হৃদয় ।

৭

ওখানে রজনীগন্ধা উন্মীলি নয়ন,
এক দৃষ্টে তব পানে রয়েছে চাহিয়া ;
সুধা পান করি, তার পরিতৃপ্ত মন,
বিতরে সুধাম সুখে অগত মোহিয়া ।

৮

ওই দেখ, সেফালিকা চেয়ে তব পানে,
কুমদিনী চেয়ে ভাল বাসে ও তোমায়,
তুমি গেলে, কুমদিনী নাহি মরে প্রাণে,
সেফালি তেয়াগি প্রাণ ভূতলে লুটায় ।

৯

ওই দেখ শশধর, নিরখি তোমায়,
চকোর আনন্দ মনে উড়িছে গগনে ;
সুখা পানে মাতোয়ারা পাখী সমুদায়,
নিশিরে দিবস ভাবি মধুরে কুজনে ।

১০

যুবক যুবতী বসি তোমার আলোকে,
নবভাবে পরস্পর করিছে দর্শন ;
প্রেমের নিস্তরঙ্গ গীত গাহিছে পুলকে,
হৃদয়ে হৃদয়ে মিল, নয়নে নয়ন ।

১১

সুকুমার শিশু উঠি জননীর কোলে,
কচি কচি হাত তুলি ডাকিছে তোমায়,
চাঁদ-মুখে স্নমধুর "আয় চাঁদ" বোলে,
এ দৃশ্য হেরিয়া শশি, প্রাণে ইচ্ছা বার,—

১২

কপটতা, অহঙ্কার ত্যজি এ সময়ে,
শিক্ষা, জ্ঞান, অভ্যাস দিয়ে বিসর্জন,
উদ্ভিয়া মায়ের কোলে সরল হৃদয়ে,
আবার তোমায় ডাকি শিশুর মতন ।

১৩

আবার মিলিয়া বিধু, বাণ্যসখা সনে,
ইচ্ছা করে, সেইরূপে বলি একবার,
"সুতা কাটে ওই বৃত্তী বসিয়া ওখানে,"
কিন্তু হার সে কল্পনা আসে না যে আর !

১৪

দল বাঁধি-হে ত্রিমাংস, ছুটিতাম যবে,
"আসিতেছে চাঁদ ওই মোদের সহিতে,"
পুলকে পূর্ণিত হয়ে বলিতাম সবে ;
সে উল্লাস আর কিহে আসিবেক চিতে ?

১৫

নবীন যৌবনে যবে নবীন জন্ম,
চিয়ার কালিমা তার পড়েনি যখন,
কতই নবীন ভাষা হইত উদয়,
তাহাতে তোমার শশি, করি দরশন,

১৬

কতই সুখের আশা আসিত তখন,
কতই সুখের ছবি আঁকিতাম মনে,
কতজীব হৃদে ধরি করিয়া যতন,
ভাবিতাম এই সব সাধিব জীবনে ।

১৭

তখন আশায় শশি, আছিল বিশ্বাস,
কভু নাহি জানিতাম নিবাণ কেমন ;
যেদিকে বাইত মন শুধুই উল্লাস,
বিবাদের অধিকার না ছিল তখন ।

১৮

গিয়াছে সে দিন-হার, আসিবে না আর;
সে উল্লাস, সরলতা দিছি বিসর্জন ;
চিত্তাট সঞ্চল এবে ; ওরে রে সংসার,
কি ভাবিয়া, কি করিয়া, করিস্ গঠনা ।

১৯

যে হৃদয় একদিন দর্পণের মত,
ছিল সমুজ্জল স্বচ্ছ কলঙ্কবিহীন,
এখন পাপের ছবি তাহাতে নিম্নত
প্রতিভাত, দেখি প্রাণ কাঁদে নিশিদিন ।

২০

তাই,

ইচ্ছা করে, অর্থানিধি, পৃথিবী ছাড়িয়ে,
চলে যাই সেই দেশে, রয়েছে বেগানে,
এ অধার পূর্ণ খনি; যাহাতে লটে
বিতরিছ অধা তুমি, এ মর-ভুবনে।

২১

ইচ্ছা করে, তারি দেখে অশরীরী হয়ে,
মিলাইয়া যাই বিধু, তোমার কিরণে;
পূর্ণ করি ভাবজল লইয়া স্বপ্নে,
গাঁথি সজ্জি-হার, নিই তাঁহার চরণে।

২২

দেহ শূন্য পর হয়ে অনন্ত আনাশে,
ইচ্ছা করে, গান গেয়ে করি বিচরণ,
খুঁজি সে অনন্ত দেবে, যাঁহার আনন্দে,
অরুণ সাগরে তুমি ভাস অমুক্ত।

২৩

কবি নহি, ও সৌন্দর্য্য নারিও বৃত্তে,
নীদ্রা বিজ্ঞানে তুষ্ট নাহি হয় মন;
তবে কি কল্পিত বল পারিও চিন্তে
তোমার হে অধা-নিধি,—বিদ্যার এখন।

গারফিল্ডের মাতা।

জেমস্ গারফিল্ডের পিতা মৃত্যুশয্যা
শয়ন। তাঁহার আবাস এক অরণ্যের
ভিতর। এখন যে ইউনাইটেড ষ্টেটস
প্রশস্ত রাজপথ, গোল্ডফিল্ড, মহাসমুদ্র-
শালী নগর ও জনপদসমূহে সুশোভিত
হইয়া সভ্যতার আবাসভূমি ইউরোপের
সমকক্ষ হইয়াছে, এককালে তাহা ঘোর
অরণ্যে পরিপূর্ণ ছিল। যাহারা প্রথমে
ইংলণ্ড ও অন্যান্য ইউরোপীয় দেশ
হইতে অধ্যয়ন-পূর্য্য বাস করেন, তাহা-
নিগকে অরণ্য পরিষ্কার করিয়া আপনা-
দের বাসস্থান নির্মাণ করিতে হইয়া-
ছিল। এখন যেখানে বাইতে ১২ ঘণ্টা
মাত্র লাগে, পঞ্চাশ বাট বৎসর পূর্বে
ছয় সপ্তাহের ন্যূন তথ্য বাওয়া অসম্ভব
ছিল। স্থল বিশেষে তিন চারি ক্রোশ

পথ অতিক্রম না করিলে প্রতিবেশীর
মুখ দেখিতে পাওয়া যাইত না। আট-
লান্টিক মহাসাগরের তীরবর্তী উপনিবেশ
সমূহে এ সকল অসুবিধা ছিল না বটে,
কিন্তু গারফিল্ড পরিবারের আবাসভূমি
অধূর পশ্চিমে অবস্থিত। সেখানে চিকিৎসা
সকলই বা কোথায়, আর ঔষধই বা
কোথায়? এই অবস্থায় জেমসের মাতা
নিরুপায় হইয়া নিজের ভগ্নিপতি ও
প্রতিবেশী মেঃ বরেন্টনকে সংবাদ
পাঠাইলেন। আরও দুই একজন প্রতি-
বেশীকে ডাকিতে পাঠান হইল। ইংদের
মধ্যে একজন দুই একটা ঔষধ পত্র
জানিতেন। তাহারই উপর চিকিৎসার
ভার দেওয়া হইল। কিন্তু রোগের
উপশম হওয়া দূরে থাকুক, তাহার

চিকিৎসায় রোগের আরও বৃদ্ধি হইল এবং অল্পদিনের মধ্যেই এত্নাম গারফিল্ডের জীবনলীলা শেষ হইয়া আসিল। তাঁহার দেহ উত্তবোত্তর ক্ষীণ ও অবসন্ন হইয়া পড়িতে লাগিল। ক্রমে শেষ মুহূর্ত্ত উপস্থিত হইল। তখন এত্নাম তাঁহার সন্তানদিগের প্রতি দৃষ্টিপাত করিয়া স্বীয় পত্নীকে বলিলেন,— “আমি এই অরণ্যমধ্যে চারিটা ক্ষুদ্র তরু (দুইটা কন্যা ও দুইটা পুত্র) রোপণ করিয়া গেলাম; এখন তাহাদের রক্ষার ভার তোমার উপর।”

এই কথা শুনির সঙ্গে সঙ্গে তাঁহার প্রাণবানু বহির্গত হইয়া গেল।

এই পরিবারের এখন কি ভয়ানক ছাপের অবস্থা! এককালে বাঁচারা সেই আরণ্য কুটারের মধ্যে থাকিয়াও সুখ্যা প্রাসাদবাসী রাজপরিবারের মত সুখী ছিলেন, আজি তাঁহাদের শোকের পরিমাণ করে এমন সাধ্য কাহারও নাই। জেমসের বয়স তখন দেড় বৎসর মাত্র। পিতার মৃত্যুতে যে তাঁহাদের কি ক্ষতি হইল, এবং তাঁহার মাতা, ভ্রাতা প্রভৃতি সকলের হৃদয় কি ভয়ানক শোকের তাড়নে বিদীর্ণ হইতেছিল, তাহা অনুভব করিবার শক্তি তাঁহার ছিল না।

তাঁহাদের আবাসস্থলের চতুর্দিকে পাঁচ কোশ দূর পর্য্যন্ত যে চারি পাঁচ ঘর প্রতিবেশী ছিলেন, তাঁহারা সকলে আসিয়া এই শোকসম্প্রদা বিধবার অশ্রু-

জলের সহিত আপনাদের অশ্রুজল মিশাইয়া বথামাধ্য সাহায্যভূতি প্রার্থনা করিলেন। তাঁহাদের সাহায্যে নিকটবর্ত্তী গোশুমক্ষেত্রে এত্নামের দেহ সমাধিস্থ করা হইল। সমাধিকালে আর্ন্ত স্বজনবর্গের হৃদয়োস্থিত নীরব প্রার্থনা ব্যতীত আর কোনও রূপ উপাসনা, প্রার্থনা বা উপদেশ-ধ্বনি শ্রুত হইল না। সেই বহুকালব্যাপী যৌর অরণ্যানীর অন্ধকার ও নিস্তরুতার মধ্যে প্রিয়জনদের অন্ত্যেষ্টিক্রিয়া সমাধা করা যে কি ভয়ানক ব্যাপার, তাহা ভুলভোগী বাতিরেকে আর কেহ অনুভবই করিতে পারেন না। এই ঘটনার পর অর্দ্ধ শতাব্দী অতিবাহিত হইয়া গিয়াছে; এই অর্দ্ধ শতাব্দীর মধ্যে কত ঘটনা সংঘটিত হইয়াছে, কত অবস্থার পরিবর্তন হইয়াছে। কিন্তু এই দীর্ঘ ব্যবধানের পরেও, এই বিবিধ ঘটনাবলী ও অবস্থার প্রভাবকে অধঃকৃত করিয়া সেই দারুণ শোকের চিহ্ন গারফিল্ডের স্মৃতির জীবনে অদ্যাপি বিদ্যমান রহিয়াছে। তিনি যদিও ঈশ্বরের দয়া আশ্রয় করিয়া হৃদয়কে সামান্য দিয়াছেন ও ভয়ানক দুঃখবস্তার মধ্যেও দৈর্ঘ্য-বলপন করিয়া সন্তানদিগকে প্রতি পালন করিয়াছেন, তথাপি আজি অশীতি বর্ষাদিক বয়সেও তাঁহার মূখমণ্ডল হইতে সেই বিষম শোকের বেধা অগনীত হয় নাই।

সমুখে দারুণ শীতকাল। সেই ভীষণ অরণ্যানী মধ্যে রক্ষকহীন অবস্থার সমস্ত

শীতকাল কাটাইতে হইবে এই ভাবনায় ঐ ছঃখী পরিবারের বিবাদ অন্ধকার গাঢ়তর হইয়া উঠিল। দেখিতে দেখিতে শীতকাল আসিয়া উপস্থিত হইল। গোপন ক্ষেত্রস্থিত পবিত্র স্মৃতির উদ্দীপক সমাধিচিহ্নকে নয়নপথ হইতে অন্তর্হিত করিয়া চতুর্দিক ঘনত্বায়ে আচ্ছন্ন করিয়া ফেলিল। প্রবল বাত্যা আরণ্য বৃক্ষের মধ্যে শোঁ শোঁ শব্দ করিয়া যেন মৃত এত্নামের জন্য বিলাপধ্বনি উৎপিত করিতে লাগিল। সেই শীতকালে, প্রবল-বাফ্যা-সঙ্কুলিত, সেই পথহীন, বিজন অরণ্যে অসহায় অবস্থায়, হিংস্রজন্তু পরিবেষ্টিত হইয়া এই ছঃখী পরিবারকে যে কত দুর্ভাবনা, নৈরাশ্য ও অশ্রুজলের মধ্যে দিনপাত করিতে হইয়াছিল, তাহা ঐরূপ অবস্থার লোক ভিন্ন আর কাহারও পক্ষে অনুভব করা অসম্ভব।

সেই দুর্দীর্ঘ ছঃখসঙ্কুল শীতকালের কথা তাঁহাদের স্মৃতিপথ হইতে কখনও বিলুপ্ত হয় নাই। তাঁহাদের শোকসম্প্রাপ্ত হৃদয়ে বোধ হইতে লাগিল যেন এ দারুণ শীত আর ফুরাইবে না। যেন বসন্তকাল আর আসিবে না। সে বাণী হউক, কালচক্রের পরিবর্তনে ক্রমে অল্পদ বসন্ত ঋতুর আবির্ভাব হইল; তৃপ্ত হইতে তুষারবাশি অন্তর্হিত হইল; নদনদী সকল কুলকুল রবে বনহলী মধুর স্রোতাব-সদ্বীতে পূর্ণ করিয়া প্রবাহিত হইতে লাগিল; বন, উপবন, শস্যক্ষেত্র পত্র পুষ্প সুশোভিত হইয়া পুনরায় সম্ভাব

ধারণ করিল। কিন্তু গোপনক্ষেত্রের প্রান্তনিহিত এত্নামের মৃতদেহে নব-জীবন সঞ্চার হইল না। স্মৃতরাং তাঁহার ছঃখী পরিবারের কুটীরেও আশার সঞ্চার হইল না। কিরূপে দিনপাত হইবে এই দুর্ভাবনায় অধৈর্য বসন্তকালও তাঁহার বিধবা পত্নীর পক্ষে ছঃখময় হইয়া উঠিল। একে কিছুমাত্র অর্থ সম্বল নাই, তাহার উপর আবার ঋণভার। যে কিছু খাদ্য সঞ্চিত ছিল, তাহাও ক্রমে শেষ হইয়া আসিতেছে। আগামী বৎসরের শস্য সংগৃহীত হইবার পূর্বেই হস্তশিল্প সন্তানদিগকে আহা-রাভাবে হাহাকার করিতে হইবে। তখন তিনি কি করিবেন? এই দুর্ভাবনায় ছঃখিনী মাতার হৃদয় আকুল হইয়া উঠিল।

এই বিষম সঙ্কটে পাড়িয়া বিধবা গারফিল্ড পত্নী তাঁহার ভগিনীপতি ও প্রতিবেশী মেঃ বয়েন্টনের পরামর্শ গ্রহণ করিতে মনস্থ করেন। বয়েন্টনের সদয় ব্যবহার তাঁহার শোকসম্প্রাপ্ত হৃদয়ে অনেক সময় শান্তিবারি সেচন করিয়াছিল। বয়েন্টন তাঁহার কথা সমস্ত শ্রবণ করিয়া বলিলেন,—

“চারিটা শিল্পসন্তান লইয়া কৃষিকার্য্য চালান ও পরিবার প্রতিপালন করা, একজন অসহায় বিধবার পক্ষে অসম্ভব। কৃষিক্ষেত্র বিজয় করিয়া আত্মীয়গণের আশ্রয়ে বাস করা ভিন্ন এ বিপদ হইতে উদ্ধারের অন্য কোন উপায় দেখিতেছি না।”

মিসেস্ গারফিল্ড বলিলেন,—

“তাহা হইলে ত আমার স্বামীর সমাদিস্থান ছাড়িয়া যাইতে হইবে? তাহা আমি কখনও পারিব না।”

তাঁহার প্রতিবেশী বলিলেন,—

“তাহা না করিয়া কি করিবেন?”

মিসেস্ গারফিল্ড তাঁহার স্বাভাবিক মনোবৈচিত্র্য ও তেজস্বিতার সহিত সকল দিক্ ভাবিয়া বলিলেনঃ—

“কৃষিক্ষেত্র বিক্রয় করিয়া দেনা শোধ দিতে ও অন্যত্র বাইবার ব্যয় নির্বাহ করিতেই সমস্ত অর্থ শেষ হইয়া যাইবে। এদিকে আমার এমন একটু ভূমি থাকিবে না যে তাহা হইতে শস্য উৎপাদন করিয়া একদিনেরও খরচ চালাইতে পারি।”

বয়েটন বলিলেন,—“আপনার আত্মীয়-গণ আপনাকে সাহায্য করিতে কুণ্ঠিত হইবেন না।”

তখন বিধবা ভগ্নের সহিত উত্তর করিলেনঃ—“আমি আত্মীয়গণের গলগ্রহ হইতে পারিব না। আমার বিশ্বাস আছে যে, যতদিন আমার শরীর সুস্থ থাকিবে, ততদিন ঈশ্বরের আশীর্বাদে এই দুই হস্তের পরিশ্রমে সন্তানদিগকে প্রতি-পালন করিতে পারিব। আমার স্বামী নিজের জীবন বিনিময় করিয়া যে আবাস প্রস্তুত করিয়া গিয়াছেন, তাহার প্রত্যেক কাঠখণ্ড আমার নিকট পবিত্র। তাঁহার সমাদিস্থানের ন্যায় ঐ আবাস-বাটাও নাস্ত ধর্মের মত সর্বদা যজ্ঞের

সহিত রক্ষা করা আমার কর্তব্য বলিয়া বোধ হয়।”

পূর্বোক্ত কথাগুলি মিসেস্ গারফিল্ডের ন্যায় বীরনারীর উপযুক্ত কথাই বটে। তাঁহার দৃঢ়তা দেখিয়া বয়েটনের স্বপ্ন উদ্বেলিত হইয়া আনন্দধারায় তাঁহার চক্ষু পূর্ণ করিয়া দিল। বয়েটন তাঁহার অভিশ্রম জানিবার জন্য বলিলেন,—

“তবে আপনি কোনরূপেই কৃষিক্ষেত্র বিক্রয় করিবেন না?”

বিধবা উত্তর করিলেন, “সমস্ত বিক্রয় করিব না। তবে দেনা শোধ দিবার জন্য যতটুকু আবশ্যিক, ততটুকু বিক্রয় করিতে পারি।”

বয়েটন বলিলেন, “এ কথা আমার মনেই আসে নাই। বোধ হয় এ উপায়ে আপনার বর্তমান কষ্ট দূর হইতে পারে। আপনি এই বিষয় আরও চিন্তা করিয়া দেখুন, এবং আমিও দেখি। আমি ইতিমধ্যে ক্রেতার চেষ্টায় রহিলাম।”

এই বলিয়া বয়েটন চলিয়া গেলেন। মিসেস্ গারফিল্ড এই বিপৎকালে নিজের কি কর্তব্য তাঁচা নিরূপণ করিবার জন্য তৎক্ষণাৎ অসহায়ের সহায় পরমেশ্বরের শরণাপন্ন হইলেন। অনেক সময় তৃপ্ত-ভারে ক্রান্ত ও কিংকর্তব্যবিমূঢ় হইয়া তিনি বিপদভঞ্জন দয়াময় পরমেশ্বরের গদতলে বসিয়া শান্তিলাভ করিতেন এবং ঈশ্বরের আলোকে কর্তব্যের পথ বুঝিয়া লইতে সমর্থ হইতেন। তাই আজি তিনি স্বীয় কুটীরের এক নিম্নত প্রান্তে

বসিয়া আছ পাতিয়া দেই নিরাশ্রয়ের
আশ্রয়ের নিকট হৃদয়কবাট উন্মুক্ত করত
তাঁহার নিকট প্রার্থনা করিতে লাগিলেন—
যাহাতে তিনি নিজের কর্তব্য পরিষ্কার
রূপে বুঝিতে পারেন, একরূপ আলোক
তাঁহার নিকট প্রকাশ করুন। আর্ত
হৃদয়ের মরল প্রার্থনা কখন অপূর্ণ থাকে
না। তাঁহার সমস্ত সংশয় বিদূরিত
হইল; হৃদয়ে অতুল শান্তি বিরাজ
করিতে লাগিল। তাঁহার আশীর শ্রুত্ব
পর হইতে একদিনও তিনি এত স্থখ
পান নাই। তাঁহার হৃদয়ে আপনা
আপনি মহাত্মা দায়ুদের সপ্তবিংশ
সঙ্গীতের ভাব উচ্ছৃঙ্খলিত হইয়া উঠিতে
লাগিল,—“প্রভু পরমেশ্বর আমার
আলোক ও পরিজ্ঞান; আমার আর
কাহাকে ভয়? প্রভুই আমার জীবনের
বলশক্তি, আমার আর কাহাকে ভয়?”

তাঁহার জ্যেষ্ঠ পুত্র টমাসের বয়ঃক্রম
তখন একাদশ বৎসর মাত্র। তিনি
কাহাকে ডাকিয়ানিদের সমস্ত অভিজ্ঞা
খুলিয়া বলিলেন। ঐ তেজস্বী, মাতৃভক্ত
বালক উত্তর করিল,—

“মা, আমি লাঙ্গল চষিতে ও গাছ
বসাইতে পারিব। তা ছাড়া আমি
গমের বীজ বপন করিতে, কাঠ কাটিতে,
দ্রুত চাষিতে এবং আরও অনেক কাজ
করিতে পারিব।”

তাঁহার মাতা বলিলেন, “বাছা!
তোমার বয়স এখন অতি অল্প; তুমি
এত কাজ করিতে পারিবে না। তবে

আমি যদি তোমাকে সাহায্য করি, তাহা
হইলে তোমাদ্বারা এ সকল কাজ হইতে
পারিবে। পরমেশ্বর বিধবা ও পিতৃ-
হীনের কাছে থাকিয়া সাহায্য করিবেন,
আমি একরূপ আশা পাইয়াছি। আমার
এস্থান ছাড়িয়া বাইতে কোন মতেই মন
সরিতেছে না।”

টমাস তৎক্ষণাৎ বলিল, “তার দরকার
কি মা? আমারও ইচ্ছা এইখানে
থাকি; আমি যথার্থই খুব পরিশ্রম
করিব।”

মাতা—“খুব বেশি ষাটরা কাজ নাই,
কি জানি যদি আবার তোমাকেও হারাই
(এই কথা বলিতে বলিতে তাঁহার হৃদয়
উদ্বেলিত হইয়া উঠিল)। গমের ক্ষেতের
চারিদিকের বেড়াটা আমাদিগকে শেষ
করিতে হইবে। এ কাজও বড় কম
নয়। কিন্তু আমি বোধ হয় কাঠের
রেল চিরিয়া দিতে পারিব; তাহার
পর ছুই জনে বেড়া বাধিব।”

টমাস বলিল, “আমি বোধ হয় গোলা
বাধা শেষ করিতে পারিব।” তাঁহার
পিতা গোদূনক্ষেত্রের বেড়া কতকটা
দিয়া গিয়াছিলেন এবং একটি ছোট
গোলাপও প্রস্তুত করিতেছিলেন। তাহার
আর অম্মই থাকি ছিল।

মাতা পুত্রে পূর্বোক্তরূপ পরামর্শ
দ্বিত্ব হইল। মিসেস্ গারকিন্ড কৃষি-
ক্ষেত্রের যে অংশ বিক্রয় করিতে মনস্থ
করিয়াছিলেন, বয়ঃক্রমের চেষ্টায় তাহার
ক্ষেত্রও মিলিল। তুমি বিক্রয় করিয়া

যে অর্থ পাওয়া গেল, দেনা শোধ করিতে গিয়া তাহার আর একটি পায়সাও রহিল না।

ক্রমে ভূমিকর্ষণ ও বীজবপনের সময় আসিল। তখন মাতা পুত্রে দিবারাত্রি পরিশ্রম করিয়া গোধূম ও অন্যান্য শস্য, আলু ও নানা প্রকার শাক সবজির জন্য ভূমি প্রস্তুত করা, খেড়া দেওয়া, গোলা নিৰ্মাণ, বীজবপন প্রভৃতি কার্য্য করিতে লাগিলেন। একাদশবর্ষীয় বালক টমাস বিংশতিবর্ষীয় যুবাধুরের ন্যায় অকাতরে পরিশ্রম করিতে লাগিল।

কিন্তু বিধবার পরীক্ষার তখনও অবসান হয় নাই। ভাঙারে যে খাদ্য সঞ্চিত ছিল, তাহা ক্রমে কুরাইয়া আসিতেছিল। এ দিকে এমন অর্থ নাই যাহা দ্বারা খাদ্যস্ব্যা ক্রয় করা যাইতে পারে। মিসেস্ গারকিন্ড হিসাব করিয়া দেখিলেন যে, যে খাদ্য আছে তাহা শস্য সংগ্রহ করিবার সময়ের অনেক পূর্বে শেষ হইয়া যাইবে। সন্তানগণ আহারান্ধাবে ক্রন্দন করিবে—এ চিন্তা তাঁহার পক্ষে অসহ্য বোধ হইল। তিনি মনে মনে সংকল্প করিলেন স্বয়ং রাত্রিকালে অনাহারে থাকিবেন।

কিছু দিন এইরূপে কাটিয়া গেল। জগিণী বিধবা অনাহারে রজনী যাপন করিতে লাগিলেন। বডিও কৃষিকার্য্যে টমাসের সাহায্য করিবার জন্য তাঁহাকে গুরুতর পরিশ্রম করিতে হইতেছিল, তথাপি তিনি পুত্রকন্যাদিগের প্রাণ

রক্ষার নিবন্ধ অকাতরে এই ক্রেশ সহ্য করিতে লাগিলেন।

কয়েক সপ্তাহের পর স্নেহনয়ী মাতা দেখিলেন তাঁহার হিসাবে ভুল হইরাছে। তিনি দেখিলেন নিজে রাত্রিকালে অনাহারে থাকিলেও শস্য সংগ্রহের পূর্বে খাদ্যের ভাণ্ডার শেষ হইয়া যাইবে। তখন তিনি মনস্থ করিলেন অপরাহ্নেও অনাহারে থাকিবেন, কেবল প্রাতঃকালে একবার মাত্র আহার করিবেন*। এই সময় হইতে শস্য সংগ্রহের সময় পর্য্যন্ত তিনি প্রত্যহ একাতরে থাকিতেন। তাঁহার এই ক্রেশ স্বীকারের কথা পুত্রকন্যাগণের নিকট হইতে গোপনে রাখিবার জন্য তিনি বিশেষ সাবধানতা অবলম্বন করিয়াছিলেন। মিসেস্ গারকিন্ডের এই অসাধারণ সহিষ্ণুতাওণেই আজি গারকিন্ড পরিবারের নাম জগতের লোকে শুনিতে পাঠিতেছে। নতুবা বোধ হয় এই পরিবারের ইতিহাস বিস্মৃতিমাগরে চিরনিমগ্ন হইয়া যাইত।

ক্রমে অন্ধকার দূর হইল। দারিদ্র্য ও অভাবের মেঘ দূরীভূত করিয়া সুখস্বাধ্যা সমুদিত হইল। মিসেস্ গারকিন্ডের অসাধারণ আত্মনির্ভর, সহিষ্ণুতা ও মাতা পুত্রের অবিরত পরিশ্রমের ফল

* আমাদের দেশের লোকে প্রত্যহ সাধারণতঃ দুই বার আহার করেন। ইউরোপ প্রভৃতি স্থানে টিফিন বা জলযোগ নামে প্রাতি দিন তিন বার আহার করিবার প্রথা আছে।

ফলিল। তাঁহাদের ক্ষেত্রে অপরাধান্ত
শাস্তি উপস্থাপন হইল। সেই অবধি গারফিল্ড
পরিবারকে আর কখনও আহারাভাবে কষ্ট

পাইতে হয় নাই। মিসেস্ গারফিল্ডের
চরিত্রের মহত্ব পাঠিকাগণ একবার চিন্তা
করিয়া দেখিবেন কি?

ঘণ্টারামের কথকতা।

একটি পেয়লা।

ঘণ্টারাম ভট্টাচার্য্য শিষ্যবাচী হইতে
“বিদায়” ইহা প্রগ্রামাতিমুখে আসিতে
ছিলেন, পথিমধ্যে এক মাঠের ধারে তাঁহার
মুটে বলিয়া উঠিল “মহাশয়! আমি
আপনাকে একটা প্রশ্ন জিজ্ঞাসা করিব,
আপনি তাহার যথোচিত উত্তর দিতে
না পারিলে, আপনার দ্রব্যাদি মাঠে
ফেঁদিয়া আমি পলাইব।” অগত্যা মুটের
কথায় ঘণ্টারামকে উত্তর দিতে বাধ্য
হইতে হইয়াছিল। সেই একটাও মাঠের
কিয়দূর গমন করিয়া মুটে দেখিল,
একটা বৃহদাকার বটবৃক্ষের শাখায়
একটি ছোট পেয়লা ঝুলিতেছে, এবং
তাঁহার গায়ে এই কয়েকটি কথা ফোঁদা
আছে—“এই পেয়লার আশ্চর্য্য ইতিহাস
না শুনিয়া এতদূর পরিভ্রমণ করিও না।”
ভট্টাচার্য্য মহাশয়কে মুটে এই পেয়লার
ইতিহাসের কথা জিজ্ঞাসা করিল। সুতরাং
ঘণ্টারাম সেই বৃক্ষতলে বসিয়া তামাকু
টানিতে টানিতে ঐ পেয়লার অদ্ভুত
বিবরণ বিবৃত করিতে প্রবৃত্ত হইলেন।
বিবরণটি বিশেষ আমোদকর ও উপদেশ-
জনক বলিয়া পাঠিকাদিগের অবগতির

জন্য আমরা নিম্নে তাহার সারাংশ
সংক্ষেপে লিপিবদ্ধ করিলাম।

কোন গ্রামে এক জন জিতেন্দ্রিয়,
সত্যনিষ্ঠ, পরোপকারী এবং সুশিক্ষিত
ব্রাহ্মণসন্তান যুবা বয়সে সংসার পরিত্যাগ
করতঃ ব্রহ্মচারী বেশে তীর্থাদি দর্শন
করিয়া বেড়াইতেছিল। এই ব্রহ্মচারী
এক দিন মধ্যাহ্নকালে নিতান্ত ক্লান্ত
হইয়া একটি বৃক্ষের ছায়ায় উপবেশন
পূর্বক শ্রান্তি দূর করিতেছে, এমন সময়ে
কিঞ্চিদূরে এক মনোহর সৌধ দেখিতে
পাইয়া কোন পথিককে তাহার বিবরণ
জিজ্ঞাসা করিল। পথিক বলিল “ঠাকুর!
ঐ যে অট্টালিকা দেখিতেছ, উহার তুল্য
মনোহর অট্টালিকা পৃথিবীর আর
কোথাও নাই; সমস্ত পৃথিবী অহুসমান
করিয়া বাহা কিছু স্মরণ দ্রব্য সংগ্রহ
করা বাইতে পারে, ঐ গৃহে সে সমুদায়ই
আছে। আপনি উহা একবার দর্শন
করিয়া নয়নযুগলের সার্থকতা সম্পাদন
করিয়া আসুন।” পথিকের কথা শুনিয়া
ব্রহ্মচারী ঐ সৌধের নিকটে উপস্থিত
হইল। ঐ সৌধের চারিট দ্বার,

প্রত্যেক দ্বারে এক এক জন বলবান দ্বারবান দণ্ডায়মান রহিয়া দ্বার রক্ষা করিতেছে। ব্রহ্মচারী ঠাকুর উত্তর-দ্বারে উপস্থিত হইয়া দ্বারবানকে আপনার অভিপ্ৰায় অবগত করিলে, দ্বারবান বলিয়া উঠিল, “মহাশয়! আমার সমুখস্থ দড়টক পায়ে যে গো-মাংস দেখিতে পাইতেছেন, তাহা যদি আপনি আহাৰ করিতে পারেন, তাহা হইলে এই দ্বার দিয়া এই গৃহে প্রবেশ করিতে পারিবেন, নতুবা অন্যোপায় অবলম্বনে এই দ্বার দিয়া প্রবেশ করিবার অসম্ভবতা নাই।” গোমাংস আহাৰের কথা শুনিয়া ব্রহ্মচারী কর্ণে অঙ্গুলি প্রদান পূর্বক, বিষ্ণু নাম স্মরণ করিতে করিতে, তৎস্থান পরিত্যাগ করিয়া পূর্ব দ্বারে উপস্থিত হইল। পূর্বদ্বারের দ্বারবান আগন্তুক ব্রহ্মচারীকে দর্শন করিয়া বলিয়া উঠিল “মহাশয়, এই দ্বারে প্রবেশ করিবার পক্ষে নিয়ম এট সে, আমার পার্শ্বস্থ বালকটিকে বধ করিয়া তাহার পাক্কৃত সুবর্ণালঙ্কার গ্রহণ করিতে না পারিলে, এই দ্বার দিয়া এই গৃহে কেহ প্রবেশ করিতে পারেন না।” মরহত্যা এবং অপহরণ এই উক্ত্যবিরূপ পাপের কথা শুনিয়াই ঠাকুর জি তৎস্থান পরিত্যাগ করিলেন এবং ক্রমে অন্য দিক দিয়া পশ্চিম দ্বারে উপনীত হইলেন। তত্রত্য দ্বারবান বলিল, “ঠাকুর! এই দ্বার দিয়া প্রবেশ করিতে গেলে অগ্রে একটা কাজ করা চাই; আমার পার্শ্বস্থিত অসচ্ছরিতা বার-

বিলাসিনীকে বিবাহ করিতে হইবে।” ভিত্তিস্থ ব্রহ্মচারী বেশ্যাকে দর্শন করিযামাত্রই আতঙ্কে দেহ স্থান হইতে পলায়ন পূর্বক, অবশিষ্ট দক্ষিণদ্বারে গিয়া উপস্থিত হইলেন। এই দ্বারের দ্বারবানটি ঠাকুরকে দেখিয়া বলিল, “মহাশয়, এই দ্বারে প্রবেশ করিবার উপায়টি অতি সহজ; আমার নিকট একটি ক্ষুদ্রাকার পেয়ালা আছে, আপনি যদি ঐ ক্ষুদ্র পেয়ালাটি পূর্ণ করিয়া সুরা পান করিতে পারেন, তাহা হইলে এই দ্বার দিয়া আপনাকে প্রবেশ করিবার অধিকার দিতে পারি। ইহাতে বোধ হয় আপনার আপত্তি না থাকিতে পারে, যেহেতু একপ ক্ষুদ্রাকার পেয়ালা পরিপূর্ণ করিয়া মদ খাইলে কোন প্রকার অনিষ্ট হইবার সম্ভাবনা নাই।” ব্রহ্মচারী তাহাতে স্বীকৃত হইল না, সুতরাং সৌধটি তাহার দেখা হইল না। ব্রাহ্মণ-কুমার প্রত্যাগমন করিতে করিতে ভাবিতে লাগিল, গোমাংসভক্ষণ, বেশ্যাবিবাহ কিম্বা মরহত্যা এ সকল অতি গুরুতর পাপ, শাস্ত্রে ইহাদের প্রায়শ্চিত্ত নাই, কিন্তু এক আধ পেয়ালা সুরাপানে বোধ হয় বিশেষ কোন অপকার হইবার সম্ভাবনা দেখা যায় না। যদি আমি ঐ ক্ষুদ্র পেয়ালা পূর্ণ করিয়া মদ পান করি, তাহা হইলে বোধ হয় নিশ্চিন্ত মনে প্রায়শ্চিত্ত করিয়া পাপ হইতে পরিত্রাণ পাইতে পারিব এবং তাহা হইলে একপ মনোহর ও অদ্ভুত সৌধটি দেখিয়া

পরিতুষ্ট হইব। বিশেষতঃ সুরাপান
বেদের সময়ে ঋষিদিগের মধ্যেও
প্রচলিত ছিল, এবং এক আধটু
মদ খাইয়া বিশেষ কোন অনিষ্ট
হইয়াছে বলিয়া কোন বিবরণও
কিন নাই। আমরা প্রহি দিবসই স্নেহ
ভুল পান করিতেছি, এক আধটু লাল
জলে বিশেষ কি কোন অনিষ্ট হইতে
পারে? এইরূপ চিন্তা করিয়া, ব্রহ্মচারী
ঠাকুর দক্ষিণ দ্বারস্থ শত্রীর নিকট হইতে
পেয়ালা লইয়া সুরাপান করিল এবং
গৃহমধ্যে প্রবেশ করিয়া ঘরের শৌভ্য
সন্দর্শনে প্রবৃত্ত হইল। সেই সুশোভিত
এবং সুপ্রশস্ত অট্টালিকামধ্যে ঘুরিতে
ঘুরিতে ঠাকুরজির শরীর গরম হইয়া
উঠিল এবং নেশার সঞ্চার হইল; ক্রমে
সংসারবিরাগী, সুখভাগী, জিতেন্দ্রিয়
সাপুর মনে আমোদের প্রবৃত্তি জন্মিল,
এবং তিনি পুনরায় সুরাপান করিবার
জন্য দক্ষিণদ্বারস্থ দ্বারবানের নিকট
উপস্থিত হইলেন। কিন্তু দ্বারবান বলিল,
“একজন লোককে দুইবার মদ দিবার
নিয়ম নাই।” ঠাকুরের নিকটে পরমাণু
ছিল না, বৈরাগী কোথায় পরমাণু পাইবে?
অতরাং পূর্বদ্বারস্থ বালককে বধ করিয়া

তাহার গাত্রস্থিত স্তব্ধালঙ্কার গ্রহণপূর্বক
তাহাই বিক্রয় করিয়া তল্লব মুদ্রায়
সুরাপান করিতে প্রবৃত্ত হইল। ক্রমে
দুধার সঞ্চার হওয়ায় গোমাংস আহার
এবং অবশেষে অসতী বারবিলাসিনীকে
লইয়া গ্রহণ!! এইরূপে সমস্ত দিন
সমস্ত রাত্রি অতিবাহিত হইলে, প্রভাত-
কালে, ব্রহ্মচারী দেখিল এক পেয়ালা
মদের মহিমায় দুই ঘণ্টার মধ্যে অগতে
তাহার আর কোন পাণই বাকী রহিল
না। এক পেয়ালা মদের মহিমায়,
নরহত্যা, গোমাংসভক্ষণ, চরিত্রনাশ
এবং চৌর্য্যকার্য ইহাদের কিছুই বাকী
রহিল না। তখন কীদিকে কীদিকে সেই
ব্রাহ্মণকুমার এক গাছের ডালে একটা
পেয়ালা ঝুলাইয়া লিখিয়া দিল, “এক
আধটু মদ খাইলে কোন অনিষ্ট হয় না
বলিয়া ষাঁহাদের বিশ্বাস আছে, তাহারা
আমার সাধু জীবনের অসাধু ইতিহাস
একবার শ্রবণ করিয়া সতর্ক হউন।”

ঘণ্টারাম ঠাকুর তাহার মুটেতে গরুটি
সমুদয় বলিয়া দিলেন, তখন আহ্লাদে
মোট ভুলিয়া নাচিতে নাচিতে মুটেটি
ঠাকুরের পশ্চাদ্ভ্রমণ করিতে লাগিল।

ব্রহ্মচারিণী।

চতুর্থ পরিচ্ছেদ।

সুহৃদর শ্রীযুক্ত বাবু হরপ্রসাদ চৌধুরি সুহৃদরেষু।

সুহৃদরেষু,

এই তোমার পত্রখানি পাইলাম। আমি বাড়ী হইতে আজ সন্ধ্যাকাল আমাদের দেবগামের জমিদারী পরিদর্শন করিতে আসিয়াছি। এই জন্য তোমার মেহ-মাথা চিঠিখানি যথাসময়ে আমার হস্তগত হয় নাই। আমি আরো কিছুকাল এখানে থাকিব। তাঁর পরে বোধ হয় কলিকাতা হইয়া বাড়ী যাইব। তখন তোমার সঙ্গে সাক্ষাৎ হইলেও হইতে পারে।

ভাই, আমি এতদিন আমার জীবনের গুরুতর দায়িত্ব কিছুমাত্র উপলব্ধি করিতে পারি নাই। আজ কদিন প্রাণে কেমন এক নূতন ভাব ও নূতন উৎসাহের সঞ্চার হইয়াছে। আমি অতুল ধনের অধিকারী; স্বর্ণপৰ্য্যন্তে ভূমিষ্ঠ হইয়া অশেষ প্রকারের ভোগবিলাসিতার মধ্যে পরিবর্তিত হইয়াছি। এতদিন জানিতাম পিতার নাম ও গৌরব রক্ষা করা, এই ধনরাশি আরো শতগুণ বর্দ্ধিত করা, আপনায় ক্ষমতা ও প্রভাপে সমস্ত দেশকে কাঁপাইয়া তোলা—ইহাই আমার জীবনের প্রধান কর্তব্য। কিন্তু এখন ভাবিতেছি—এ ধন দ্বারা আপনার ভোগবিলাসিতা সাধন করা, কিম্বা আপনার নাম ও প্রভাপ

বৃদ্ধি করিবার আমার কি অধিকার আছে? এ ধন কি আমার? তুমি হাসিবে, আরো অনেকে এ কথা শুনিয়া হাসিবে। কেহ কেহ হয় ত এমনও বলিবে, ইংরাজি পড়িয়া ইহার মাথা ঘুরিয়া গিয়াছে। কিন্তু গম্ভীরভাবে এই প্রশ্নটার একটা মীমাংসা করিয়া দিতে পার? যাহারা আপনাদিগের প্রতিভা-বলে অতুল বিষয়ের অধিকারী হন, যাহারা আপনাদিগের ললাটবর্ধে শ্রুতিকা মিত্র করিয়া তত্ক্ষণে আপনাদিগের ঐশ্বর্যের ভিত্তি সংস্থাপন করে,—যাহারা আপনাদিগের রক্তবিন্দু বিনিময়ে একটা ছুইটি পয়সা ক্রয় করিয়া তাহার দ্বারা ক্রমে লক্ষপত্ৰ স্বর্ণ সিংহাসন লাভ করে, তাহারাও বা এক সময়ে বলিতে পারে—এ ধন আমার—আমার শরীরের রক্ত জমিয়া টাকা হইয়াছে—এখন আবার আমার শারীরিক সুখ সাধনাতেই ইহাকে মিশ্রণ করিতে পারি। কিন্তু আমি—আমি তো কখনও এই অতুল ধনের এক কণদ্বক লাভ করিতে এক বিন্দু রক্ত দান করি নাই, একটা দীর্ঘ নিশ্বাস ফেলি নাই, আমি কেমন করিয়া বলি,—এ ধন আমার, আমি ইহা যথেষ্ট ব্যয় বা অপব্যয় করিতে পারি?—আমি

যে আজ পিতৃমাতৃহীন হইয়াও পথের
ভিত্তারী হই নাই, সে কেবল ঈশ্বরের
রূপায়। আমি গরিবের বরে জন্মি নাই,
ইহা কি আমার নিজের ইচ্ছায়, না
নিজের গুণে? আমি যদি কোনও দীন-
হুঃখীর সম্মান হইতাম, তবে কি তাহাতে
আমি নীচ হইয়া বাইতাম? না ধনীর
সম্মান হইয়াছি বলিয়া তাহাতেই বড়
হইয়াছি? যে স্বয়ং ধন উপার্জন করে,
সে ধনের অহঙ্কার করিতে পারে, আমি
দৈবদত্তনায় ধনী হইয়াছি, আমি সে
অহঙ্কার করিতে পারি না। আমি কেবল
পারি এক কাজ করিতে,—যাহারা আমার
মত দৈবানুগ্রহে অল্পগৃহীত নহে, আমি
পারি তাহাদের হুঃখ মোচনার্থ দেবদত্ত
এই ধনরাশি নিয়োগ করিতে। আমি
এ ধনরাশির অধিকারী নহি। আমার
নিকট ইহা কেবল গচ্ছিত রহিয়াছে।
আমার কর্তব্য দেবতার ধন দেবকার্য্যে
নিয়োগ করা।

শুভক্ষণে আমি দেবগ্রামে আসিয়া-
ছিলাম। দেবতা তাঁহার কার্য্যালিঙ্গির
জন্যই বোধ হয় আমাকে হাতে ধরিয়া
এবার এখানে আনিয়া কেলিয়াছেন।*
আজ দুপ্রহরের সময় আমি গ্রামের
মধ্য দিয়া অধারোহণে বাইতেছিলাম।
সহসা পথিমধ্যে একখানি অতি জীর্ণ
কুটারের সম্মুখে আমার হই জন পাইক
আসিয়া আমাকে এই রমণীর আশ্চর্য্য
দামশীলতার কথা বলিল। আমার জীবনে
কখনও এরূপ নিঃস্বার্থ পরোপকারের

দৃষ্টান্ত দেখি নাই। তুমি বলিবে—
তোমার জীবন কতটুকু? কিন্তু আমার
পড়া শুনার ভিতরেও এমন উজ্জল দৃষ্টান্ত
কখনও পাই নাই। আপনার বালিকার
হাত হইতে সোণার বালা খুলিয়া একটি
অনাথকে এইরূপ ভাবে দান করা—এ
ছবি এ সংসারে রমণী-জীবনেও অতি
বিরল। ইহাদের এই উদারতা ও
হৃদয়ালুতা দেখিয়া আমি লজ্জায় মরিয়া
গেলাম। আমি আমার অনাথা প্রজাকে
বলপূর্ব্বক নিরাশ্রয় করিয়া অকূলে
ভাসাইতেছিলাম, আর একটা ক্ষুদ্র
বালিকা তাহাকে উদ্ধার করিবার
জন্য আপনার ক্ষুদ্র ধনেও আপনাকে
বঞ্চিত করিতেছিল,—এ চিন্তায় আমার
প্রাণে যে কি গভীর বাতনা হইতেছে,
তাহা তোমাকে আর কি লিখিব?—কিন্তু
ভগবানের রূপায় এই বাতনাতাই
আমার চক্ষু ফুটিয়াছে। আমি আমার
জীবন পথ বড় পরিষ্কাররূপে দেখিতে
পাইতেছি।

তুমি জান আমি আজ পর্য্যন্ত ইষ্ট-
মন্ত্র গ্রহণ করি নাই। ইষ্টমন্ত্র গ্রহণ
করিতে আমার বিশেষ আপত্তি। কিন্তু
এই কথা তোমাকে নিশ্চয় করিয়া বলিতে
পারি, যদি কখনও আমি ইষ্টমন্ত্র গ্রহণ
করি, তবে এই দেবতুল্যা রমণীকে
আমার ইষ্টদেবতার পদে বরণ করিব।

তোমার উপর কলিকাতার নিকটে
আমার জন্য যে বড় বাগান বাড়ী
নিশ্চায়ের ভার ছিল, তাহা এখন হৃগিত

রাখিবে। দেবতার ধনে আর আমার
নিজের বিলাসভবন রচিত হইতে পারে
না। এই পত্র পাইবার পর এই বিষয়ে
দেখিও যেন আর এক কপর্দকও ব্যয়িত
না হয়।

তোমার মঙ্গল জানাইবে।

প্রণয়াকাজক্ষী

শ্রীযোগীন্দ্র নাথ রায়।

পঞ্চম পরিচ্ছেদ।

ব্রহ্মময়ী হাবির মার বাড়ী হইতে
ফিরিয়া দেখিলেন তাঁহার ইষ্ট গুরুর
পদার্পণে তাঁহার গৃহ পবিত্র হইয়াছে।

ব্রহ্মময়ী বৈষ্ণবমতাবলম্বী, তাঁহার ইষ্ট
গুরু শ্রীধর গোস্বামী মহাশয় ঘোর
বৈষ্ণব। আজি কালি যে সকল শিক্ষিত
ও অশিক্ষিত লোক বৈষ্ণব নাম গ্রহণ
করিয়া ও বৈষ্ণব তত্ত্ব প্রচার করিয়া মহা
প্রভু চৈতন্য দেবের ধর্ম্মে কলঙ্ক আরোপ
করিতেছেন, বাহাদের হীন চরিত্র
দোষে বৈষ্ণব ধর্ম্ম ও বৈষ্ণব নাম সাধু
ও সচ্চরিত্র লোকদিগের ঘৃণার বস্তু
হইয়া উঠিয়াছে :—শ্রীধর গোস্বামী
মহাশয় সে শ্রেণীর বৈষ্ণব ছিলেন না।
তিনি রাধাও জানিতেন না, কৃষ্ণও
জানিতেন না; তিনি জানিতেন কেবল
এক চৈতন্য প্রভুকে। চৈতন্য
দেবের জীবন ও তাঁহার মহছুপদেশ
সমূহকে পূজারূপে আপনার

জীবনে পরিণত করাই শ্রীধর গোস্বামী
মহাশয় আপনার ধর্ম্মের একমাত্র সূত্র
ও আপনার জীবনের একমাত্র উদ্দেশ্য
বলিয়া মনে করিতেন।

গোস্বামী মহাশয়ের বয়ঃক্রম অল্পমান
সত্তর বৎসর হইবে এবং এই সুদীর্ঘ
জীবনে তিনি এক দিনের জন্যও
আপনার এই উচ্চ লক্ষ্য হইতে ভ্রষ্ট হন
নাই। আত্মার সঙ্গে শরীরের চির
বন্ধুতা। আত্মা স্তম্ভ থাকিলে শরীরের
কান্তি কখনও বিনষ্ট হয় না। গোস্বামী
মহাশয়েরও তাহাই হইয়াছিল। এই
বার্দ্ধক্যেও তাঁহার মুখে যৌবনমূলভ
কান্তি শোভা পাইত। এই বয়সেও
তিনি আপনার শরীর মনের বৃনভাব ও
শক্তিসামর্থ্য বিলক্ষণ রক্ষা করিয়া-
ছিলেন।

ব্রহ্মময়ী তাঁহার গুরুদেবকে নিরতিশয়
ভক্তিও শ্রদ্ধা করিতেন। তাঁহার বিশেষ
অনুরোধে শ্রীধর গোস্বামী প্রভুও
ব্রহ্মময়ীর গৃহে বৎসরান্তে আশিয়া কিছু
দিন বাস করিতেন।

ব্রহ্মময়ী গৃহে প্রবেশ করিয়াই গুরু-
দেবকে দেখিতে যাইয়া সরল আনন্দ ও
প্রগাঢ় ভক্তি সহকারে ভূমিষ্ঠ হইয়া
প্রণাম করিয়া তাঁহার অভ্যর্থনা
করিলেন। সবস্বতী গোঁসাই ঠাকুরের
পায়ে চিপ করিয়া একটা প্রণাম করিয়া
গৃহান্তরে অদৃশ্য হইল।

সজীব ফটোগ্রাফি ।

(পূর্ব প্রকাশিতর শেষ ।)

হ্রস্ব দৃষ্টি, দীর্ঘ দৃষ্টি ও চসমা ।

পাঠিকগণ ! আমাদের প্রবন্ধ ক্রমশঃই বাড়িয়া যাইতেছে, এখানে কেবল চক্ষু সম্বন্ধে আর একটা কথা বলিব। আগুনরা সকলেই অনেককে চসমা ব্যবহার করিতে দেখিয়াছেন—আজকাল দেখিতেছি আমাদের কোমল-প্ৰভাবা কীর্ণাদী ভগ্নীদের মধ্যেও কেহ কেহ বিশ্ববিদ্যালয়ের পরীক্ষার তাড়নার মতক্ৰমে বিলোড়ন ও অতিরিক্ত পরিশ্রমে শরীরের স্বাস্থ্য ভঙ্গ করিতেছেন, চিরদিনের মত চক্ষুর সর্বনাশ করিয়া উপাধিয়ারী সুন্দর নয়নকে চাকিত্তেছেন। এ স্থলে চসমার আবশ্যিকতা গণ্যে দুই চারি কথা বলিলে বোধ হয় অগ্রাসঙ্গিক হইবে না।

(কর্ণিয়া) স্বচ্ছাবরণের কেন্দ্র হইতে সমগ্র চক্ষুর মধ্যভাগ দিয়া রেটিনা পর্যন্ত এক কল্পিত রেখাকে চক্ষুর অক্ষরেখা (axis) কহে। অতঃপর কাহার কাহার এই অক্ষরেখা অধিক লম্বা হয় অর্থাৎ কর্ণিয়া হইতে রেটিনা কিঞ্চিৎ অধিক দূরে হয় ; অতঃপর চক্ষুর বক্রগামী রশ্মি-সমূহ রেটিনায় পৌঁছবার পূর্বেই মিলিত হয় অর্থাৎ তাহাদের অবিশ্রয়ণবিন্দু রেটিনায় না হইয়া তাহার সম্মুখে হয়। এই জন্য তাহারা কেবল খুব নিকটের

পদার্থ দেখিতে পান। ইহাকে হ্রস্ব দৃষ্টি (Short sight or myopia) কহে। আর এক কারণে হ্রস্ব দৃষ্টি হইয়া থাকে এবং এই কারণই সচরাচর ছাত্রদিগের মধ্যে অধিক দেখিতে পাওয়া যায়। ইহা চক্ষুর অসুচিৎ পরিণাম ; অল্পাধিক পাঠ এবং পুস্তকের ক্ষুদ্র ক্ষুদ্র অক্ষর চক্ষের খুব নিকটে ধরিয়া পাঠের অভ্যাস বলতঃ ক্রিপ্টালাইনের হ্রাসভার বৃদ্ধি হয়, অতঃপর এস্থলেও অবিশ্রয়ণবিন্দু রেটিনায় সম্মুখে হয়। এই হ্রস্ব দৃষ্টি প্রতীকারের জন্য এক প্রকার চসমা ব্যবহার করা হয়, তাহার কাঁচ কনকাকার (Concave)। এই জন্য ইহা দ্বারা অবিশ্রয়ণবিন্দুর দূরত্বের বৃদ্ধি হয়, অতঃপর তাহা ঠিক রেটিনার উপরে পড়ে।

আবার কাহারও কাহারও অক্ষরেখা ছোট অর্থাৎ রেটিনা ক্রিপ্টালাইনের খুব নিকটে ; অতঃপর তাহাদের চক্ষে অবিশ্রয়ণবিন্দু রেটিনাকে অতিক্রম করিয়া যায়। এই জন্য তাহারা দূরের জিনিস দেখিতে পান, নিকটের পদার্থ ভাল পান না। ইহাকে দীর্ঘ দৃষ্টি (long sight or Presbytism) কহে। বৃদ্ধকাল বলতঃ ক্রিপ্টালাইনের হ্রাসভার হ্রাস হওয়াতেও দীর্ঘ দৃষ্টি হইয়া থাকে।

এই কারণেই বুদ্ধিগকে এক প্রকার চন্দ্ৰমা ব্যবহার করিতে হয়, যাহার কাচ হ্রাস্কার (Convex) এবং যতই বাক্তিকা বুদ্ধি পায়, ততই ক্রিষ্টালাইনের হ্রাস্কার হ্রাস হয় অতঃপর চন্দ্ৰমার হ্রাস্কার মাত্রা বাড়াইতে হয়।

আমাদের প্রবন্ধের শেষ হইয়া আসিল; চক্ষুর গঠনে বিশ্বপ্রকৃতির সৃষ্টিকৌশল দেখিলাম। আর দেখিবার কত রহিল; যত দেখিব ততই স্তম্ভ হইয়া যাইব—অহঙ্কারী মস্তক কৃতজ্ঞতাকরে সর্কনিরন্তর চরণে লুটাইয়া পড়িবে। তাঁহার অসীম জ্ঞানের কণামাত্রের আভাস পাইয়া তাহাতেই ডুবিয়া যাইব। কিন্তু হায়! বলিতে লজ্জা হয়, ভ্রুংৎ হয়, যে উনবিংশ শতাব্দীর বিজ্ঞান-দার্শনিক গণ্ডিতগণ জ্ঞানগর্বে ক্ষীণ হইয়া অনন্ত জ্ঞানের উৎস বিশ্বপাতার সৃষ্টিকৌশলে ভ্রম অন্বেষণ করিয়া থাকেন। অনীশ্বর-বাদী দার্শনিক নাস্তিক দর্পভরে দুটি হইতে স্রষ্টাকে সরাইয়া দিতে চাহেন। লাস্ত নাহব! ক্ষুদ্র পরিমিত জ্ঞান লইয়া কি অহঙ্কার কর? তোমার

সাধ্য কি সর্বশক্তিমানের অনন্ত জ্ঞান-কৌশলের সমালোচনা কর? একটা বালুকাকণাতে যে ছুরবগায়া কৌশল নিহিত রহিয়াছে, যুগযুগান্তের চেষ্টায়ও তাহার সৰল জ্ঞানিতে পার কি?—পরিমিত জ্ঞানের অন্ত হইয়া যাইবে—সে অনন্ত জ্ঞান ধারণা করিতে পারিবে না। আপনার ক্ষুদ্র জ্ঞানের জাল বিস্তার করিয়া অনন্তকে আয়ত্ত করিতে গিয়া আপনিই তাহাতে জড়াইয়া ভূতলে পড়িবে। আমরা ক্ষুদ্র সীমার অন্তর্ভুক্ত জ্ঞানে ক্ষীণ হইয়া অনন্ত জ্ঞানময়কে ধনিত গিয়া অবিষ্কারে অন্ধকারে ডুবিতে চাই না, তর্কজাল বিস্তার করিয়া তাহাতে আপনাকেই জড়াইয়া ফেলিতে চাই না। তাই বলি—
“তর্ক ছাড়ি মূর্খ হয়ে সহজ দৃষ্টিতে
দেখি যবে, দেখি নিশ্চে দেব! প্রাণরূপে
বিরাজিত; প্রাণরূপী অন্তরে বাহিরে!
প্রাণরূপে বিরাজিত সবিতৃ-মণ্ডলে,
গ্রহচক্রে, বিশ্বধামে, জ্যোত্বে, ভুলোকে।
আমি মুঢ় ভয়ে তরু—”

লাপলগে স্বরস্বরপ্রথা ।

লাপলগের কোন ব্যক্তি যদি কন্যার পিতা মাতা বা অভিভাবকের সম্মতি না লইয়া তাকে বিবাহ করে, তাহা হইলে

রাজবিধি অনুসারে তাহার প্রাণদণ্ড হু। কন্যার অসম্মতিতে তাহার বিবাহ সিক হয় না। যখন

কোন যুবতীর প্রতি কোন যুবকের
অমুরাগ হয়, তখন তাহাদিগের পরস্পরের
বিবাহ হইবে কিনা, এই বিষয় মীমাংসা
করিবার জন্য একটি কৌতুকাবহ উপায়
অবলম্বিত হইয়া থাকে। বর ও কন্যার
সহিত তাহাদিগের বন্ধুবান্ধবগণ একটি
প্রশস্ত মাঠে আসিয়া উপস্থিত হন।
পরে কন্যা ও বরের দৌড় পরীক্ষা হয়।
যতটা পথ দৌড়িতে হইবে, তাহার তিন
ভাগের এক ভাগ ছাড়াইয়া কন্যা
দাঁড়াইয়া থাকে, পরে এক সময়ে তাহা-
দিগের দৌড় আরম্ভ হয়। নির্দিষ্ট
সীমার মধ্যে কন্যাকে ধরিতে হইবে,
ইহাতে কন্যা যদি ধরা না দেয়, বর
কখনও তাহাকে ধরিতে পারে না।
কন্যা অগ্রসর হইয়া সীমা ছাড়াইয়া
গেলে আর বরের তাহাকে পাইবার
আশা নাই এবং বিবাহের কথা তখন
রহিত হয়। তৎপরে বর পুনরায়
তাহাকে বিবাহ করিবার চেষ্টা করিলে
রাজদণ্ডে দণ্ডিত হইয়া থাকে। কিন্তু

সচরাচর বর যদি কন্যার মনোনীত হয়,
কন্যা প্রথমে বেগে দৌড়িয়া ত হার
অমুরাগ পরীক্ষা করিয়া থাকে, পরে
গতি মন্দ করিয়া চলে অথবা পথে কোন
বাধা পাইয়াছে, এইরূপ ভাব করিয়া
থমকিয়া দাঁড়ায় এবং নির্দিষ্ট সীমার
মধ্যে যুবকের হস্তে আপনাকে ধরা দেয়।
এইরূপে উচ্চার বিকছে লাগলেও
কাহারও বিবাহ সম্পন্ন হইতে পারে
না। এই দেশের লোক অত্যন্ত গরিব
হইলেও এইরূপ স্বয়ম্বর বিবাহপ্রথা
থাকাতে স্বামী স্ত্রী পরস্পরের প্রতি
সম্মতি এবং তাহাদিগের গৃহ চিরস্থির
আলয় হইয়া থাকে। যে সকল দেশে
বিবাহে স্ত্রীপুরুষের স্বাধীনতা নাই
এবং যেখানে বরকন্যাকে আপনাদিগের
উচ্চার বিকছে বাধা হইয়া বিবাহ-
শূন্যে বন্ধ হইতে হয়, দেখানকার
পারিবারিক অবস্থা যে শোচনীয় হইবে
তাহার আশ্চর্য কি ?

নূতন সংবাদ !

১। স্ত্রী বায় চীন দেশে পুলিশ
বিভাগে স্ত্রীলোক কর্মচারী নিয়োগের
নিয়ম আছে। স্ত্রী-কর্মচারীদিগের
অধিকাংশই বিধবা, ৩০।৩৫ বৎসর
বয়স্ক। তাহাদিগের সকলেই সচ্চরিত্রা
বলিয়া প্রসিদ্ধ।

২। ফরাসী দেশের একটি রমণী
১৮৪২ সাল হইতে অদ্য পর্যন্ত ওলাউঠা,
বসন্ত ও জ্বর প্রভৃতি পীড়াগ্রস্তদিগের
সেবা শুশ্রূষায় জীবন উৎসর্গ করিয়াছেন।
এরূপ রমণী-জীবনই ধনা।

৩। লর্ড ডফরিন আগামী ২০৪

অক্টোবর মাসলা পরিত্যাগ করিয়া পথে নামানাহান পরিভ্রমণ পূর্বক ১২ই ডিসেম্বর কলিকাতায় পৌঁছিবেন।

৪। গত ১২ই সেপ্টেম্বর কাশ্মীরের মহারাজ রণবীর সিংহের মৃত্যু হইয়াছে। তাঁহার জ্যেষ্ঠ পুত্র প্রতাপসিংহ এখন সিংহাসনের উত্তরাধিকারী। কিন্তু কাশ্মীরের ন্যায় স্থান্যর ভূভাগ বাহাতে ব্রিটিশ সাম্রাজ্য ভুক্ত হয়, সেইজন্য অনেক ইংরাজ সহযোগী ব্যস্ত।

৫। জলপাইগুড়ি ও বগুড়া অঞ্চলে সম্প্রতি ভূমিকম্প হইয়া গিয়াছে।

৬। তিনকড়ি পাল নামে কলিকাতার ১৯ বৎসরের এক যুবা এক রক্ষিত বেষ্যার কৃত্যপরাধে ফাঁসী গিয়াছে। ফাঁসী কাঠ আরোহণের পূর্বে সে সমাগত বয়স্যাগিকে অতি কাতরভাবে জ্বলন্ত করিয়া বলে “বহুগণ! হুয়া ও বেষ্যার হাত হইতে রক্ষা পাইবার জন্য সর্বদা সতর্ক থাকিও, ঐ ছই রাকসাই আমার এই অকাল মৃত্যুর কারণ।” কলিকাতার

যুবকদিগের চরিত্রশোধন ও কণ্ঠের অক্ষল হইতে বেষ্যালয় হানাস্তর করিবার জন্য এক্ষণে অনেক সদাশয় লোক চেষ্টা করিতেছেন দেখিয়া আমরা আশাবিত্ত হইতেছি। কলিকাতার পরিভ্রাতাবন্ধিনী নামে এক সজা স্থাপিত হইয়াছে। গবর্ণমেন্টে কঠোর ন্যায়ের অহুরোধে তিনকড়ীর প্রাণতিক্ষার কর্ণপাত করিলেন না, কিন্তু যুবকদিগের মৃত্যুর পথ কছ করিবার জন্য কি সহায়তা করিবেন না ?

৭। বাবু বজ্রদাস নামে এক পশ্চিমে বসিক পশু চিকিৎসালয় স্থাপনার্থ এক সভা করেন। সভাস্থলে ৫০ হাজারের অধিক টাকা দানী হইয়াছে। এতদ্বির বণিকেরা জিনিষ বিক্রয়ের বৃত্তি দ্বারা এ কার্যের নিয়মিত সাহায্য করিবেন।

৮। বিলাতে বাসিকদিগের রক্ষার্থ লার্লেমেন্টে যে আবেদন যায়, তাহাতে এত লোক স্বাক্ষর করেন যে স্বাক্ষরিত কাগজ দীর্ঘে ৩ মাল হইয়াছিল।

পুস্তকাদি প্রাপ্তি ও সমালোচনা।

১। বাবু অক্ষয়কুমার দত্তের জীবন বৃত্তান্ত—শ্রীমহেন্দ্রনাথ রায় কর্তৃক প্রণীত, মূল্য ৬০ আনা। পুস্তকখানি তিন শতাধিক পৃষ্ঠা পরিমিত ও অতি সুন্দর রূপে মুদ্রিত। বাঙ্গালা সাহিত্য মন্দিরে অক্ষয় বাবুর আগমন যে অতি উচ্চ এবং তিনি যে একজন বাঙ্গালা ভাষার প্রধান পরিপুষ্টিসাধক ইহা সকলকেই একবাক্যে

স্বীকার করিতে হইবে। ইনি ১২ বৎসরকাল অক্লান্ত পরিশ্রম করিয়া দেশের প্রভূত উপকার এবং আপনার অক্ষয় কীর্ত্তি স্থাপন করিয়াছেন। কিন্তু এই পরিশ্রমের ফলেই আজি প্রায় ৩০ বৎসরকাল উৎকট রোগাক্রান্ত হইয়া ইনি জীবদ্ভূত অবস্থায় রহিয়াছেন, এই ৩০ বৎসরকাল হুহ থাকিয়া কার্য

করিতে পারিলে ইহা দ্বারা দেশের কতই না কল্যাণ সাধিত হইত ! জীবনবৃত্তান্ত-খানি অনেক বহু পরিভ্রম ও অসুস্থকান করিয়া গিষিত হইয়াছে এবং ইহা যে স্বদেশাভিমানী ব্যক্তিত্বেরই আদরের বস্তু হইবে, তাহাতে সন্দেহ নাই। অক্ষয় বাবু নিতান্ত নিঃস্ব অবস্থা হইতে আপনার অসাধারণ অধ্যবসায়গুণে আপনাকে কিরূপে উন্নত করিয়াছেন, তাহার বৃত্তি কিরূপ সুভীক্ষ, অসুস্থকিৎসা কিরূপ প্রবল, চিন্তাশক্তি কিরূপ তেজস্বিনী, আত্মোন্নতি-বাসনা কিরূপ অটল ও অক্ষুণ্ণ, কর্তব্যনিষ্ঠা ও ন্যায়-পরতা কিরূপ আদর্শস্থানীয়, মাতৃভূমি ও মাতৃভাষার প্রতি প্রেম কিরূপ প্রগাঢ়, তাহা এই পুস্তক পাঠে সবিশেষ অবগত হওয়া যায়। অক্ষয় বাবু বঙ্গীয় সমাজের সর্বসাধারণ উন্নতিপ্রিয় সমাজের সংস্কার সাধনের জন্য কি করিয়াছেন, তাহা হস্তত অনেকের নিকট অজ্ঞাত, এই পুস্তক পাঠে তাহা অবগত হইয়া অনেকেই আশ্চর্য্য হইবেন। চরিত্রাণ্যায়ক নায়কের প্রতি অভ্যাসগাণ্ধিতঃ কোন কোন স্থানে তাহার গুণ ও কার্যের কিছু অতিবর্ণনা করিয়াছেন বলিয়া বোধ হয়, সেবিষয়ে একটু সতর্ক হইলেই ভাল হইত। বাহা হউক তিনি অক্ষয় বাবুর ন্যায় ব্যক্তির জীবনের চিত্র সাধারণের জ্ঞানভ করিয়া একটা মংৎ কার্য্য করিয়াছেন

ও সর্বসাধারণের কৃতজ্ঞতাভাজন হইয়া-ছেন। বঙ্গবাণী মাজেরই এই পুস্তক-খানি পাঠ করা কর্তব্য।

২। ভারতরহস্য প্রথমভাগ—শ্রীরামদাস সেন প্রণীত, মূল্য ১ টাকা। এ দেশের পুরাতত্ত্বানুসন্ধানীগণের মধ্যে রামদাস বাবু লক্ষ্যপ্রতিষ্ঠ। বর্তমান জন্মের পুস্তক-খানিতে হিন্দুদিগের যুদ্ধ ও বাণযজ্ঞ সম্বন্ধীয় অনেক রহস্য বর্ণিত হইয়াছে। ইহা সাহিত্য সংসারে সাদরে গৃহীত হইবার যোগ্য, বলা ব'হুলা।

৩। নবগীলা উপন্যাস—শ্রীদেবীপ্রসন্ন রায় চৌধুরী প্রণীত, মূল্য ১।০ আনা। দেবী বাবু অনেক উপন্যাস গ্রন্থ লিখিয়াছেন, তাহার উপন্যাসের বিশেষ প্রশংসার বিষয় এই যে সমাজের যে কুসংস্কার, দুর্নীতি ও দুর্দশা দর্শনে তাহার হৃদয় কাঁদিয়াছে, তাহার চিত্র প্রদর্শন করিয়া তৎপ্রতি সাধারণের বিরোগোৎপাদনের চেষ্টা করিয়াছেন। বর্তমান উপন্যাসে ইহার বিশেষ পরিচয় পাওয়া যায়।

৪। রাজপুর রিপণ পুস্তকালয়ের ৭ম ও ৮ম সাংবৎসরিক কাণ্ডবিবরণ—এই পুস্তকালয়ের ক্রমশঃ উন্নতি দর্শনে আমরা প্রীত হইলাম। ইহার অধীনে রাজপুর নৈশ বিদ্যালয় ও বালিকা বিদ্যালয়ের কার্য্য ও জন্মরূপ চলিতেছে।

বামাগণের রচনা।

ফুল। *

“ওরে প্রিয় ফুল তুলনাত নাই,
কি তুলনা দিব মিছা কি বর্ণিব
অতুলন তুমি বলেছে সুবাসী।”

হা সমাধা কোমল ফুল আমি বড় ভাল-
বাসি, আমিও কাছ ইহার বিকশিত সুন্দর
ভাব বড়ই ভাল লাগে। যখন ফুল গুলি
তাহাদের ক্ষুদ্ররূপে হাসিয়া হাসিয়া ছলিয়া
ছলিয়া খেলা করে, তাহা দেখিয়া হৃদয়
প্রফুল্লভাপূর্ণ হয়, প্রাণ যেন অপার্থিব
ভাবে ভরিয়া যায়। জগতে এমন কি
আছে বাহ্য ফুলের সহিত তুলনা হইতে
পারে? গৃহ উদ্যানে হসিত শিশুসুখ,
হৃদয়ে ধর্ম ভাব এবং কাননে প্রস্ফুটিত
কুসুমরাজি, এই তিনই এক, একই তিন।
যখন প্রীতঃশিশির-সিক্ত কুসুমগুলির
উপর সূর্য্যরশ্মি পতিত হয়, তখন তাহা
দেখিয়া ভাবি, জগদীশ্বর যদি এই লাবণ্য-
কণা মধুর কুসুম স্বজন না করিতেন, তবে
মহুখা নিজেই ছুখ বিস্মৃত হইত কি
দেখিয়া? কে তাহাদের হৃদয়ে শাস্তি-
কাহিনী ও স্নেহের দয়ার কথা স্মরণ
করাইয়া দিত।

ফুল দেখিলেই তাঁহার কথা মনে পড়ে,
তাঁহার অনন্ত প্রবাহিত মেহস্রোতে যেন
হৃদয় ভাসিয়া যায়। বিশ্ব সংসার ভুলিয়া
কেবল সেই দেব দেব মহা-দেবকে ধরিতে
চাহি। ফুল নিজের সুখের জন্য ফোটে
না, পরকে সুখী করিবার জন্য মধুর হাসি
হাসিয়া, প্রাণের পরিমল বাতাসে
বিসাওয়া থাকে। তাদের হৃদনের ক্ষুদ্র
জীবনও পরকে সুখী করিয়া শেষ হয়।
তাই ভাবি আমরা কেন এই সংসারে
আসিলাম? নিজকে ভুলিয়া গয়ের জন্য
ধাটিয়া ক্ষুদ্র প্রাণটা কেন পরসেবার
নিয়োজিত করিয়া সুখী হই না?

এই সুখহুঃখময় পৃথিবীতে এই দীর্ঘ
জীবনে কেবলই কি নিজের স্বার্থময়
সুখ ভাবিব? ফুলের মত পরকে সুখী
করিয়া চলিয়া যাইতে পারিব না?
পবিত্র পুষ্প দেবসেবার যোগ্য হইয়াও
হতভাগ্য নরজাতিকে সুখী করিতেছে।
নীচের নিশীথে যখন তারা খসিয়া পড়ে,
তখন আমাদের ফুলের কথা মনে পড়ে—
আবার যখন মাতৃকোণ খালি করিয়া
সুন্দর শিশু চলিয়া যায়, তখনও ফুলকেই
ভাবি। শিশুর হাস্য—তারকার দ্বিধা
জ্যোতি, ছুই প্রাণে করিয়া ফুল সকলে
ফোটে, বিকালে মরিয়া যায়, কিন্তু পর-
সেবা কখন ভোলে না। সকল দিন
অন্যের সুখ চাহিয়া প্রচণ্ড ঝেঁজে কখন
বা বরবার বারি পাতের ভিতর রহিয়াও
ফুটিয়া থাকে। ঐ ফুলের অলুকের
জীবন যদি আদর্শ করিয়া চলিতে পারি,
তবে এ কণ্টকিত সংসার পুষ্পোদ্যানে
পরিণত হয়। আমি যখন ভেট ছিলাম,
তখনও ফুলকে বড় ভাল বাসিতাম—
এখনও বাসি। আমি একক, সে যেন
আমার সহোদর সহোদর্য্য স্থানীয়—
আমি আর কিছুই চাহি না, ফুলের মত
পবিত্র জীবন লইয়া পরসেবার এই
অস্থায়ী জীবন উৎসর্গ করিয়া দিতে
পারি ইহাই আমার একমাত্র প্রার্থনা।
ফুল! তোমাকে যেমন ভালবাসি,
তেমনি যেম জগতের ভাই বোনকে ভাল
বাসিয়া মরিতে পারি, এই আশীর্বাদ
তুমি আমার জন্য পরম পিতার কাছে
ভিক্ষা করিয়া আমাকে দেও। আমি
সেই আশীর্বাদ মস্তকে লইয়া হৃদয়
প্রেমভলে সিক্ত করিয়া পর সেবার
ধাটিয়া মরিয়া যাই। শ্রীপ্রিয়ম্বদা দেবী।

* বালিকা সমিতিতে পঠিত।

বামাবোধিনী পত্রিকা।

THE
BAMABODHINI PATRIKA.

“कन्याधैवं पात्रनीया मिज्जणीयातिथनतः।”

কল্যাকে পালন করিবেক ও যত্নের সহিত শিক্ষা দিবেক।

২৫০
সংখ্যা

কার্তিক ১২৯২—নবেম্বর ১৮৮৫।

{ ৩য় কল্প।
২য় ভাগ।

সাময়িক প্রসঙ্গ।

স্ত্রী-ব্যবহার্য্য ঔষধালয়—কাউন্টেন ডকরিগের গুত চেষ্টার ফল ফলিতে আরম্ভ হইয়াছে দেখিয়া আমরা অত্যন্ত আশ্লাদিত হইতেছি। তাঁহার প্রতিষ্ঠা ও ফণ্ডে দিন দিন যেমন অধিক টাকা সংগৃহীত হইতেছে, তেমনি অন্য প্রকারেও তাঁহার উদ্দেশ্য সাধনের উপায় হইতেছে। আলোরায়ের মহারাজা নিম্ন রাজধানীতে কেবল স্ত্রীলোকদিগের নিমিত্ত একটি ঔষধালয় খুলিতেছেন, দেশীয় স্ত্রী-ডাক্তার পাইলে তাহারই হস্তে তাঁহার কার্য্যভার সমর্পণ করিবেন।

স্ত্রী-বোধ—এই নামে এক ধানি পত্রিকা প্রধানতঃ বোম্বাইয়ের হিন্দু ও পারসী রমণীদিগের সাহায্যে গুজরাটী ভাষায় প্রচারিত হইয়া থাকে, রাজ-

প্রতিনিধি ইহার সুখ্যাতি করিয়া তাঁহার প্রাইভেট সেক্রেটারী দ্বারা পত্রের অধ্যক্ষকে এক চিঠি লিখিয়াছেন এবং বোম্বাইয়ের স্ত্রীলোকদিগের যে উচ্চ শিক্ষা হইতে এই সুফল লাভ হইতেছে, তাহার সিদ্ধি কামনা করিয়াছেন। বঙ্গদেশের রমণীগণ রাজপ্রশংসা লাভ করুন না করুন, উন্নতি অংশে কোনক্রমেই ন্যূন নহেন।

বন্যাকণ্ড—বন্যাদ্বারা এই কয়েক জেলারই বিশেষ ক্ষতি হইয়াছে—মুর্সিদাবাদ, নদিয়া, ২৪ পরগণা, কটক, ছগলী, যশোহর, মেদিনীপুর, মালদহ ও ভাগলপুর। বন্যা-প্রাপীড়িত লোকদিগের সাহায্যার্থ লেপ্টেনেন্ট গবর্নর বাহাজুর কতকগুলি সম্ভ্রান্ত লোক লইয়া এক কমিটি

নিযুক্ত করিয়াছেন, তাহাতে ২০ হাজারের অধিক টাকা চাঁদা হইয়া ১৩ হাজার টাকা ভিন্ন ভিন্ন জেলার উপকারার্থে বিতরিত হইয়াছে। ইহা দ্বারা স্থানীয় অভাব সম্পূর্ণ নিরাকৃত হইতেছে না, এজন্য মধ্য বাঙ্গালা সমিজনী ও অন্যান্য সভা এবং কতকগুলি পত্রসম্পাদক শ্রমতর কণ্ড করিয়া বিশেষ বিশেষ স্থানে আত্ম-কূল্য প্রদানে অগ্রসর হইয়াছেন।

কটকে বাড়ি—পূজার এক সপ্তাহ পূর্বে কটকে মহাশয় হইয়া সমুদ্রের জলোচ্ছ্বাসে ৫০০ খানি গ্রাম এককালে বিনষ্ট হইয়াছে। অনুমান ৫ সহস্র লোক মরিয়াছে, গো মেষ ও অন্যান্য ইতর জন্তু কত মরিয়াছে সংখ্যা নাই। কয়েক খানি জাহাজও ভগ্ন হইয়াছে। কাপ্তেন ডগলাস নামে এক সাহেব স্বয়ং বাঁচিতে পারিতেন, কিন্তু স্ত্রীপুত্রদ্বিগকে উদ্ধার করিতে গিয়া সপরিবারে জলমগ্ন হইয়াছেন। উদ্ভিয়ার এই সর্বনাশের সময় ইহার প্রতি বিশেষ সাহায্য দান আবশ্যক।

রাজকীয় ব্যায়াম—চিন সম্রাট-পত্নী নীলবর্ণের পোশাক পরিয়া ব্যায়াম ও ঘুঁসি লড়াই শিক্ষা করিতেছেন, এটা বড় হৃদষ্টাস্ত। প্রাচীন কালে স্পার্টান রমণীগণ ব্যায়াম চর্চা করিয়া বীরপ্রসূ বলিয়া প্রসিদ্ধ ছিলেন। দুর্বল জাতিকে সবল করিতে হইলে বীর্যবতী মাতা সকলের নিঃসৃত প্রয়োজন।

পৃথিবীর ভারবুদ্ধি—কনীয় ডাক্তার ক্লিবার গণনা দ্বারা নির্ণয় করিয়াছেন পৃথিবীতে প্রতিঘণ্টায় ৬০ মণের অধিক ধূলা অন্যান্য গ্রহাদি হইতে পতিত হয়, ইহাতে ভূপৃষ্ঠের প্রত্যেক বর্গমাইলে সংবৎসরে অর্দ্ধ ছটাক পরিমাণ ভূমি বৃদ্ধি হয়। হাজার বা লক্ষ বৎসরে পৃথিবীর ভার কত বাড়িবার সম্ভাবনা। উক্ত পণ্ডিতের মতে এই ভার অন্য প্রকারে লাঘব না হইলে কালে পৃথিবীর মহা বিভ্রাটের সম্ভাবনা। আমাদের বিজ্ঞানবিৎ পণ্ডিত-গণ রাসেলারের জ্যোতির্বিদের ন্যায় জগৎ রক্ষার জন্য কত সময় কত বুখা ভাবনায় আকুল হন, জগৎ তথাপি স্থানিয়মে চলিতেছে। জগৎ-নিয়ন্তা মঙ্গলবিধাতা ঈশ্বরের উপর বিশ্বাস থাকিলে সকল দুশ্চিন্তা দূর হয়।

জাপানে স্ত্রীশিক্ষোন্নতি—জাপানের টোকিও নামক স্থানে রমণীগণ চিকিৎসাশিক্ষা ও ইংরাজী ভাষা শিক্ষা করিতেছেন, দুই বৎসর পরে তাঁহারা এম ডি পরীক্ষা দিতে পারিবেন।

স্ত্রী ব্যবসায়ী—রাধাবাই নামী এক ভক্ত হিন্দু বিধবা বোম্বাই নগরে একটা বই ও কাগজের দোকান খুলিয়াছেন। একপ কার্যের এই প্রথম দৃষ্টান্ত। আমরা সর্বাঙ্গতঃ করণে ইহার সিদ্ধিকামনা করি।

এত রোগ ও অকাল মৃত্যুর কারণ কি ?

দেশের দিন দিন উন্নতি হইতেছে। রেল, টেলিগ্রাফ, স্কুল, কলেজ, পাকা রাস্তার চারিদিক পুরিয়া যাইতেছে। তবে আর ভাবনা কি ? কিন্তু জিজ্ঞাসা করি এ সকল কার জন্য ? মানুষ বাচিলে ত তবে রেল চড়িবে, কলেজে পড়িবে, ও পাকা রাস্তার চলিবে বেড়াইবে। আগে শরীর কিসে বজায় থাকে, তাহার উপায় স্থির কর। এই দুর্বল কৰ্ত্তাগতপ্রাণ বাঙ্গালী জীবন আর কত দিন থাকিবে ? দেখিতেছ না কি যে বাঙ্গালীর অধিবাসিগণ দিন দিন নানাবিধ রোগের আগায় বাতিব্যস্ত হইয়া পড়িতেছে ? তবে আর দেশের উন্নতি কি হইল ? বাঙ্গালী কোন কালে সাহসী ও সমরপটু জাতি ছিল কি না সম্ভবতঃ কিন্তু তথাপি তাহার পূর্বে সবল সুস্থকায় ও দীর্ঘজীবী ছিল। কিন্তু এ কথা কি এখন বলিতে পারা যায় ? এখন তুমি কয় জন নীরোগী ও দীর্ঘজীবী লোক দেখিতে পাও ? বাহার মুখের দিকে চাই, তাহাকেই দেখি যে রোগের জ্বালায় মলিন ও শীর্ণ—যেমন তেমন করিয়া হটক দিন কত সংসারে কাটাইতে পারিলে হয়, যেন এই বই আর অন্য আশা ভরসা নাই। ইহা অতি দুঃখের কথা। বঙ্গদেশ উজ্জ্বল হইবার উপক্রম হইয়াছে তাহা আমরা

দেখিয়াও দেখিতেছি না। ম্যালেরিয়া ও লাউঠা প্রভৃতি ভয়ানক ভয়ানক রোগ দেশের মজ্জাভেদ করিতেছে, ও পূর্বে যে সকল স্থানের জলবায়ু অতি উৎকৃষ্ট ছিল, সে সকল স্থানকে পর্য্যন্ত রোগের আবাসস্থল করিয়া তুলিতেছে। ত্রিশ চল্লিশ বৎসরের মধ্যে এই ভয়ানক পরিবর্তন কেন ঘটিল একবার ভাবিয়া দেখা নিতান্ত আবশ্যিক। আমরা এই প্রবন্ধে ইহার কতকগুলি মূল মূল কারণ নির্দেশ করিব। সে গুলি জ্ঞাত হইয়া তদনুযায়ী আচরণে সচেত হইলে হয়ত পাঠিকাবর্গ আপনাদের ও পুত্র কন্যাদির শরীর রক্ষণে অনেকটা কৃতকাৰ্য্য হইয়া রোগের বয়্রাণ ও অকাল মৃত্যুর হস্ত হইতে নিষ্কৃতি লাভ করিতে পারিবেন।

সময়ে সময়ে দেশের জলবায়ু স্বভাবিতঃ একদা পরিবর্তিত হইতে পারে যে তাহার নানাবিধ ব্যাধি উৎপন্ন হইয়া লোকের অশেষ কষ্টের কারণ হইয়া উঠে। বঙ্গদেশে একদা কোন পরিবর্তন ঘটিয়াছে কিনা তাহা এস্থলে বিবেচনা করিবার প্রয়োজন নাই। অতএব বাহা বাহা অন্ততঃ কিয়ৎপরিমাণে আমাদের আপনাদের সাধ্যাধীন এমন কতকগুলি প্রধান প্রধান কারণ নির্দেশ করিয়া রাখা হইব। আমরা বলিয়াছি যে পূর্বে স্বাস্থ্য সম্বন্ধে বঙ্গের অবস্থা একদা শোচনীয়

ছিল না। সুতরাং সেকালের লোকেই বা সবল অস্থায়ী ও দীর্ঘায়ু ছিল কেন, আর আমরাই বা এরূপ ব্যাধিমন্দির কণ্ঠজ্বর দেখে লইয়া ভুগিতেছি কেন, ইহা দেখানই এই প্রবন্ধের প্রধান উদ্দেশ্য হইবে।

স্বাস্থ্য রক্ষণে যত্নশীল হইতে গেলে একটি কথা অস্বপ্ন মনে রাখা উচিত। মাহুষের প্রাণ অল্পমত। পুষ্টিকর ও পর্যাপ্ত পরিমাণ খাদ্য না পাইলে আমাদের শরীর অচিরে দুর্বল হইয়া পড়ে এবং দুর্বল দেহে সকল প্রকার রোগই সম্ভব। ইহাট বর্তমান সময়ের ব্যাধির আধিক্যের একটি প্রধান কারণ বলিয়া বোধ হয়। আমরা আর ভাল করিয়া খাইতে পাই না। জিনিষ পত্রের দর এত চড়িয়াছে, এবং পূর্ণাপেক্ষা সংসারের জালা এক্ষণে এত বাড়িয়াছে যে আহারের ভালরূপ বন্দোবস্ত করিবার ক্ষমতা আমাদের মধ্যে অনেকেরই নাই। অত্যা এমনি কথা বলিতেছিল যে আমরা আশপেটা খাইয়া ক্ষুধার জালায় প্রাণ হারাইতেছি। কিন্তু উদর পুরিলেই যে যথেষ্ট হইল তাহা নহে। স্বাস্থ্য রক্ষার্থ শরীর পোষণোপযোগী সামগ্রী আবশ্যক। এক্ষণে আহার সম্বন্ধে পূর্ণাপেক্ষা কিঞ্চিৎ বাবু-মান্য বাড়িয়াছে বাটে, কিন্তু সে বাবু-মান্য আমরা প্রাণে দাড়া যাইতেছি। সে কালের লোকে আম কাঁটালের সময়ে উদর পুরিয়া আম কাঁটাল খাইত,

সন্দেশ মিঠাই না হুউক নারিকেল মুড়ি দাল ছুগ্ধ মংস্য প্রভৃতি অতীব পুষ্টিকর খাদ্য সকল বার মাস বেশ খাইতে পাইত, সুতরাং তাহার স্বাস্থ্য ও সবল শরীরে মনের সুখে দিন যাপন করিতে পারিত। কিন্তু এক্ষণে সে দিন গিয়াছে। একেত সকল সামগ্রীই দুর্লভ হইয়াছে, তাহার উপরে আবার খরচ বাড়িয়াছে কত, ভাবিয়া দেখ। ভাল কাপড় চাই, চীনের দোকানের জুতা চাই, দাম দামীর মাছিনা চাই, সজ্জানগুলিকে ভাল করিয়া লেখা পড়া শিখান চাই। সুতরাং কিছুতেই খরচের কুলান হইয়া উঠে না। তাই বলিতে-ছিলাম যে এক্ষণে আমরা ভাল করিয়া খাইতে পাই না। কিন্তু শরীর তাহা নুখে কৈ? শরীর যদি বজার রাখিতে চাও, তাহা হইলে সব কাজ ছাড়িয়া আগে আহারের নিকে দৃষ্টি রাখ। অবশ্য রোগকে পরিতৃপ্ত করা আহারের উদ্দেশ্য নহে, কিন্তু বাহ্যতে স্বাস্থ্য ভঙ্গ না হয় আগে তাহার উপায় স্থির করা নিতান্ত বিপের।

নির্মূল জল স্বাস্থ্যরক্ষার আর একটি প্রধান সহকারী। পূর্বকার লোকেরা মাধারণের উপকারার্থ বড় বড় পুকুরি খনন একট অতি পুণ্য কর্য মনে করিত, কিন্তু এক্ষণে লোকের প্রবৃত্তি অন্যবিধ হওয়ায় উত্তম জলাশয় বড় দেখিতে পাওয়া যায় না। সুতরাং পুরাতন পুকুরিবার ক্রেনমণ্ডল অনেক স্থলের

একমাত্র ভরসা হইয়া দাঁড়াইয়াছে।
এরূপ জল পানে স্বাস্থ্য ভঙ্গ না হওয়াই
বিচিত্র। অপরিষ্কৃত জল পরিষ্কৃত
করিবার অনেকগুলি অতি সহজ উপায়
আছে। অনুসন্ধান করিলে পাণ্ডিত্যবর্ণ
তাহা জানিতে পারিবেন। প্রত্যেক গৃহে
সেই উপায় অবলম্বনীয়।

স্বাস্থ্য রক্ষার্থ বিশুদ্ধ জল ও পুষ্টিকর
খাদ্য যেমন প্রয়োজনীয়, নির্মূল বায়ু
তদপেক্ষা অধিক ত কম নহে। কিন্তু এ
সম্বন্ধে সকালে ও একালে বিশেষ গভেদ
না দেখায় অধিক কিছু বলিবার ইচ্ছা
নাহি।

যে সকল রোগের দ্বারা এক্ষণে
বঙ্গদেশ উচ্ছিন্ন হইতেছে, তাহাদের মধ্যে
বোধ হয় ম্যালেরিয়া জর সর্বপ্রধান।
অতএব ম্যালেরিয়ার কারণ কি অগ্রে
জানিয়া রাখা উচিত। বিচক্ষণ ব্যক্তিরা
স্থির করিয়াছেন যে ভাল রূপে জল
নিকাশ হইতে না পাওয়াই ম্যালেরিয়ার
প্রধান কারণ। জল বসিয়া মাটি শোঁতা
হইলে পরে তাহাতে সূর্য্যোস্তাপ লাগিয়া
একপ্রকার বাষ্প উদ্ভূত হয়। তাহাই
ম্যালেরিয়া। অতএব ম্যালেরিয়া নিবারণ
করিতে হইলে অগ্রে জল নির্গমের পথ
স্থির করিয়া রাখা উচিত। এক্ষণে
চারিদিকে রাস্তা ও রেলখোলায় ভালরূপ
অনেক স্থলের জল নির্গম হইতে পায় না।
সুতরাং সেই সকল স্থানে ম্যালেরিয়া
উৎপন্ন হইয়া চারিদিকে বিষ ছড়াইয়া
দিতেছে। এই মহানিষ্ট নিবারণের উপায়

স্থির করা আমাদের নিজের সাধ্যাধীন
নহে বটে, কিন্তু যাহাতে আমাদের আপন
আপন বাটা ও গ্রাম বেশ শুক থাকে,
ও কোন স্থানেও একটু জল বসিতে না
পায়, এ বিষয়ে একটু অধিক সাবধান
হইলে বোধ হয় অনেকটা উপকার
দর্শিতে পারে।

ওলাউঠার বিশেষ কোন কারণ প্রদর্শন
করিতে পারা যায় না। তবে এই মাত্র
বলিতে পারা যায় যে পুষ্টিকর খাদ্য এবং
নির্মূল জল ও বায়ুর অভাব ব্যতীত
ইহার অন্য কারণ নাই। এই বিষয়-
গুলিতে সাবধান হইলে সকল রোগেরই
হস্ত হইতে পরিত্রাণ পাওয়া যায়।
ওলাউঠার এই এক ভয়ানক দোষ যে
কোন স্থানে একটা লোক এই রোগে
আক্রান্ত হইলে সকলেরই ইহা হইবার
খুব সম্ভাবনা থাকে। ওলাউঠা রোগীর
ভেদ বন্ধনে এই রোগের বীজ নিহিত
থাকে। সেই বীজ এমন ভয়ানক যে
অণুমাত্র শরীরস্থ হইলে আর রক্ষা নাই।
সুতরাং যাহাদিগকে রোগীর সেবা
করিতে হয়, তাহারা ব্যতীত অপর
ব্যক্তির অস্পৃশ্য সেখানে থাকা উচিত
নহে। রোগীর বস্ত্রাদি পুঙ্করিণীতে
দৌত করার মত অনায়াস কার্যা আর
নাই; কারণ তাহাতে পুঙ্করিণীর জল
বিষমিশ্রিত হইয়া আর পাঁচ জনের
রোগ জন্মাইয়া দেয়।

একে ভাল রূপ আহার হয় না, ভাল
জল পান করিতে পাওয়া যায় না, তাহার

উপরে আবার আচার ব্যবহার প্রভৃতিতে এক্ষণে পূর্বাশ্রয়। বিস্তর প্রভেদ দৃষ্টিগোচর। আমরা সেকালের লোককে অসভ্য বলিয়া ঘৃণা করি। হউক তাহারা অসভ্য; শরীর ক্রিয়াকে বজায় রাখিতে হয়, আমাদের অপেক্ষা তাহারা বেশ জানিত। যদি শরীর না বহিল, তবে সভ্যতা লইয়া কি করির? নিম্নে ইহার কতকগুলি উদাহরণ দিব।

স্বাস্থ্যরক্ষার্থ ব্যায়াম নিত্য প্রয়োজনীয়। শরীরস্থ অঙ্গ প্রত্যঙ্গ সকলের ভালরূপ চালনা হইতে না পারিলে শরীর কখনই সুস্থ থাকে না। কিন্তু এক্ষণে ব্যায়াম এক প্রকার উঠিয়া গিয়াছে বলিলেই হয়। সেকালের বালক ও যুবকেরা লেখা পড়া যত করুক না করুক, ব্যায়াম চর্চা করিতে কখন শিষ্ট হইত না। সেকালের স্ত্রী-লোকেরাও এখনকার অপেক্ষা অধিক কঠিনা থাকায় তাহাদের অঙ্গ প্রত্যঙ্গের বেশ চালনা হইত। কিন্তু এক্ষণে কি পুরুষ কি স্ত্রী কাহারই ভাল করিয়া অঙ্গ প্রত্যঙ্গের চালনা হয় না। স্বাস্থ্যরক্ষার্থ যাহা বিশেষ প্রয়োজনীয়, তাহাই আমরা অবহেলা করিতেছি। আমাদের শরীর থাকিবে কেমন করিয়া? এক্ষণে বহু-মুত্র রোগটি বড় প্রবল হইয়াছে। জানা উচিত যে ব্যায়ামের অভাবই ইহার মূখ্য প্রধান কারণ।

আর একটি ভয়ানক রোগে এক্ষণে অনেকের আশ্রয় হইতেছে। সকলেই

বলেন যে বর্তমান সময়ে বঙ্গদেশে বঙ্গা-রোগ যত প্রবল, পূর্বে এত ছিল না। হুয়া পান প্রভৃতি অভ্যাসের ইহার প্রধান কারণ বটে, কিন্তু তাহা ছাড়া ইহার একটি অতি সামান্য কারণ আছে। আমরা সাহেবদের অনুকরণ করিতে গিয়া তৈল ব্যবহারের একান্ত বিধেয়ী হইয়াছি, কিন্তু একথাটি অনুক্ষণ স্মরণ রাখা উচিত যে বঙ্গা প্রভৃতি বঙ্গ-যন্ত্রের পীড়ার পক্ষে তৈল মর্দনের ন্যায় উপকারী আর কিছুই নাই। অবশ্য যিনি প্রাণপণ করিয়াও সাহেবের অনু-করণ করিবেন, তাঁহাকে কোন কথা বলিবার নাই।

অনুকরণের কথা আর একটি কথা মনে পড়িল। তাহা চর্চণ আমাদের দেশের একটি পুরাতন রীতি, কিন্তু এক্ষণে কেহ কেহ ইহারও বিধেয়ী। বোধ হয় তাহারা ইহার উপকারিতা জ্ঞাত নহেন। এতদ্বারা দাঁত শক্ত হয়, মুখের তুর্গন্ধ নাশ হয়, এবং পরিপাক ক্রিয়ার বিস্তর সাহায্য হয়। কিন্তু পান ও জলপানির ছিড়ু উদরস্থ করা বিধেয় নহে।

পরিষ্কার পরিচ্ছন্নতার অভাব স্বাস্থ্য ভঙ্গের একটি প্রধান কারণ। নানা কারণ বশতঃ এক্ষণে আমাদের পূর্বা-পেক্ষা অধিক পরিচ্ছন্ন ব্যবহার করিতে হয়, অথচ সঙ্গতি ও প্রবৃত্তি অভাবে পরিচ্ছন্ন গুলি রীতিমত ধোত করা হয় না। সুলের ছাড়া ও আকিণের কেরণীর

ক্রেমময় বস্ত্র হইতে গ্রীষ্মকালে যে দুর্গন্ধ বহির্গত হয়, তাহাই তাহার অস্বাস্থ্য-কারিতার জাজ্বল্যমান প্রমাণ। এত কারণ সত্ত্বে একালে রোগ বাড়িবে না ত কি হইবে?

এস্থলে আর একটি কথা বলা উচিত বোধ হইতেছে। ইংরাজ শাসনে আমাদের দেশে যে সকল পরিবর্তন ঘটিয়াছে, তন্মধ্যে দশটা হইতে পাঁচটা পর্য্যন্ত কন্দ করিবার রীতি একটি সামান্য পরিবর্তন নহে। আমাদের বোধ হয় এতদ্বারাও দেশের স্বাস্থ্যের বড় অল্প অপকার হইতেছে না। গ্রীষ্মপ্রধান দেশের পক্ষে এ রীতি কোন ক্রমেই উপযুক্ত নহে। কি স্থলের ছাত্র, কি কেরানী, কি বাবসাদার, নয়টা বাজিলে আর কেহ স্থির নহে। নাকে মুখে এক মুটা জাত গুঁজিয়া বাহির হওয়া চাই। সে কালের লোকের এ হাঙ্গাম ছিল না। তাহারা সকাল বিকাল ঠাণ্ডার সময়ে কাজ করিত, ও মধ্যাহ্নে ধীরে ও সুস্থভাবে আহাৰাদি সম্পন্ন করিয়া কিছুক্ষণের জন্য নিদ্রা যাইত। ইহার ফলস্বরূপ তাহারা নীরোগী ও দীর্ঘজীবী ছিল।

দেশের এই শোচনীয় অবস্থায় আমরা যদি আপনারা সাবধান হই, তাহা হইলেও অনেকটা মঙ্গল হইতে পারে। কিন্তু সাবধান হওয়া দূরে থাকুক, আমরা অত্যাচারের চূড়ান্ত করিতেছি। এ বিষয় ভাবিলে গার রক্ত শুকাইয়া যায়। একবার ভাবিয়া দেখ দেখি সুরাপানরূপ

মহাপাপে দেশের কি অমঙ্গল না হইতেছে। সৌভাগ্যবশতঃ বঙ্গীয় রমণীগণের চরিত্র এই কলঙ্কে স্পৃষ্ট হয় নাই, এবং ভরসা করি কখন হইবেও না। অতি অল্প দিন পূর্বে বাঙ্গালায় ইতর লোকেরাও সুরা স্পর্শ করিত না; কিন্তু আমাদের দম্ভাবান্ গবর্ণমেন্ট তাহা-দিগকেও সুরা রাফসীর উদরস্থ করিবার উপায় করিয়া দিয়াছেন। ইহা উন্নতি ও সভ্যতার চিহ্ন বটে। যত কিছু সাংঘাতিক রোগ আছে, সুরা পানে সকলই সম্ভব। যথা, বহুমূত্র, উদরি, উন্মত্ততা, যকৃতের পীড়া, ইহারা সুরা রাফসীর প্রধান অঙ্গুর। যে জাতি পূর্বে সুরাস্পর্শ করিত না, তাহাদের মধ্যে যদি প্রতি গৃহে মদ্যপায়ী দেখিতে পাওয়া যায়, তাহা হইলে তাহাদের স্বাস্থ্যভঙ্গ হইবে না ত কি হইবে?

এত কারণ সত্ত্বে বাঙ্গালার স্বাস্থ্য অব্যাহত থাকিবে কেমন করিয়া? আমাদের ইচ্ছায় হউক, অনিচ্ছায় হউক, স্বাস্থ্য রক্ষার নিয়ম সকল প্রতিপদে ভঙ্গ হইতেছে। কতকগুলি কারণ আমাদের নিজের চেষ্টায় নিবারিত হওয়া অতি দুরূহ; আর কতকগুলি আমরা আপনারা কৃত-সম্বল হইলেই নিবারিত হইতে পারে। সেইগুলির প্রতি পাঠিকাভর্গের দৃষ্টি আকর্ষণ করিবার অভিলাষে এই প্রবন্ধটি লিখিত হইল। ভরসা করি এতদ্বারা কিঞ্চিৎ উপকার হইবে।

স্বামীর অনবধানতা।

সমাজসংস্কার এমন অনেক লোক দেখা যায়, যাঁহারা জাতীয় উন্নতির জন্য যত আঁগ্রহ প্রকাশ করেন, তত জাতীয় উন্নতি সাধনে তত মনোযোগী নন। জাতীয় উন্নতির শিক্ষা সমাজের উন্নতির এক অতি উৎকৃষ্ট উপাদান এই বিষয়টা জনসাধারণের অন্তঃকরণে মুদ্রিত করিয়া দিবার জন্য যাঁহারা সমাজে, দেশে, বিদেশে উচ্চৈঃস্বরে বক্তৃতা করিয়া থাকেন, তাঁহাদের মধ্যেও অনেকে স্বীয় স্বীয় পক্ষের মানসিক ও আধ্যাত্মিক উন্নতির জন্য অল্পমাত্র প্রয়াস পাইয়া থাকেন। তাঁহাদিগের পট্টাবধিগের আচার ব্যবহার, কপর্বাভা অশিক্ষিতা জাতীয় উন্নতির হইতে বড় বিভিন্ন নহে। অল্প জাতীয় উন্নতির ন্যায় তাঁহাদিগের মন কুসংস্কারে আচ্ছন্ন এবং অবোধ ও মূর্খ জাতীয় উন্নতির ন্যায় তাঁহারাও ক্রোধ, গর্ভ, দীর্ঘা প্রভৃতি রিপূর বশীভূত হন। তাঁহাদিগের এই শোচনীয় অবস্থা তাঁহাদিগের শিক্ষিত উন্নত স্বামীদিগের অনবধানতার ফলস্বরূপ। স্বামী সুশিক্ষিত এবং বিদ্বান হইলেই যে তাঁহারা স্ত্রী নিশ্চয়ই সুশিক্ষিতা ও বিদ্যাবতী হইবেন, ইহার কোন অর্থ নাই। তাঁহারা জাতীয় কি অবস্থা হইবে তাহা একবারও ভাবেন না, কিসে নিজের উন্নতি হয়, কিরূপে সমাজে প্রতিপন্ন

হইতে পারেন, সদাসর্বদা এই চিন্তাই করিয়া থাকেন। জাতীয় কিরূপে উন্নতি হইবে ইহা চিন্তা করা এবং ইহার জন্য প্রয়াস পাওয়া যেন তাঁহাদের কর্তব্য শ্রেণীর অন্তর্ভুক্ত নহে। ইহার জন্য কি তাঁহারা দোষী নহেন? এই অবহেলার জন্য কি তাঁহারা দৈবের নিকট দায়ী হইবেন না? অবশ্য হইবেন। যে দিবস হইতে আমরা কোন সমীর সহিত পরিগণন্য বড় হইলাম, সে দিবস হইতেই তাঁহার মানসিক উন্নতির ভার আমাদের হস্তে পতিত হইল। শিক্ষানোকে তাঁহার মনের অন্ধতমস এবং কুসংস্কার দূর করা আমাদের কর্তব্য কক্ষের প্রধান অঙ্গ। অনেকে মনে করেন যে জাতীয় উন্নতি তাঁহারা নিজের উন্নতি করিবেন, আমি আমার নিজের উন্নতি করি—ইহা তাঁহাদিগের অত্যন্ত ভ্রম। তাঁহারা মনে করেন যে কতকগুলি উপন্যাস বা নীতিগর্ভ পুস্তক পাঠ করিতে দিলেই তাঁহাদিগের উন্নতির জন্য অনেক চেষ্টা করা হইল। উপন্যাসাদি সুন্দররূপে নির্বাচিত না হইলে উপকারের পরিবর্তে অপকার করে। নীতিগর্ভ পুস্তক অধ্যয়ন করিলে মনের উন্নতি হয় ইহা সত্য। কিন্তু একজন সুশিক্ষিত সচ্ছত্রিত ব্যক্তির জীবন্ত উপদেশ মনের উপর যে রূপ কার্য করে, পুস্তক পাঠ

করিলে সেরূপ হয় না। ভাবপূর্ণ কণ্ঠ
স্বর মনে যে রূপ ভাব উৎপন্ন করিতে
পারে, পুস্তকের কথায় তেমন পারে না।
এক দিকে যেমন স্বামীর স্ত্রীর জন্য চেষ্টা
করা উচিত, অন্য দিকে স্ত্রীরও তাঁহার
নিজের উন্নতির জন্য সচেষ্ট হওয়া
আবশ্যিক, কেবল স্বামীর উপর
নির্ভর করিয়া থাকা বিধেয় নহে।
তাঁহার আগ্রহের সহিত স্বামীর নিকট
আধ্যাত্মিক বিষয়ে প্রশ্ন করা উচিত।
স্বামীর স্ত্রীর গুণগুলি নিজে শিক্ষা করা
উচিত এবং তাঁহার প্রত্যেক কার্যে
আনন্দের সহিত যোগ দেওয়া উচিত।
নিজের আন্তরিক চেষ্টা না থাকিলে
কোন বিষয়ে কৃতকার্য হইবার সম্ভাবনা
নাই। স্বামী যখন ধর্ম সম্বন্ধে শিক্ষা
মানসিক উন্নতি সম্বন্ধে কথা তুলিবেন,
তখনই সেই বিষয়ে আলোচনা করিব,
তিনি গৃহের বাহির হইলে আর সে সব
বিষয়ে কথা নয়, চিন্তা নয়, প্রতিদিন ৫
মিনিট কাল ধর্ম চিন্তা করিলেই অনেক
করা হইল, এইরূপ বাঁহারা ভাবিয়া
থাকেন, তাঁহারা যে কখন ধর্ম পথে এবং
উন্নতি পথে অধিক দূর উন্নতিতে পারিবেন
তাঁহার সম্ভাবনা অল্প। প্রতিদিন অন্ততঃ
এক ঘণ্টা কাল স্বামীর সহিত মানসিক
ও আধ্যাত্মিক বিষয়ে আলোচনা করা
অত্যন্ত আবশ্যিক। তৎপরে নিজে নিজে
সেই বিষয়ে চিন্তা করা অত্যন্ত প্রয়োজন।

এরূপ না করিলে স্ত্রীর স্থায়ী উন্নতির
আশা করা যায় না। বাঁহারা এইরূপ
করিবেন, তাঁহারা অল্প দিনের মধ্যেই
দেখিবেন যে তাঁহারা উন্নতি পথে কতদূর
অগ্রসর হইয়াছেন। এইরূপে চলিলে
পরস্পরের উন্নত ও পবিত্র ভাব এবং
গুণ সমূহ পরস্পরের হৃদয়ে প্রবেশ করিয়া
উভয়ের মনের অক্ষুট গুণ ও ভাব
সকলকে বিকশিত করে এবং মনকে
উন্নতি সোপানে উত্তীর্ণ করিয়া দেয়।

আধ্যাত্মিক বিষয়ের আলোচনা করিবার
স্বীকৃতি উৎকৃষ্ট সঙ্গিনী। প্রাচীন কালেব
ধর্মগুরু ইহার উপকারিতা বিলক্ষণ
হৃদয়ঙ্গম করিয়াছিলেন। বেদ, পুরাণ,
উপনিষদে ইহার ভূমি ভূমি প্রমাণ
পাওয়া যায়। স্ত্রীর উন্নতি সাধন
করিতে পারিলে আমাদিগের সম্ভাবন
সম্ভাবিতদিগের চরিত্র সংগঠন বিষয়ে
অনেক সাহায্য করা হইল। শৈশবকাল
হইতে উত্তম শিক্ষা পাইলে মনুষ্যের
সমস্ত জীবন পবিত্র এবং সুখময়
হয়। অতএব প্রত্যেক স্ত্রীর অতি বড়
সহকারে স্বীয় উন্নতির জন্য চেষ্টা করা
উচিত এবং প্রত্যেক স্বামীরও অতি
যত্নের সহিত স্বীয় স্ত্রীকে শিক্ষা দেওয়া
উচিত। বাঁহারা কর্তব্যনিষ্ঠ হইয়া স্ব স্ব
স্ত্রীকে এইরূপ শিক্ষা প্রদানে বদ্ধবান
হইবেন, তাঁহারা ই সমাজের প্রকৃত এবং
স্থায়ী উপকার সাধনে সমর্থ হইবেন।

বারিবিন্দু।

কোন সুপ্রসিদ্ধ পারস্য গ্রন্থের অনুবাদ পাঠ করিতে করিতে একটি সুন্দর উপাখ্যানের অবতারণা দেখিলাম। মহা-সাগরের বিশাল বক্ষদেশে তরঙ্গায়িত হইতে হইতে কোথাও জলরাশিকে ক্ষুদ্র ক্ষুদ্র শৈলের ন্যায় উচ্চ করিয়া তুলিতেছে, কোথাও বা ঘাত প্রতিঘাতে ঘূর্ণিত এবং কল্লোলিত হইয়া প্রভূত পরিমাণে ফেণ-রাশি সমুদ্রপূরণ করিতেছে। এই ফেণ-রাশির উপরে ঘটনাক্রমে এক বিন্দু বারি আসিয়া আটকাইয়া পড়িল। সুবিশাল সাগর বক্ষের উজ্জ্বল তরঙ্গরাশি দর্শন করিয়া বারিবিন্দুটি মনে মনে ভাবিতে লাগিল “এই বিশাল হইতে বিশালতর মহা সাগরের সুপ্রশস্ত আকারের তুলনায় আমি ক্ষুদ্রতম হইতেও ক্ষুদ্রতর বলিয়া প্রতীয়মান হইতেছি। এই অনন্ত তরঙ্গ রাশির ঐকজালিক শক্তির সহিত আমার ক্ষুদ্রাদপি ক্ষুদ্র শক্তির তুলনা করিলে আমার অস্তিত্ব বিষয়ে বিস্মৃতি আসিয়া উপস্থিত হয় এবং আমার দ্বারা অগতির কোন প্রকারে যে অণুমাত্রও উপকার সাধিত হইতে পারে, তাহা কোন মতেই বিশ্বাস করিতে পারি না। হায়! আমার আর বাঁচিয়া কল কি? এরূপ পরহাণুবৎ ক্ষুদ্র শরীর ধারণ করিয়া জীবিত থাকা অপেক্ষা প্রাণত্যাগ করাই আমার পক্ষে সর্বতোভাবে শ্রেয়ঃ।”

বারিবিন্দুটি মনে মনে এইরূপ আক্ষেপ করিতেছে, এমন সময়ে একটি ত্বণিত বৃহদাকার গুপ্তি আসিয়া মুখ বাদান পূর্বক তাহাকে উদরসাৎ করিল। ক্রমে ক্রমে তরঙ্গের সহিত ভাসিতে ভাসিতে সেই ক্ষুদ্রপ্রাণ গুপ্তি সিংহলোপকূলে আসিয়া উত্তীর্ণ হইল এবং কিছুদিন পরে গুপ্তি ব্যবসায়ী কোন ধীর কর্তৃক দৃত হইয়া হত হইল। গুপ্তি-ব্যবসায়ী দেখিল, গুপ্তির উদর মধ্যে একটি প্রোজ্জল ও অতি সুন্দর যুক্তা রহিয়াছে; কালক্রমে সেই যুক্তা বহু-মূল্যে বিক্রীত হইয়া পারস্য বাদসাহের মহার্ষি জুবর্ণ কিরীটের মধ্যদেশে শোভা পাইতে লাগিল। তখন সেই বারিবিন্দুটি আপনার উন্নতাবস্থা অবলোকন করিয়া জয়ং হাস্য মুহুরে বলিতে লাগিল, “হায়! আমি কি নিরোধ; আমার জানা উচিত, জগতে অতি ক্ষুদ্র পদার্থ হইতেও সময়ে সময়ে মহত্বপূর্ণ সাধিত হইতে পারে। এই সুবিশাল বিশ্বমণ্ডলে কেহই বুঝা আইদে নাই এবং কাহারও জীবন অনুপাদেয় বলিয়া পরিগণিত হইতে পারে না। যখন একবিন্দু লবণাক্ত বারি হইতে জুবর্ণ কিরীট সুশোভিনী বহুমূল্য যুক্তার সৃষ্টি হইতে পারে, তখন নিরাশার দাস হইয়া কালহরণ করা কাহারও পক্ষে কর্তব্য

নহে। বিশেষতঃ সংসর্গ বলে এবং উপযুক্ত ক্ষেত্র প্রাপ্ত হইলে বুলি মুষ্টি ও সূর্য্য মুষ্টি হইয়া যায়, সুতরাং জীবনের উদ্দেশ্য বুঝিয়া আশাবিত্ত চিন্তে সকলেরই কর্তব্য কর্ম সম্পাদনে প্রবৃত্ত হওয়া বিধেয় এবং সৎ সংসর্গ লাভ করিয়া জীবনের মহত্ত্ব সংসাধন করা সকলের পক্ষেই প্রেরণকর।”

পাঠিকা! উ রিলিখিত আখ্যান-টিতে বারিবিন্দুট যে মহান, সারগর্ভ, এবং চিন্তাপ্রসূত উপদেশ প্রদান করিয়াছে, তাহা প্রত্যেক মনুষ্যেরই সত্যত্ম স্বরণ রাখা উচিত। বাস্তবিক, সামান্য বলিয়া কাহাকেও উপেক্ষা করা কর্তব্য নহে এবং ক্ষুদ্র বলিয়া উপেক্ষিত হইয়া থাকেও মনুষ্যোচিত নহে। পৃথিবীর ইতিহাস যাহারা মনোযোগ পূর্ব্বক পাঠ করিয়াছেন, তাহাদের বোধ হয় জানা আছে, অতি সামান্য বংশোদ্ভব পুরুষ ও রমণী কর্তৃক জগতের বিবিধ প্রকার মহোৎপত্তির সাধিত হইয়াছে। বিখ্যাত মণ্ডলস্থ সমুদয় মহত্ব্যপারের মূলে ক্ষুদ্র ক্ষুদ্র অণু থাকে, সেই ক্ষুদ্র হইতেই এত বড় জগন্মণ্ডল রচিত হইয়াছে। যে বৃহদাকার বটবৃক্ষের উন্নত দেহ, স্থূল শাখা, বিশাল স্বল্প এবং অগণ্য পল্লব-রাশি দেখিয়া মোহিত ও প্রীত হও, তাহার মূলে এক বিন্দু বীজ ভিন্ন আর কিছুই নাই; এবং যে তৈলরাশি নারী জাতির কেশের শে.ভা বর্জন, মস্তিষ্কের শৈত্য সম্পাদন এবং শারীরিক বহু

প্রকার রোগের দমন করে, তাহা কোথা হইতে উৎপন্ন জান? এক বিন্দু সূর্য্যের অসাধারণ ক্ষমতা শুনিলে তোমরা বিস্মিত হইয়া যাইবে। সূর্য্য বৃক্ষ আপন শাখায় যে ফল উৎপন্ন করে, তাহার উচ্চতায় প্রকাণ্ড দেহ মনুষ্যের চক্ষুজ্যোতি একেবারে ধ্বংস করিয়া দিতে পারে; ইহার মূলে বিস্মৃতিকা রোগগ্রস্ত মূর্খ প্রায় রোগীর হিকা, ভেদ, গাত্রদাহ প্রভৃতি নিবারণ করিতে পারে, এবং ইহার ফলের রসে অর্থাৎ তৈলে জগতের অন্ধকার হরণ, রোগ দমন, শৈত্য সম্পাদন, শোভা বর্জন এবং মনোরঞ্জন করিতে সম্পূর্ণ সমর্থ। ভাব দেখি, ইহা দেখিয়া ক্ষুদ্রকে আর কে অতঃপর ঘৃণা করিতে চাহিবে? ক্ষুদ্রকে দীক্ষর যে শক্তি এবং অধিকার প্রদান করিয়াছেন, তাহার অপব্যবহার করা কোন মতেই উচিত নহে।

এই পৃথিবীতে ক্ষুদ্র কিম্বা মহৎ সকল মনুষ্যই এক মহারাজের শাসনাধীন। তাহার ন্যায়-শাসন সকলের উপর সমান ও সকলেই সমান স্বত্বের অধিকারী। কি ক্ষুদ্র কি মহৎ সকলকেই সেই প্রেমময় পিতার পবিত্র মন্দিরে আপনাগন কার্যের ফলাফলের জন্য দায়িত্ব স্বীকার করিতে হইবে, সুতরাং ক্ষুদ্র এবং মহৎ সকলেরই পবিত্র ভাবে, সরল চিন্তে, বিশ্বাসের সুদৃঢ় ভিত্তিতে নির্ভর ও ন্যায়ের তুল্যদণ্ডে পরিমাপ করিয়া জীবনের প্রত্যেক মুহূর্ত্তের চিন্তা ও ক্রিয়া সম্পন্ন করা উচিত। যে কোন কার্য করি না

কেন অথবা যে কোন বিষয়ের চিন্তায় মনঃ সংযোগ করি না কেন, সেই চিন্তা এবং সেই কার্য জগতের মঙ্গল কি অমঙ্গল বিধান করিবে তাহা ভাবিয়া করাই ধার্মিকের উপযুক্ত। সেই প্রেমময় পিতার পবিত্রতার কাছে আমরা কেবল সত্যপ্রিয়তা ও ন্যায়পরতা বলেই দণ্ডারমান হইতে সমর্থ হই, অতএব কি জীলোক কি পুরুষ সকলেই আপনাপন জীবনের উদ্দেশ্য স্মরণ করিয়া কেবল

সতত ন্যায়পরতার দিকে অগ্রসর হইলেই মুক্তিলাভ করিতে সমর্থ হইবেন। ক্ষুদ্র বলিয়া নিরাশ হওয়া মূর্খের কার্য। সত্য-প্রিয় ক্ষুদ্র, অসত্যপ্রিয় বৃহদাপেক্ষা, শত গুণে বৃহত্তর। প্রেমময় পিতার প্রেমে যিনি অমর, তিনিই বাস্তবিক মহৎ ও মুক্তাপ্রসূ বারিবিন্দু; তন্নিম্ন সবলেই সামান্য এক একট বারিবিন্দু ভিন্ন আর কিছুই নহে।

প্রাচীন আৰ্য্যরমণীগণ।

উপনিষদের কাল।

গত বারের প্রকাশিত বরণী-চরিত্রা নৈজেরী হইতে পূজ্যতর একটি মহিলার বিবরণ এক্ষণে লিপিবদ্ধ করিতে প্রবৃত্ত হওয়া গেল।

৮।—গার্গী।

গার্গী, বচস্তু মুনির হৃদিতা, এই বিষয় ভিন্ন ইহার পরিচয় সংজ্ঞাস্ত কোন বৃত্তান্তই জানা যায় নাই। তবে ইহার বিদ্যাধ্যয়ন-বিষয়ে কিছু কিছু তথ্য অবগত হওয়া গিয়াছে। ইনি বেদালোচনায় এতাদৃশ অধিকারিনী হইয়াছিলেন যে, উক্তর কালে তদর্থ সবিশেষ খ্যাতি প্রতিপত্তিলাভ করেন। শুক্ল যজুর্বেদান্তর্গত বৃহদারণ্যক উপনিষদের তৃতীয় অধ্যায়ের ৬ ষষ্ঠ ও ৮ অষ্টম ব্রাহ্মণে* বিনিবেশিত

ইহার বচনগুলি নিতান্তই মনোহর ও উপদেশপ্রদ। তাহা বেদ-বাক্যবৎ প্রামাণ্য, স্ততরাং জন-সাধারণের নিকটে অত্যন্ত মান্য ও আদরের বস্তু হইয়া উঠিয়াছে। সংপ্রবাসীন এই উপলক্ষে নিম্নে একটা ঘটনার অবতারণা করিতেছি, পাঠক পাঠিকা অভিিনিবৃষ্ট মনে তাহার আলোচনা করিয়া দেখিবেন।

প্রাচীন সময়ে মগধদেশ নানাবিধ তত্ত্ববিদ্যা চর্চার নিমিত্ত সমধিক বিখ্যাত হইয়াছিল। বিদেহ, ঐ মগধের অন্তর্গত এক প্রদেশ। মিথিলা নগর বিদেহ প্রদেশের রাজধানী, উহার বর্তমান নাম ত্রিহত। এই মিথিলায় একদা জনক রাজর্ষি বৃহদাক্ষিণী† নামক

* অধ্যায়ের অন্তর্গত বিভাগ-বিশেষের নাম ব্রাহ্মণ।

† “বৃহদাক্ষিণী।” শব্দে অর্থমধ্যে যজ্ঞ হুচিত হয়।

এক প্রকাণ্ড যানের আরোহণ পুরঃসর নানা স্থানের ধার্মিক ব্রাহ্মণবর্গকে আহ্বান করেন। তত্ক্ষণাত্ কুরু ও গঙ্গাল দেশ হইতে বেদ-বিদ্যা-বিশারদ বিজ-কুলের সমাগম হওয়ায়, বজ্র সভার এক অপূর্ণ শ্রী সঞ্চিত হইতে থাকে। সেই সভায় রাজর্ষি জনকের অন্তঃকরণে এই প্রশ্ন সমুদিত হইল, বজ্র নিমন্ত্রণে সমুপস্থিত বিপ্রবৃন্দের মধ্যে কে সর্কাপেক্ষা ব্রহ্মজ্ঞ, জানা আবশ্যক। তদনুসারে তিনি আমন্ত্রিত বিজ কুল সমক্ষে সভাক্ষেত্রে ১০০০ এক সহস্র গো বহন পূর্বক তাহাদের প্রত্যেকের শৃঙ্গদ্বয় ১০ পাদ* সুবর্ণ দ্বারা হৈমময় করিয়া দিলেন। তদনন্তর কহিলেন, 'ব্রাহ্মণগণ! আপনাদের মধ্যে যিনি সর্কাপেক্ষা ব্রহ্মবিদ, তিনিই এই গো সমস্ত গ্রহণ করিবেন।' কেহই দানগ্রহণে অগ্রসর হইলেন না। অবশেষে বাজ্র-বক্ষ্য স্বীয় শিষ্য সোমপ্রবাকে গোধন গুলি উন্মোচন করিয়া লইতে অমুজ্ঞা দিলেন। বাজ্রবক্ষ্যের এবজ্জিত আচরণে সভাস্থ অন্যান্য ব্রাহ্মণেরা ক্রোধ-কম্পিত হইলেন, কিন্তু কাহারই বাক্য-শ্রুতি হইল না। কেবল জনক রাজার পুরোহিত অশ্বলই কহিতে লাগিলেন, 'বাজ্রবক্ষ্য! আপনিই কি আমাদের হইতে

সর্কশ্রেষ্ঠ ব্রহ্মপরায়ণ?' তৎপরে করংকার বংশীয় আর্ভভাগ, লহ্য-পুত্র ভূজা, চরক-তনয় উষন্ত ও কুমীতকাত্মজ কোহল ক্রমাধয়ে নানা রূপ প্রশ্ন জিজ্ঞাসা করিলেন। তদনন্তর ব্রহ্মপরায়া গার্গীর সহিত বাজ্রবক্ষ্যের বেত্রপকথোপকথন হয়, তাহা নিম্নে লিখিত হইল।

গার্গী।—বাজ্রবক্ষ্য! সলিলোপরি এই মহী ওতপ্রোত হইয়া রহিয়াছে। সলিল কাহার উপর ওতপ্রোত?

বাজ্রবক্ষ্য।—কেন গার্গী! বায়ুতে।

গার্গী।—বায়ু কাহা দ্বারা ওতপ্রোত?

বাজ্রবক্ষ্য।—ফিতি, অপ্, তেজ, মরুৎ ও ব্যোম দ্বারা।

গার্গী।—উহা আবার কোন্ দ্রব্য দ্বারা ওতপ্রোত?

বাজ্রবক্ষ্য।—কেন? গান্ধর্ব লোক দ্বারা।

গার্গী।—উহা কিসে ওতপ্রোত?

বাজ্রবক্ষ্য।—হে গার্গী, সূর্য্য লোক দ্বারা।

গার্গী।—সূর্য্য কাহা দ্বারা ওতপ্রোত?

বাজ্রবক্ষ্য।—চন্দ্র লোক দ্বারা।

গার্গী।—উহা আবার কাহা দ্বারা?

বাজ্রবক্ষ্য।—নক্ষত্র লোক দ্বারা।

গার্গী।—নক্ষত্র লোক কাহা দ্বারা ওতপ্রোত?

বাজ্রবক্ষ্য।—দেব লোক দ্বারা।

গার্গী।—দেবলোক কাহা দ্বারা ওতপ্রোত?

বাজ্রবক্ষ্য।—ইন্দ্র লোক দ্বারা।

* সারণ্যচাষের মতে ১ পাদ এক পলের এক চতুর্থাংশ অর্থাৎ (১৫ পঞ্চদশ) অথবা এক সুবর্ণমুদ্রা। উইলসন সাহেব ১ পাদকে প্রায় ১ এক তোলা বলেন।

গার্গী।—উহা কাহা দ্বারা আবার ওতপ্রোত ?

যাজ্ঞবল্ক্য।—ব্রহ্ম লোক দ্বারা।

গার্গী।—ব্রহ্ম লোকই বা আবার কাহা দ্বারা ওতপ্রোত ?

গার্গীর এই শেষ জিজ্ঞাসা শ্রবণ করিয়া যাজ্ঞবল্ক্য কহিতে লাগিলেন, গার্গী! পরাজিত হইবার আশঙ্কায় অসম্ভব প্রশ্ন করিও না। তুমি যে দেবতার বিষয় প্রশ্ন করিলে, তিনি জিজ্ঞাসার অতীত পদার্থ। অতএব গার্গী! এ সম্বন্ধে আর প্রশ্ন করা তোমার কর্তব্য নয়।

অনন্তর গার্গী কিছুক্ষণ নীরব থাকিলেন। তখন অল্পলক্ষ্যে ঋষিনন্দন উদ্ভালক কিছু জিজ্ঞাসা করিলেন। যাজ্ঞবল্ক্য তাহারও প্রকৃত উত্তর দিলেন।

গার্গী তখন পুনরায় সভাস্থ সমস্ত দ্বিজাতিকে উদ্দেশ্য করিয়া যেরূপ বলিয়া ছিলেন, পশ্চাৎ বর্ণিত হইতেছে।

গার্গী।—ব্রাহ্মণগণ! এই যাজ্ঞবল্ক্যের প্রতি আরও দুইটি প্রশ্ন প্রয়োগ করিবার আকাঙ্ক্ষা করি, যদি ইনি সেই প্রশ্ন দুইটির সহুত্তর প্রদানে সমর্থ হন, তবেই আপনারা জ্ঞানিবেন,—কোন ব্রহ্মজ্ঞানীই ইহাকে পরাভব করিতে পারিবেন না।

ব্রাহ্মণেরা ইহা শুনিয়া তাহার অভিপ্রায়ে সম্মত হইলেন।

গার্গী।—হে যাজ্ঞবল্ক্য! বিদেহ-প্রদেশস্থিত বা কাশীপ্রদেশ-জাত ক্ষত্রিয় যজ্ঞপ ধনুতে গুণ দিয়া, দুই তীর সংযোজন পূর্বক বিপক্ষকে লক্ষ্য করিয়া

থাকে, তদ্রূপ আমি দুইটি প্রশ্নরূপ বাণ-যুগলে আপনাকে বিদ্ধ করিতেছি, আপনি তাহার সহুত্তর দানে প্রস্তুত হউন।

যাজ্ঞবল্ক্য।—জিজ্ঞাসা কর।

গার্গী।—নভোমণ্ডলের উপরিভাগে ও ক্ষিত্তিলের নিম্নে কি আছে? শূন্য-মার্গ ও অবনীর মধ্যেই বা কি আছে? আকাশ ও ভূমণ্ডলই বা কি? এবং কাহাতে এই সকল ওতপ্রোত ভাবে বিদ্যমান রহিয়াছে? বর্তমান, অতীত ও ভবিষ্যৎ কালও কোন পদার্থে ব্যাপ্ত?

যাজ্ঞবল্ক্য।—উক্ত স্থান ও উক্ত কাল সমুদয় কেবলই মহাকাশ দ্বারা ওতপ্রোত আছে।

গার্গী।—মহাভাগ! আপনার এই সুবৃক্তিসম্পন্ন উত্তর লাভে কৃতার্থা হইলাম। আমি এই সহুত্তর প্রাপ্তি নিমিত্ত মহাশয়ের নিকট প্রণতা হইলাম। অতঃপর দ্বিতীয় জিজ্ঞাসার প্রত্যুত্তর প্রদান করুন।

যাজ্ঞবল্ক্য।—প্রশ্ন কর।

গার্গী।—আপনি কহিলেন, মহাকাশ দ্বারা পৃথ্বী উর্জ ও অধঃ প্রদেশ, উভয়ের মক্ষি-স্থল—এবং ভূত ভবিষ্যৎ ও বর্তমান কাল পরিব্যাপ্ত রহিয়াছে। ভাল, সেই মহাকাশই বা আবার কাহা দ্বারা পরিব্যাপ্ত?

যাজ্ঞবল্ক্য।—“গার্গী! ব্রাহ্মণেরা বাঁহাকে প্রণাম করেন, তিনি অক্ষয় ব্রহ্ম। তিনি স্থল অথবা হৃদয়, হৃদয় অথবা দীর্ঘ্য নহেন;

লোহিত নহেন, মেহময় বস্ত্রও নহেন, ছায়া অথবা অন্ধকার, বায়ু অথবা শূন্য নহেন; তিনি মায়া ও রস ও গন্ধও নহেন; চক্ষু, কর্ণ, মন, বাণী তেজঃ বা প্রাণ নহেন; তিনি মুখহীন ও উপমাবিহীন।

“হে গার্গী! সেই অবিনশ্বর পরমেশ্বরের শাসন-বলে চন্দ্র ও সূর্য্য, ভূলোক ও জ্বালোক, নিমেষ, যুগ্ম, ও অছোরাজ, পক্ষ, মাস, ঋতু ও সংবৎসর স্থিতি করিতেছে। সেই অবিনশী জগদীশ্বরের শাসনেই পূর্ব্ব ও পশ্চিমদিক্ বাহিনী তটিনী* স্বেত পর্ব্বত হইতে নিঃসৃত হইয়া প্রবাহিত হইতেছে। গার্গী! যে এই অক্ষয় পরমাখ্যার যথার্থ তত্ত্ব অবগত না হইয়া, কেবল বাগবজ্জ, তপস্যা ও হোম করে, সে কদাচ শ্রায়ী ফলপাতে সমর্থ হয় না। উজ্জপ লোক কুপাপাত্র, অতি দীন; কিন্তু যিনি তাঁহার তত্ত্ব পরিজ্ঞাত হইয়া, পরলোক গমন করেন, তিনিই ব্রাহ্মণ অর্থাৎ যথার্থ ব্রহ্মজ্ঞ। গার্গী! সেই ঈশ্বরকে কেহ দেখে নাই বটে, কিন্তু তিনি সকলকেই দেখিতেছেন। কেহই তাঁহাকে প্রতিগোচর করে নাই, কিন্তু তিনি সমস্ত জ্ঞানিতেছেন, কেহ তাঁহাকে চিন্তা করিয়া আরক্ত করিতে পারে নাই, কিন্তু তিনি সকলই জানিতে পারিতেছেন। গার্গী! এই দৃশ্যমান

নভোমণ্ডল তাঁহা দ্বারা ওৎপ্লোত ভাবে পরিব্যাপ্ত হইয়া রহিয়াছে।”

গার্গী! দেবীর মতি ও স্মৃতি শক্তির বিষয় আমরা আর স্বতন্ত্র কি পরিচয় দিব? তাঁহার ধর্ম্মজ্ঞানেরই বা সীমা কিভাবে নির্দ্ধারণ করিতে সমর্থ হইব? তর্কশক্তি ত অতুলনীয়। সেটা যেন বিশ্ববিজয়িনী সাক্ষাৎ মূর্ত্তিময়ী আদ্যাশক্তি। নচেৎ অগণ্য গুণিগণ অগ্রগণ্য ব্রাহ্মণ-সভার ইহাঁর সর্ব্বতোমুখী এত প্রভুতা কেন হইবে? ফল কথা, এই অতুলনা অঙ্গনা এক অভূতপূর্ব্ব অদ্ভুত বস্তু। কবে আমাদের দেশের সমস্ত ভামিনী এই গার্গীর স্বজাতীয়া বলিয়া পরিচয় দিতে সমর্থ হইবেন?*

* ভক্তিব্যাজন শ্রীযুক্ত বাবু দেবেন্দ্রনাথ ঠাকুর মহাশয় গার্গীর প্রাশ্নোত্তরের যে তাৎপর্য্য ব্যাখ্যা করিয়াছেন, পাঠিকাগণের ধর্ম্ম ভাবোদ্বীপনার্থ তাহা এ স্থলে উদ্ধৃত হইল।—

“তিনি সূত্র নহেন, তিনি অণু নহেন; তিনি হ্রস্ব নহেন, তিনি দীর্ঘ নহেন; তাঁহাতে কোন পরিমাণ নাই। তিনি অলোহিত,—তাঁহাতে রক্তাদি কোন বর্ণ নাই। তিনি অজ্ঞেহ—তিনি জগদীশ্বর নহেন; তিনি অদায়ু—বায়বীয় পদার্থও নহেন; তিনি রসও নহেন, তিনি গন্ধও নহেন। এ সকল বাহ্য জড় বস্তুর স্বভাব। তিনি কদাপি জড় নহেন, হুতরাং এ সকল কিছুই তাঁহাতে নাই। তিনি যেমন জড়বস্তু নহেন, সেইরূপ আত্মনিগের ন্যায় জড় শরীর বিশিষ্টও নহেন, তাঁহাতে শারীরিক প্রাণ নাই, এবং তাঁহার মূখাদি অঙ্গও নাই।

* পুরাণবিদ্যাধিনী নদী গঙ্গা প্রভৃতি। পশ্চিম বাহিনী নিন্দু প্রভৃতি।